

কুড়াই কেন্দীয়াসানি

কেয়াঙ কথমা

উপেন্দ্র দেববর্মা

কমথিঙনাই

নরেশ চন্দ্র দেববর্মা



Tribal Research and Cultural Institute
Govt. of Tripura, Agartala

কুউই কেনদীরাসানি কেৰাঙ কথমা

উপেন্দ্ৰ দেববৰ্মা

কমথিঙনাই
নৰেশচন্দ্ৰ দেববৰ্মা



**Tribal Research & Cultural Institute
Government of Tripura**

*a Kokborok folk tale, Kuwai Kendwraisani Kerang Kothoma written
by Upendra Debbarma and edited by Naresh Chandra Devvarma*

© Tribal Research & Cultural Institute
Government of Tripura

First edition :
21st August, 2020

Cover Design : Shabdachitra, Agartala

Type Setting : Shabdachitra, Agartala

Printed by : Kalika Press Pvt. Ltd., Kolkata

Published by :
Tribal Research & Cultural Institute
Government of Tripura.

ISBN : 978-93-86707-38-3

Price : ₹ 100/-

কুউই কেনদীরাসানি কেৰাঙ কথমা

কমথিঙনাইনানি কক

আগি নানা-দাবুরাসঙ কীথাঙ তঙফুরু আঙ বরগনি থানি খীনামানি তঙগ' কুউই কেনদীরাসানি কেৰেঙ কথমা-ন, আব-ন' তইয়ীহ-ন' চিনি জাতি-গুসতি-রগ সালাই তঙগ'। আঙ তাবুক অ কেৰেঙ কথমানি হুকুমু-মুকুমু-ন'নারীক নানি বাৰ্গাই-ন' কিসা সাযজাখা, সাযফা-ন' জততা সাযসীগাই মানলিয়া, তেব' জে মুয়তু মানমানি উানসীগাই-ন' সাযখা, সাযমানি ফা-ন' মিলিয়া জাগা-অ মিলিরিয়ীই মারিখা, আনি সাযথানি চায়াফা-ন' আংগাই মা-ন'-ব জাগাঅ চায়া সীনার্মাই তীলাংদি। আঙ আসা খাইয়' নরগনি থানি অনুমুদন মানানী, অনুমুদন মানখাই-ন' আনি সাযমানি সারথক আংগানী আসীক-ন' কক। চুবাই জত' নন' খলুমবাইখা।

তাং ২০১৭ ইং, ১৫ই মার্চ,
বাং ১৪২৪, পুইলানি চইতর, বুধবার।


য়াকজুর,
উপেন্দ্র দেববৰ্মা

ককসীকাঙ

ট্ৰাইবেল ৱিসাৰ্চ এন্ড কালচাৰেল ইনস্টিটিউটনি তায় চাঙ বিসি বুরুম বুরুমন' হাঙ্গেনি যন্ত দফানি লাইবুমা, তাঙমুঙ-তাইমুঙ, কেৰেংকথমা, ককলপ বিজাপৰগ কাৰিঅ, অব' চিনি সামুঙ বীতাঙগ' খবজাক। চিনি দফানি সাইকৌৰীঙ সিনাই - নুকনাইৰগ তাইব' আব' হায় দাল বিদাল বিজাপ সাইথানি সাকথারমুঙ নাথুঙ হিনয় চাঙ মীচাং শ্ৰী উপেন্দ্ৰ দেববৰ্মাবায় সাইজাক “কুডাই কেনদীৱাসানি কেৰেঙ কথমা” বিজাবন' কাৰিনা বাৰ্গাই সাকথারখা।

বিনি অ পালকতিনি কেৰাঙ কথমানি বিসিংতাই চিনি দফানি সিরিসিতিনি সিমি ফাইমা তাংৱাইদা হুকুমু, মুকুমুনি মারিন' খবাই উনসুকমা ফেহেলীই তিসামা নুগজাগ'। অ বিজাব জতনি থানি হামজাকমুঙ মানানী খাখীলাইঅ।

আং শ্ৰী উপেন্দ্ৰ দেববৰ্মা তাই কমথীংনাই শ্ৰী নৱেশচন্দ্ৰ দেববৰ্মান' অ “কুডাই কেনদীৱাসানি কেৰেঙ কথমা” সাইথানি সাকথারমানি বাৰ্গাই বেলাইখে হামবাই যাফাৰ'।



(ধনঞ্জয় দেববৰ্মা)

দাগিফাঙ

আগুলি,
১ সেপ্টেম্বৰ, ২০২০

ট্ৰাইবেল ৱিসাৰ্চ এন্ড কালচাৰেল ইনস্টিটিউট
ত্ৰিপুৱা হাফাঙ

কমথিঙনাইনি কক থাইসা-থাইনীয়

ককবরক ককরীবায়নি অ জরাঅ তাখুক অকরা মীচাঙ উপেন্দ্র দেববর্মা চিনি সঙদুক দফানি ককবরক ককরীবায় তাই হুকুমুন' কুচুগ' তিসানানি বাৰ্গীই চাইতক-জানাই বরক খরকসা। ব লামতি-রীর্গীই তাবুকফান' খুক বাই খুগ' সাজাৰ্গীই তঙনাই কেৰাঙ কথমারগন' তাই ককবরক রীচাবমুঙরগন' নায়তুর্গীই চাৰ্গীই সীর্গীই তঙজাখ'। ইংরাজি ২০১৫ বিসিঅ হাসতে সরকারনি সঙদুক নায়ফিল তাই হুকুমু তাঙখর বিনি “চেরমা তীয়সা তাই বাসকীরা বলঙনি কেৰাঙ কথমা” মুঙর্গীই বিজাব কাঙসা সাপর্গীই কারিখা। আবনি উল' বিনি “হাচীকনি খরাঙ জাদুকলিজানি রীচাবমুঙ (বীখাক সারেম)” মুঙর্গীই বিজাব-ব' কাঙসা অ তাঙখর সাপর্গীই কারিখা।

আঙ বিনি (১) কুউই কেনদীরাসানি কেৰাঙ কথমা, (২) কাঙগাইতি বীর্গীইচীকনি কেৰাঙ কথমা, (৩) তায়ুঙ তীয়সানি কেৰাঙ কথমা, (৪) পালকতিনি কেৰাঙ কথমা, তাই (৫) তিঙ-তিঙ-তরঙনি কেৰাঙ কথমা,—অ কাঙবা কেৰাঙ কথমা য়াক বাই সীর্গীজাকন' কাহামখে পরিনা নাঙখা। য়াক বাই সীর্গীজাক বিনি তাইব' কেৰাঙ কথমা কীবাংমা তঙগ' হিনীই আঙ সাৰ্গীই মান'। য়াক বাই সীর্গীজাক বিনি ককবরক রীচাবমুঙরগব' কীবাংমা তাবুকফান' সাপর্গীই কারিজাক- য়াখ' হিনীই খীনাঅ।

তাখুক অকরা উপেন্দ্র দেববর্মা বিনি জত' কেৰাঙ কথমা সীর্গীথানি সাকলাইজাঅ ব বিনি নানা-দাবুরাসঙনি থানি খীনামানি কেৰাঙ কথমারগন' মুয়তু খীলায়-খীলায়ীই উানসুর্গীই সীর্গীজাঅ। হিনখাই অর' সীংমুঙ থাইসা কাসাৰ্গীই মান' ব জে আসীক কীবাংমা কেৰাঙ কথমা হিনীই সীর্গীজামানি অমরগনি জত'-নন' কেৰাঙ কথমানি ককবীর্গীঙন' রীর্গীই সহ-সহ কেৰাঙ কথমা দে হিনীই মান? চিনি তিপরা দফাঅ হাকচাল জরা কীচামনি সিমি খুক বাই খুগ' সাজাৰ্গীই ফায়নাই কেৰাঙ কথমারগ পাইসুর্গীইয়া-ফান' কীবাংকুক-ন' চিনি বরকরগ সাৰ্গীই মানলাইঅ। তাখুক অকরা উপেন্দ্র দেববর্মা বাই মুঙ ফারজাক কেৰাঙ কথমারগ উ খুক বাই খুগ' সাজাৰ্গীই

ফায়নাই লুকু-হামজাক-জাক কেৰাঙ কথমাৰগনি বিসিঙগ' কীৰীই আহাই মা তঙগ'।
জেসাফান' অীংথুন অ ককবথমান' তীই-য়ীই অ জরানি ককবরক ককরীবায়ন'
হামজাকনাইরগ তাই কীৰীঙফাৰগ তাখুক অকরা উপেন্দ্র দেববৰ্মানি কেৰাঙ
কথমাৰগন' জায়খে আমজগীই তাই নায়ফিলীই নায়লাইজাথুন।

আনি ডানসুকমা জরাতীই, তাখুক অকরা উপেন্দ্র দেববৰ্মা সীয়কীৰীঙ সিমিয়া,
বন' কক-কীৰীঙব' হিনীই মান'। অীংয়াখে ব বাহাইখে আসীক কীবাংমা কেৰাঙ
কথমাৰগ তাই রীচাবমুঙরগ সীয়ীই মানজা বা? অমন' কারীইব' ব সীয়-কীসীরাঙ।
তামনি হিনবা, আসীক উমর চাকীরা অীংফান' ব তাবুকব' মীথাকমা কীৰীইখে
সীয়ীই তঙজাখ'।

আঙ হিননা নায়' বিনি যাক বাই সীয়জাক কীবাংমা কেৰাঙ কথমাৰগ তাই
ককবরক রীচাবমুঙরগ দাকতিন' সাপগীই কারিজাক-বাইথুন। হিনখাই চিনি ককবরক
ককরীবায় তাইব' চাসারীজাক অীংনাই।

বিনি “চেরমা তীয়সানি তাই বাসকীরা বলঙনি কেৰাঙ কথমা” সাপগীই কারিজাক
ফুরন' খুরসাজাকখা জে ব থীঙনুকনি রাইদাতীই কেৰাঙ কথমাৰগ সীয়জাঅ। আঙ
পুয়তু কীরাক নারীগ' বিনি অ “কুডীই কেনদীরাসানি কেৰাঙ কথমা” বিজাব-ব'
ককবরক ককবীরায়নি রাঙখগ' রাঙচাকনি পুইসা-বেলেপ লেপসা হিনীই
গসিজাকনাই।

আঙলি,
২১ এপ্রিল, ২০২০

নরেশচন্দ্র দেববৰ্মা

বদরমনি কামিঙনি বরকরগ

- | | |
|-----------------------------|-----------------------------------|
| ১। চউদিরি। | ১৪। কুফুতি গমাঙনি বিহিক। |
| ২। বুদিনি চউদিরিনি বিহিক। | ১৫। মতিয়া গমাঙনি বোসাজীক। |
| ৩। কয়া কামিঙনি অকীরা। | ১৬। মাগীরাই। |
| ৪। মীসাতি কয়ানি বিহিক। | ১৭। চিলঙতি মাগীরাইনি বিহিক। |
| ৫। কানতিয়া। | ১৮। কিতঙ মাগীরাইনি বোসীলা। |
| ৬। গাথুরি কানতিয়ানি বিহিক। | ১৯। বানথিয়া। |
| ৭। গদাঙ। | ২০। কমলি বানথিয়ানি বোসাজীক। |
| ৮। কহইতি গদাঙনি বিহিক। | ২১। কীচাকতিনি বুমা মতিয়া। |
| ৯। বেদঙ গদাঙনি বোসীলা। | ২২। কুউই কেনদীরাসা-নি বুমা চাকতি। |
| ১০। কুতাই। | ২৩। চকবীরা-সঙ তাখুক-দক। |
| ১১। হারিতি কুতাইনি বিহিক। | ২৪। খুমতয়া-সঙ বুখুকদক। |
| ১২। চাকতি কুতাইনি বোসাজীক। | ২৫। বাগতি বানথিয়ানি বিহিক। |
| ১৩। গমাঙ। | ২৬। মাখুক। |

কুডাই কেন্দীয়াসানি কেৰাঙ কথমা ।

কক-য়াফাঙ আংখা হাচীক হা ককই-মকই, সাকাঅ বদরমনি কামিঙ হিনাই খুঙসা তঙফ-ন, অ বদরমনি কামিঙগ' খাই আসীক কীথারলায়ীই তঙলাইহি-ন', তাই সায়াই মানলাইয়া-ফ-ন । বীরাই সিকীলা বাই বীরাই সিকীলা, চীলা সিকীলা বাই চীলা সিকীলা, সা-গীনাঙ বুফা বাই সা-গীনাঙনি বুফা, সা গীনাঙনি বুমা বাই সাগীনাঙনি বুমা তাই বীরাইচীক-বুৱাৰগ জতন' অ বদরমনি কামিঙগ' থানসাখাই তঙলাইঅ । থানসাখাই চালাই থানসাখাই তঙলাই, জত' বাই জ-ত' ডাসেক-ডাসেক ডাৰেঙ-ডাৰেঙ খায়ীই কীথালয়ীই তঙসুকলাইয়ীই তঙলাই তঙফন । সালসা মাই-তা-ন' চানানি হিনাই কককীচাৰ-লাইখা হিনতা, অ কামিঙনি চউদিরি জত-নন' ফায়দি হিনাই সাবাই-খা ।

চউদিরি বাই বিহিক বুদিনি ফায়খা ।

- বুদিনি** : চিনি ন-গ' মাইতা চানানি হিনাই নীঙ সামানি জতন'দে কীচাৰবাইখা ? বেদঙ চাকতি মতিয়া তাই কিতঙ-সঙন' ব'দে কীচাৰখা, বরগসে চিনি ন-গ' ফায়ীই তাঙনাই তীয়নাই চারিনাই খানিনাইরগ বেলে, আবরগ কীরাই হিনখাই তাই সা-ব' চিনি ন-গ' কাম খাইনাইবা ।
- চউদিরি** : আবলে বরগন' খাই কীচাৰজাকয়াখ' । আউ নিনি কক-ব' সই-ন' বরগ-ন' কীচাৰীই তুবুয়া হিনখাই চিনি নগলে তাই সা-ব' কাম খাইয়ীই বর্গীই সুর্গীই চারিনাই, আঙ তাবুক-ন' থাংখাতা বরগ-ন' কীচাৰীই তুবুনানি বার্গীই ।

- বুদিনি : বেদঙ কিতঙ-সঙ মাই-মুই সংনানি হিনখাই
তীয়-রগ খক রিয়্যাই মা-ন', তাই চাকতি
মতিয়া-সঙন' হিনখাই মাই-মুই-ন' সঙরি তনিয়্যাই
মা-ন'। বরগলে কামিঙনি চীলা সিকীলা বীরাই
সিকীলা-রগ বীলা জেসা কাম-ব' ফাত ফাত খায়্যাই
তাঙলাই তঙগাঁই মানলাইঅ, চাঙ তাই উানানি
কীরাই খায়্যাই।
- চউদিরি : চীলা সিকীলা বাই বীরাই সিকীলান' খাই থানসা
খায়্যাই তনিমানি হিখাই আঙলে উানাইসে ফায়',
উ-ল' জেসা মুঙসাসীক আংলায়্যাই থাংবাইখাই
চাঙ-নন' পাইয়ানী বীলা সীলাই।
- বুদিনি : বরগ চীলা সিকীলা বাই বীরাই সিকীলা
হামজাক-লাইয়্যাই থাংলাইমানি আ-ব' তাম-ন'
চাঙন' পাইনানি তঙ সীলাই? নীঙ বাই আঙ বাই
আগিঅ হামজাকলাই ফুরুঅ চাঙ সাব-ন' পাইয়্যাই
তঙবা? চিনি বাই চাঙ হামজাকলাইখা তা।
- চউদিরি : নীঙ আগিঅ আ-ন' হা দে হামজাকবা? আঙলে
নন' হামজাকয়া, নীঙ আ-ন' হামজাগাঁই
তঙফান'সে।
- বুদিনি : নীঙ আ-ন' হামজাকয়া চামারি হকুতুসে কায়্যাই
তঙগাঁইসে আসীক সাতগাঁই তনিজাকমানি কুতুরি
মানয়া, ব বা আ-ন' হামজাক-তেয়াফন, আয়াং
বেলে কুতুলইসে থাংতেয়া।
- চউদিরি : নীঙখাই মাই খুরজাকনি বিসিঙগ' আকীরান সগাঁই
মাই বিসিঙগ' ফবাই রিহরমানি সীলাই?
- বুদিনি : নীঙ খাই-ন' কক কবরন-ন' সাতীরীঙ তঙগ'।

চউদিরি, বুদিনি থাংখা।
কয়া বাই বিহিক মীসাতি ফায়খা।

- মীসাতি : নীঙ দা চউদিরি-সঙনি নগ' মাইতা চাথানি থানানি দা ?
- কয়া : কাহাম-কীরীঙ খাই তঙখাই থানানি-ন' হিনাই তঙতা, কুফুতি-সঙবা থানে থাংন' সিয়া। বরগ থাংখাই বাগসা খায়াই থাংলাই মানখামনতা। জেথানি থানানি হিনখাই লগি-ব' কিসা নাঙ বেলে।
- মীসাতি : আঙব' নীয়গীরানাখু বীসাকরগ কাহাম-কীরীঙ তঙখা খাই থাংগাই মাই-ন' ফায়সা চানানি হিনাই-ন' তঙগ', থানানি হিনমানি তা-ম' আংন' সিয়াদ। আঙ কুফুতি-ন' থানানি দা ব-ন' লগি সয়াই নায়ানী, থানানি হিনখাই বাগসা-ন' বাগসা খায়াই থাঙলাই মা-ন'।
- কয়া : আহাই খাই আঙব' কুফুতিনি বীসাইরগ-ন' লগি নায়াই-মানি হা-ম' চীঙব' খরকনীয় নরগ-ব' খরক-নীয় হিনখাই মীখাঙ পাইলাইয়ীই থাংলাইয়ীই মা-ন' বাগসা-ন' বাগসা খায়াই।
- মীসাতি : নীঙলে নীঙ-খাই চাখাই তঙনানি রীঙয়া আংগাই তঙদি-দ। আবতাই খাইলে আঙ অ জাগাঅ তঙয়া, ফাতসাখাই বীচায়ীই ফয়নাইসে, আঙ আবতাই দবাগ-দবিগ তঙমুঙরগ-ন' খাই নায়-সিগাই তঙগাই মানয়া।
- কয়া : আঙ তাই কুসতামফা-ন' আংলিয়া, নীঙ নায়ীই তঙদি।

কয়া, মীসাতি থাংখা।

চাকতি, মতিয়া ফায়খা।

- চাকতি : বায় মতি, তিনি চউদিরি মাইতা চাফুরুঅ দা বেদঙ বাই দা কিতঙ ফয়নানি হিন বেলে। বরগনব'

- তীয়-রগ খকরি-নানি মাই-মুইরগ বকরিনানি
হিনাই কীচার হিন বেলে, টাঙন' নীঙ বাই কীনীয়
কীচার-মানি হাইখাই-ন', আবসে বরগ বাই কাহাম
খাই কক সারাকনিয়াতা বরগ-ব' সিকিলা চাঙব'
সিকিলা হিনখাই।
- মতিয়া : সিকিলা বাই সিকিলা হিনাই কক-ন' সারাকয়া
তঙন'? দাদা নীঙলায়ীই কক-ন' সালাই
খিবানীতা, পুইলা য়াফাঙগ' দাদা দাদা হিনাই কক
সাগীরা-খাই উ-ল' সাতে সাতে খাই কিসা
লাচিলাইমানি হামলাই-খাই বরগ বুবতীই আংগীই
তঙলাই নায়সিগীই নায়গীরাদি, আবসীক খাই-ন'
বরগনি বীখান' চাঙ রমীই খিবীই মানগীরানী।
- চাকতি : আসীক খায়ীই মানখাই-ন' আংগ' বায় মতি,
আবনি উল'খাই বেরাইফায়দি ব সা-ল' ফায়নানি,
নরগ খরগনীয়-ন' ফায়দি হিনাই সাউনীতা।
আবসীক খাই-ন' আংগীই উ-ল' কুকু-বুই-ন' চিনি
নগ' বেরাইনানি হিনাই ফায়খাই চাঙ সামানি কক
বাই আফুরু-সে বরগ-ন' সামুঙ তাঙনানি।
- মতিয়া : আঙ সাখাই-ব' উল' তঙগীই খাংগীই মাননিয়া
হাই মাতঙগ', আফুরু নীঙ আনি কক-ন' সিমি-ন'
জরা রিচুরিয়ীই তঙনাবা, আঙসে বরগ বাই
কক-ন' কাহাম খাই সানাই তঙদীলা।
- চাকতি : নীঙন' সীবায়ীই সুকুরুমীই সানাই বায় মতি।
- মতিয়া : আঙসে তঙগ' নীঙ সিরিঙ' সিরিঙ খায়ীই
তঙনাবা।

চাকতি, মতিয়া থাংখা।
বেদঙ, কিতঙ ফায়খা।

- বেদঙ** : দা কিতঙ, চউদিরি-সানি আ-র' মাইতা চাখানি চীঙ হাই খাই কীচারজাকনাই চাকতি বাই মতিয়া-ব' কীচারজাক হিন বেলে, বরগ-ন' খাই মাই-মুই সংনানি বাগীই কীচারফন, বরগ-ব' বীরীই সিকিলা চুঙব' চীলা সিকিলা, বরগ বাই তা-ম' হিনীই বা পুইলা কক-ন' সানানি লাচি-মিসিচা।
- কিতঙ** : বরগ বীরীই সিকিলা বাই হিনীই কক-ন' সারাকয়া তঙ হিন চীঙ চীলা সিকিলা আংগীই? আঙ সীকাঙ কক-ন' সাগীরা-ডানী নীঙ উ-ল' সাদি। উ-ল' সাতে সাতে হিনখাই তাই কিসা বীখা বুজিলাইখাই উল'খাই লাচিলাইয়া আংলাইয়াই জেসা কক-ন' ফা-ন' ফাতীরা চেঙগীরা খাইলাইয়াই তঙলাইয়াই মা-ন'।
- বেদঙ** : চীঙ-সে কক বাই কক সাতে সাতে চেঙগীরা ফাতীরা খাইয়াই তঙগানী বরগলে নীঙ বাই ফাতীরা দে খাইজাংগীই তঙন' বা? বরগ বেলে বীরীই সিকিলা, চীঙ বেলে চীলা সিকিলা। চীলা বাই বীরীই-বা হর বাই সাল। দা কিতঙ নীঙন' সীকাঙ কক-ন' সাগীরানাই ফিয়া।
- কিতঙ** : দ আঙন' সীকাঙ কক-ন' সাগীরাডানী, সায়াই তামঙ নায়সিগীই নায়ীই তঙগীই গীরানাতা তা-ম' আংগীই তঙলাই। আরনি বিসিঙ কক সায়া তঙখাই চীঙ কুবুনি কক-ন' সায়াই তঙগানী তা হি-ন'। চীঙ চীলা ব'দে আসীক বীরীই-ন' লাচিয়াই তঙনানি? আঙ-ন' সীকাঙ সাগীরা-ডানী নীঙ উ-ল' সাদি।
- বেদঙ** : আঙব' আসীকলে ববা হাইখাই তঙগীই মাননিয়া। নীঙ সাবাখাই-ন' আঙব' সায়াই খিবনাই, আঙব' আসীক লাচিয়াই তঙনাই বরকয়া, বরগ বাই মালাই নায়গীরাথুন তা।

কিতঙ : ইকৈলে সীকাঙনি রববারনি সা-ল' খাই-ন' চিনি
চউদিরি-সা মাইতা-ন' চাউনৌ অ সা-ল' খাই-ন'
অ বীৰীইরগ বাই মালাইয়ানী বেলে।

বেদঙ : এরাম সামপাইসে তঙখা বেলে।

বেদঙ, কিতঙ থাংখা।

কুফুতি, গমাঙ ফায়খা।

গমাঙ : ফায়দি দা চউদিরি মাইতা চাথানি থাঙলাই
ফাইয়ানী। চীঙ হিক-সায়, চীঙ হিক-সায়নি
বুমাখাঙ নুকসকয়া খাই চাজাকনিয়া। চীঙ থাংয়া
খাই চিনি দা চউদিরি চাজাকনিয়া বীলা। উল' আঙ
বাই মালাইখাই হিনজাৰ্গাই তঙনানি বাৰ্গাই দা?
আব' বাইন' থাংলাই ফায়ানী ফায়দি।

কুফুতি : অ মাইতা চাথানি থানানি-ত' থানানি', চিনি
বীসা-বীতাই-সঙসে অ মাইতা চাথানি মাই-মুই
সঙনানি বাৰ্গাই কীচাৰজাগ' হিনখাই, বরগসে
আ-ৰ' থাংলাই তঙগানী হিনখাই, চাঙব' আর-ন'
থানানি হিনখাই লাচি-মিসিচা আংগাই তঙতা,
থানানি-ত' মুচুঙগ'। দনায়গীরানা-তা থানানি-ত'
থানানি-ন'।

গমাঙ : হিমদি-তা সীরাপসা থাংলাই ফায়য়ানী, বীসা থাং
হিন-ব' চীঙ থাংগাই মান বেলে তা-ম' তঙবা,
কয়া বাই বিহিকরগ মীসতি-ব' থাংনানি হিনখাই।

কুফুতি : দ হিমদি তা খাই।

গমাঙ, কুফুতি থাংখা।

চউদিরি, বুদিনি, চাকতি, মতিয়া ফায়খা।

- চউদিরি : ইক'চাকতি-মা বাই মতিয়ামা ফায়খা। থাংদি নীঙ বরগ-ন' মাই-মুই-ন' সংনানি নায়াই রিয়াইদি। তাবুক সীকাঙ বারিয়া তীয়রগ থাইসা থাইসু খকলাই-গীরাথুন, উল' আয়ুঙ বেদঙ বাই কিতঙ ফায়খা হিনখাই বরগ-ন' খগরি-ডানী তীয়-ন'। তাবুক বরগ-ন' সীকাঙ কিসা খকসক-গীরাথুন।
- বুদিনি : আউ আবতাই-ন' খাইরিডানী, থানদি খাই নরগ তীয়-ন' খকলাই-গীরাদি। তীয় খকনাইরগ-ন' সাজাক তঙগ' বেদঙ বাই কিতঙ-ন', বরগ ফায়খাই খকলাই-ফায়থুন। ই-ক' তীয় খকমানি বার থিক খাই-ন' তনিখা' ফায় খাই-ন' খকফায়নানি খালাইয়াই।
- চাকতি : হিমদি খাই বাই মতি তীয় খকলাই-গীরানাখু, বরক বাসীক-ব' বাংন' যঙ বাঁরাই। বরক বাংখাই তীয় গিলা খাই-ন' খকনানি নাঙগানী বেলে।
- বুদিনি : বরক খাই বাংগানী, কীচারজাক জত-ন' ফায়বাইয়ানী, তীয় খাই বাঙরিয়াইসে মা খকনাই। আয়াং-ব' কুডা হাকচাল, হাপুঙ থাইসা বাঁরাই থানানি নাঙগ' থানানি ফায়নানি হিনখাই মজম' চালাই থাঙগ'।

চাকতি বাই মতিয়া তীয় খকনানি থাংখা।

- মতিয়া : চাকতি চীঙ মাই-মুই খাই সঙলিয়া-দ তীয়-ন' সিমি-ন' খকলাই তঙলাইমানি হা-ম', বরগ ফায়খাই চীঙ বরগ বাই-ন' থানসা খায়াই-ন' খকলাই তঙসিনাই তাই চীঙ কুসতাম ফা-ন' খাইলিয়া।
- চাকতি : আউ বায় মতি, আব-ন' কক কাহাম-না, তীয় খর্গাই তঙখাই-ন' বরগ বাই কক-ন' সালাই তঙনানি, তীয়-ন' খর্গাই লেঙগাই তঙমানি-ব' পর্গাই থানাই।

- মতিয়া : পুইলা সীকাঙ চীঙ কক-ন' তা সাগীরাদি-খ',
বরগ-দে সীকাঙ সাগীরা-ন' নায়গীরাদি-দ, বরগ
সাখাই চীঙ-ব' সাউানী, বরগ-ন' সীকাঙ
সাগীরাথুন।
- চাকতি : বরগ সায়া খাই সীলাই?
- মতিয়া : নায়গীরানা তা, কক-মুঙ বুজি তঙমুঙ তা।

মতিয়া, চাকতি থাংখা।

চউদিরি, বুদিনি, বেদঙ, কিতঙ ফায়খা।

- চউদিরি : বেদঙ বাই কিতঙ ফায়খা, নরগনি বাগীই তীয়
খকনানি বার খায়ীই তনিখা। নরগ থাংলাইদি,
আচুগীই সীরাপসা লেলায়ীই। মাইতা (মাই
কীতাল) চাথানি হিনখাই বরগ খাই বাংগীই-ন'
ফায়য়ানী, কামিঙনি জত-নন' কীচারজাক।
মাই-মুই সংফায়-নাইরগ-ব' ফায়বাইখা। নরগ
তীয় সিমি-ন' খগীই তঙদি। উল' মানখাইবা বাগীই
চারিদি কিসা।
- বুদিনি : নরগ তীয় সিমি-ন' খগীই তঙদি, তীয় খকনানি
জাগা হাকচাল হাপুঙ থাইসা হাদুক দুকসা বারীই
থানানি নাঙগ', নরগ সিমি-ন' খকলাইদি, নরগনি
লগিঅ মতিয়া বাই চাকতি তঙগ', বরগ খাই
নরগনি সীকাঙন' তীয় খগীই তঙলাইবাইখা ব
কালে-ন'।
- বেদঙ : যঙ মাইতা চাথানি তা-ম' তা-ম' সঙনানি আংখা
সীলাই?
- চউদিরি : মাই কীতাল সংগানী, উহান সংগানী। উহান
চার্খাই মুঙসা সংগানী, তহান মুঙসা সংগানী,
সবাইলাই চার্খাই মুঙসা সংগানী, মুইতুরু মুঙসা
সংগানী, সকই আপীরাঙ মুঙসা সংগানী, গদক

মুঙসা খাইয়ানী তাই সাকপুল নাকপুল খায়ীই
দা-ল' মুঙসা সংগানী।

বুদিনি : মাইতা চামানি-বা কাহাম খাই-ন' চারিডানী হিনীই
চারিনানি নায়' কামিঙ কায়সা-ন' খায়ীই, বিসি
খায়ীই চারি মানয়া-ফা-নসে।

চউদিরি, বুদিনি থাংখা।

বেদঙ : তিনি খাইলে চাকতি বাই মতিয়া-ন'
মালাইলাই-সিনাই-ন' চাঁঙ। বরগ কক-ন' সীকাঙ
সাগীরা-থুন চাঁঙ নায়সিক-লাইয়াই তঙলাই
গীরানাখু, উ-ল' বরগ সাবাই-খাই চাঁঙব'
সাসিনাইতা। চাঁঙ বরগনি বুমাখাঙ-ন' নায়সিগীই
খিবাই রিগীরা-নাখু, বরগ চাঁঙন' নুকখাই তা-ম'
আংলাই তঙ নায়সিগীই নায়দি।

কিতঙ : বরগ-ন' নুকখাই-ন' সায়ীই মানানী বরগনি বুমাখাঙ
তা-ম' আংলাই তঙলাই। উথ-র' উথ-র'দে আং
না মীখাঙ দে সমাই তঙ নায়সিক খাই-ন' সায়ীই
মানানী, পুইলা নায়সিগীই নায়ীই নায়গীরানাখু।

বেদঙ, কিতঙ থাংখা।

চাকতি, মতিয়া ফায়খা।

চাকতি : বায় মতি, দা বেদঙ বাই দা কিতঙ ফায়নানি হিনীই
খীনামানি খাই তামঙগীই-ব' আসীক লেরীই
তঙখা সীলাই? ফাদে ফায়-ন' ফাদে ফায়গীলাকখা
তা-ম', ফায়য়া-খাইলে চাঁঙ তীয় খকলাইমানি খাই
অসই-সে আংলাই সিঅ, বিনি সীলাই তীয় খকয়া
কারীই মাই-মুই সংগীই তঙলাইমানি-ন'
হামলাইখামন।

- মতিয়া : দ তাই সীরাপসা নায়াই তঙগীরাদি-খ', জরা-ব' তঙখ' বীলা, ফায়নানি কক হিনখাই ফায়য়ানী তামঙগীই ফায়য়া আংনানি-বা ? নায়াই তঙগীরাদি তাই সীরাপসা, ফায়নানি খাই ফায়ীইসে তঙফায়খীনা চীঙ তীয় খকনানি ফায়সানি। চীঙ তাবুক থাংখাই-ন' নুগীইয়ানী নায়াই তঙগীরাদি।
- চাকতি : দ নুকগানীতা বায় সাবনি কক নাঙ।

চাকতি, মতিয়া থাংখা।

চাকতি, মতিয়া, বেদঙ, কিতঙ ফায়খা।

চকতি, মতিয়া, বেদঙ, কিতঙ-সঙ খরক-বীরাই খায়ীই তীয় খকলাইনানি থাংলাইখা। থাঙলাইফা-ন' কে বাই কে কক-ন' সালাইয়া আংলাই তঙখা। বব' হি-ন' ব সাথুন বব' হিন ব সাথুন হিনীই। বুমাখাঙ বাই বুমাখাঙ কীলাই-লাই খাই কিসা কিসা মুনীয়-সুরু মুনীয়-সুরু আংলাই তঙলাইঅ, মুনীয়লাই-লায়ীই সিমি-ন' তঙলাইঅ কক-ন' খাই সালাইয়া। য়াংগ' বেদঙ বাই কিতঙ বীখা বিসিঙগ' হি-ন' চাকতি বাই মতিয়া সাগীরাথুন, য়াংগ'-ব' চাকতি বাই মতিয়া-ব' বীখা বিসিঙগ' হি-ন' বেদঙ বাই কিতঙ-ন' সীকাঙ কক-ন' সাগীরাথুন, উল' খাই চীঙ সাউনানী হিনীই। আবতীই খায়ীই কক সালাইয়া আংগীই কুউঅ তীয় খর্গীই উইনীয় উইথাম খায়ীই নাহারলাইখা তু বুলাইখা। তে বসে কক-ন' সালাইয়া মীনীয়-লায়ই সিমি-ন' তঙলাইঅ উারিক উারিক খাইলাই। উইসানি কারীই উইনীয়, উইনীয়নি কারীই উইথাম থাংলাই তীয় খকলায়ীই তুবুই ফায়লাই-ফুরু খাই-ন' মীসা-ন' আতকাসা নুগীই জানি লামা-ন' জা খায়ীই খারীই মা থাংখা। গলা

কুলুলীও তীয় তুবুলাই ফায়লাই-মানি-ন' খাই
খিকীলায়ীই মা কীলাংলাইখা খারীই
থাংলাই-ফুরুঅ হিনখাই। তীয় তুবুমানি গলা-রগবা
খিকীলায়ীই রিখাই-ন' খুখুরুপখ খাখারাপ খায়ীই
বায়ীই থাংবাইখা। যাংগ' খারীই থানাইরগ
হিনখাই, বেদঙ বাই হিনখাই চাকতি খারজাক-তীয়
আংখা, কিতঙ বাই খাই মতিয়া খার-জাকতাই
আংখা। বেদঙ বাই চাকতি মীসা-ন' কিরিয়ীই
খারতে খারতে বুইনি হাপিঙনি গাইরিঙ সাক
কুসুঙনীয়' কীসালাই তঙগীইখা, কিতঙ বাই
মতিয়া-ব' আহাই-ন' বুইনি গাইরিঙ কীচা-ম'
থাংগীই কীসালায়ীই তঙগীইখা।

- বেদঙ : আসীক উইনীয় উইথাম নরগ বাই তীয় খকলাই
তঙলাইয়ীই নরগ তামঙগীই ককসায়া
গী-জা-সীলাই চাঙ বাই?
- চাকতি : নরগ খাই তামঙগীই সায়া সীলাই চাঙ বাই? চাঙ
খাই নরগ বাই কক-ন' সানানি-ন' মুচুঙগীই-ন'
তঙগ', নরগ সাখা হিনখাই চাঙ-ব' সাখামনতা
নরগ-ন' সায়া হিনখাই চাঙব' সালিয়াতা।
- বেদঙ : তাবুক খাই তামঙগীই কক-ন' মা সাখা সীলাই?
- চাকতি : তাবুক খাই তাই যকয়া বাই কক-ন' মা সাকাতা।
- বেদঙ : নীঙ তাবুক আঙ বাই কক-ন' সানানি যকয়া
তাই-ন', নন' আঙ তাই আনি জিবননি নন'
ফিয়কয়া হিনখাই নীঙ তা-ম' হিন-ন' সাদি।
- চাকতি : আঙত' কুসতাম হিনয়া, আনি মা বাই বা সঙবা
তা-ম' হিন-ন'।
- বেদঙ : নীঙবা আ-ন' হা দে হামজাক সাদি, আঙ খাই
নন' হামজা-গ'।
- চাকতি : আঙব' নন' হামজাগ'।

চাকতি : (রীচা-ব'।)

য়াফালে সম চামা তঙগাঁই তঙখা খাই বুইদেসি তঙব' আনি
য়াফা সম চামা কীরাঁই হিনখীলাই থঙগা-র' তঙব' বুইনি।
কীরাঁয় জুগিতি আংমানি তঙ খাই সরগ'-ন' চিনি য়াফা
কীরাঁয় জুগিতি আংনানি কীরাঁই খাই খুপুই কীলাংখা বুফা।
য়াফা সম চামা কীরাঁই হিনখীলাই ...
থঙগারনি বরক নন' খায়য়ানী য়াফা সম চারিডানী
বীখানি বরক নন' খায়য়ানী য়াকনি সম চারিডানী,
য়াফা সম চারি চারি আঙলে, ননলে বইরি-ডানী।
অ মীনাই নন'লে বইরি-ডানী
অ বুইদেসি তঙব' আনি
অ থঙগা-র' তঙব' বুইনি।
অ মীনাই বুইনি খাইলিয়া আনি খায়য়ানী
য়াফা সম চারি চারি।
য়াফা সম চারিযাঁই নন' তননানী
আঙ বাইলে বইরি বইরি,
নীঙ চারিদি আ-ন' বইরিদি, থঙগা-র' তুবুদি বইরি।
অ রাঙচাকবা থঙগা-র' তুবুদি বইরি।
বুইদেসি তঙব' আনি
অ থঙগা-র' তঙব' বুইনি।
থাঙগারনি বরক থঙগা-র' তঙথুন, য়াফা সম চারিযাঁই রিদি
অ থঙগা-র' নারীগাঁই খিবদি।
বুইদেসি বরক বুইদেসি তঙথুন সম চামা য়াকারাঁই রিদি
অ সম-ন' চারিযাঁই তনদি।
য়াফালে সম চামা তঙগাঁই তঙখা খাই বুইদেসি তঙব' আনি
য়াফা সম চামা কীরাঁই হিনখীলাই থঙগা-র' তঙব' বুইনি।

বেদঙ, চাকতি থাংখা।

মতিয়া, কিতঙ ফায়খা।

কিতঙ : চাঁঙ নরগ বাই আসীক উইনীয় উইথাম তীয়
খকলায়ীই ফাইলাইমানি নরগ বাহাই আসীক চাঁঙ
বাই কক-ন' সায়া সীলাই?

মতিয়া : নরগ খাই তামঙগাঁই চাঁঙ বাই কক-ন' সায়া
সীলাই? চাঁঙ খাই নরগ বাই কক-ন' সানামি
মুচুঙগাঁই-ন' তঙগ', নরগ সালিয়া হিনখাই চাঁঙব'
সালিয়া তাহি-ন'।

কিতঙ : তাবুক খাই তামঙগাঁই কক-ন' মাসাখা সীলাই?

মতিয়া : তাবুক খাই তাই রকয়া বাই কক-ন' মাসাখা তা।

কিতঙ : নীঙ তাবুক আঙ বাই কক-ন' সানানি যকয়া
তাই-ন' আঙব' নন হিক সঙগাঁই নন' ফিয়কয়া
খাই, নীঙ খাই তা-ম' হিন সাদি। নীঙ আ-ন' হা
দে হামজাক সাদি, আঙ খাই নন' হামজাগ'।

মতিয়া : আঙব' নন' হামজাগ'।

মতিয়া : (রীচা-ব'।)

নীঙ খাইলে আনি আঙ খাইলে নিনি, আ-ব' সাব-ন' চাঁঙলে সানানি
সানানি জাগা কীরীই।

নীঙব' হামজাগ' আঙব' হামজাগ', চাঁঙ কীনীয় কীনীয় হামজাকলাই
তঙমানি চুঙলে চীলা বাই বীরীই।

নখা বাইয়ীই থাঙব' সামনি কুতুলয়া, নন' নায়সিগাঁই আঙ আইসি যকয়া,
সামনি দে কুতুল কুতুল।

ফেরাঙ কগাঁই তঙব' গানানি কনরয়া, রাঙচাক নুক তঙব' থাংগাঁই খচায়া
নীঙন' রাঙচাকনি বুদুল।

নীঙ খাইলে আনি আঙ খাইলে নিনি ...

নীঙব' দারুনি আঙব' দারুনি দারুনি চাঁঙলে মালাইখা

অ নকবারলে ফায়ীই বাইখীলীই থাঙব' কাগলাই মানগীলাক চাঁঙলে,
চাঁঙ কীনীয় কীনীয় হামজাগ মালাইখা, তীয় কতর ফায়ীই বাই সনাই থাংব'
কাগলাই মানগীলাক চাঁঙলে।

চীলা তঙমানি বীরীই মা তঙগ' বীরীই তঙথানি চীলা মা তঙগ'

চীলা বাই বীরীই থানচা তঙয়া খাই আ-ব' উঙনানি কীরীই।

নীখুঙ খায়ীই চাঅ চীলা বাই বীরীই, খিবিঅই মানয়া মাইতীক ছমানি
রিতেনা রিসীরীই, কিতিঙ কাতাঙ খাই আ-র' মা তঙগ'
মিতিলাংগানী মীরীই।

মতিয়া, কিতঙ থাংখা।

চউদিরি, বুদিনি, কুফুতি, গমাঙ তাই কামিঙনি বরক-রগ ফায়খা।

- কুফুতি** : এই নীঙ ফায়গীরাদি, মতিয়া-সঙ তীয় খকনানি
হিনীই থাংলাইমানি আ-ব' ব-র' তঙলায়ীই
আসীক লেরলায়ীই তঙলাইখা সীলাই। তীয়
খকলাইনানি থাং-ফা-ন' আসীক লেরীই তঙনানি
ককয়া বেলে।
- গমাঙ** : তীয় খকনানি হিনীই থাংলাইমানি তা-ম' আংনানি
ফায়য়ানীতা। অ তীয় খক-মানি জাগা খাইবা
চালয়া দে, হাদুক দুকসা থাংখাই-সে তাই হাপুঙ
থাইসা বাসুয়ীই থানানি হিনখাইবা চালয়া দে,
ফায়ানীতা নায়তঙদি। তামঙগীই অসই উনায়ীই
মাতঙ, কুসতাময়া।
- বুদিনি** : কুবুইয়া খাই তা-ম' সীলাই তীয় খকনাইরগ তাবুক
থাংমানি-বা বালকসুকখা বেলে, আ-ব' তাবুক
থাংলাইমানি দা ? উইনীয় উইথাম সীক থাংলাই
ফায়ীই মানখামন আসীকনি জরা আংখাতা।
- চউদিরি** : বুফুরু থাংলাইমানি-বা ?
- বুদিনি** : থাংমানি লেরখা আ-ব' তাবুক থাংমানি দা ?
- কুফুতি** : ম তা-ম' খাইনানি আংখা দাদা, লামজাকলাই
নায়লাইমানি দে হাম-ন' বর-ব' তঙখা বর-ব' চাখা
তা-ম' আংলাই-ব' তঙখা, তীয় খকলাইনানি
হিনীই থাংলাইমানিলে আসীক লেরীই তঙনানি
ককয়া।

- গাথুরি : নরগ তাই কক-ন' বাংলাই তা তঙলাই-সিদি, লামজাৰ্গাই-সে নায়লাইমানি হামসিঅ, আসীক বরগ লেরলায়ীই তঙমানি মুঙসায়া মুঙসাসে আংগাই তঙখীনা।
- কানতিয়া : হিমলাইদি আহাই খাই, দ-লাইমানি-সে হামলাই-সিঅ, মুঙসায়া মুঙসালে আংখীনা।

কামিঙনি বরক-রগ জত-ন' বরগ খরক-বীৰীই-ন' লামজাৰ্গাই থাংগাই নায়নানি হিনীই থাংলাইখা। তীয় খৰ্গাই তুবুমানি জাগাঅ থাংগাই নায়লাইবা তীয় খৰ্গাই তুবুমানি লামাঅ তীয় খৰ্গাই তুবুমানি গলারগ লামাঅ খিতারজাক কাঁবাইরগ মানীইখা তাই তীয় তুবুই ফায়মানি বার-ব' খিতারজাক মানীইখা। উল' খাই আব-ন' নুর্গাই কামিঙনি বরক-রগ জত-ন' নুর্গাই উানাজাকবাইখা। ম-বা তাম-ব' মীতীই আংখা হিনলায়ীই উানাজাকবাইখা। জত-ন' বুবতীই তঙমুঙব' আংখা হিনীই সালাইখা।

- কানতিয়া : নরগ বা তা-ম' হিন-ন' সায়াই মানয়া, আঙ খাই হি-ন' বরগ চীলা-ব' সিকিলা বীৰীই-ব' সিকিলা-বা খারলাই আকন দে থাংলাইখা হি-ন', খারীই থাঙগ'-ব' হিনসুর্গাই মানয়া।
- কয়া : খারীই-ন' থাংলাই-খাই বরগ তাই ব-র' থাংলাইনানি-বা, থাংলাইখাইবা বলঙগ' হাপলাই তঙলাই নানিতা।
- গাথুরি : আঙলে খারলাই থাঙগ' হিনীই বীখাঅ কিসাফা-ন' রময়া। জেবা মুঙসা-সীক আংখা বরগ। আংয়া খাই মীসা বাই আক-ন' দে মালাইলাইখা তা-ম' আঙ খাই আবতীই-ন' হি-ন'।

চউদিরি : বরগ-ন' খাই আঙলে খারলাই থাংলাইখা হিনাই
বীখা-ন' খাইয়া, উসীকাঙগ' যাং ফায়সিঙগ'-ন'
মীসা পুঙগীই তঙনানি খীনাঅ, অ মীসা বাই দে
মালাই-মুলুয়ীই দে খারলায়ীই থাঙলাইখা তাবুক
তা-ম' হিনাই সানানি। বরগ কীথাঙ তঙখা হিনখাই
জেতীই-ন' সকফায়ানী, তাবুক তাকুতুক-লাইদিখু।

কিতঙ, মতিয়া ফায়খা।

চকদিরি : ইকলে আয়ুঙ কিতঙ-সঙ সকফায়খা, নরগ ব-র'
থাংলাইয়ীই তঙলাই সীলাই? যাংবেলে নরগ-ন'
বিয়াং কীমালাইয়ীই থাংখা হিনাই কামিঙনি
বরক-রগ ডানালাইমানি কুল কীরীই আংলাই
তঙলাইখা।

কিতঙ : তাসা-সিদি যঙ, চীঙ খরকবীরীই তীয় খকলায়ীই
তুবুলাই ফায়লাই-ফুরুঅ বিয়াংনি-ব' মীসা ফায়ীই
চীঙ ফায়মানি লামাঅ চক চক খায়ীই আচুগীই
তঙ-ফায়খা, উ-ল' চীঙন'সে রীকফেরেয়ীই
ফায়খাই চীঙ তীয় খর্গীই তুবুই ফায়মানি
গলারগ-ন' খিতারীই খারলায়ীই মাথাংলাইখা তা।

চউদিরি : আঙ সায়া দে মীসারগ বাই ফা-ন' মালায়ীই
তঙগীই মা-ন' হিনাই। অ-মা বিয়াং তীয় খকনানি
মীসা বাই মালায়ীই-সে আকাম-চুকাম আংলায়ীই
মাতঙলাইজাসিঅ, নায়লা চীঙখাই নরগ-ন'
কীমাজাকলায়ীই ডানালায়ীই মাতঙলাইখা তা তাই
তা-মন' খাইনানি-বা।

কিতঙ : বেদঙ-সঙ খাই সকফাইয়াখ' দা?

চউদিরি : ব-ক' সকফাইয়া-খ' বীলা, বরগ খাই বিয়াং
থাংবাইখা সীলাই? নীঙ খাই সায়ীই দে মান বরগ
খাই নীঙ বাইয়া দা?

- কিতঙ : ব-ক' চাঙ বাই কীরাই বেলে, চাঙ বরগ বাই মীসা
মালাই-ফুরা জে নুকলাইমানি-সে, আফুরগনি
সিমি তাই নুকলাইলিয়া তা।
- চউদিরি : বরগ-ন' মীসালে কুসতাম খীলাইলিয়ানা বেলে ?
- কিতঙ : আবলে কুসতাম খীলাইমানিলে নুকলিয়া।
- চউদিরি : আহাই খাই কুসতাম-ন' উনানানি কীরাইখা।
হিমবাই-সিদি ন-গ', অ-র' তঙগাঁই তাই তা-ম'
খাইসিনানি।

চউদিরি, বুদিনি, কুফুতি, গমাঙ, কিতঙ, মতিয়া, কামিঙনি বরক-রগ থাংখা।
বেদঙ, চাকতি ফায়খা।

- চাকতি : নীঙ বাই-ত' আঙ তাবুক কাগলায়ীই ন-গ'
থাংলাই-নানি আংখা, আঙ ন-গ' থাংগাঁই তা-ম'
খায়ীই তঙগাঁইনানি, নন' মাং আঙ সমান'-ন'
খাতাংগাঁই তঙসিনাই। নীঙ বাই আঙ তাই তা-ম'
খাই মালাইলাইনাই। নীঙ আ-ব' কিসা সায়ীই
কীলাং-দি। চীঙ কীনীয় জেসা খাইফা-ন'
মালাই-লাইনানি নাঙনাই।
- বেদঙ : কানি-ন' রববার সালনি ফুঙনি দিবর আংতীতাই
নিনি নকনি পসিম গালানি বলঙগ'
মালাই-লাইয়ানীতা, নীঙ অ দিবর আংতীইনি
জরাত হিনখাই-ন' খিনানি সীতীই-নানি হিনাই
ফায়দি, আবতীই খায়ীই নীঙ বাই মালাইয়ানীতা,
হিমদি খাই তাবুক থাংলাইসিডানী তা।
- চাকতি : তাবুক থাংগাঁই চীঙ বুই-ন' তা-ম' হিনাই
সাইলাই-নাই সীলাই ?
- বেদঙ : চীঙ বুই-ন' তাই তা-ম' হিনাই সানানি-বা চীঙ
জে মীসা বাই মালাইমানি কক-ন' সাউনৌ, অ মীসা
বাই মালায়ীই খারীই থাংলাইখা হিনাই।

চাকতি : থানানি-ত' থানানি-ন' তাই কিসা তঙলায়্যাই
থাংগানী তা।

বেদঙ : হিমদি তাবুক-ন' সাল থাংগাই হর আংগাই থাংখাই
তাই চাঙ থাংলায়্যাই মাননিয়া। চাঙ তাবুক সাল
তঙসানি-ন' থাংলাইমানি হা-ম'।

চাকতি : (রৌচা-ব'।)

বীখা উনসুকমা পাইথাকরি মাননাই,

জাদু কলিজয়া দে।

তঙ বিখিনিক সীকাগাই রিনাই,

জান কলি-সঙয়া দে।

তঙ-সঙ কীরাই-ন' তঙসঙ খায়্যাই রিনাই

আনি জাদু-সঙয়া দে।

কীনীয় জুগিতি তঙমুঙন' তঙনাই

আনি রাঙচাক-সঙয়া দে।

বেদঙ : (রৌচা-ব'।)

মুদীরা খাকা কুবুই-ন' আংখা

কুবুই কক নন' সাখা।

নকথায় নক তাঙনা জাগা চাঙ মানখা

ককথাই কুবুই-ন' সাখা।

মায়া জালিয়া বীখাঅ নাঙখা

ককনি হামতম সাখা।

হরি বেঙরাজ খিতুঙ পীরাকনীয়

কঙসা কর্গাই-ন' থীয়খা।

বেদঙ, চাকতি থাংখা।

গদাঙ, কহইতি ফায়খা।

কহইতি : তা-ম' চিনি দাদা চকদিরিনি মাইতা চাফুর তায়
খকনানি হিনাই থাংফুর মীসা বাই মালায়্যাই খারাই
থাংমানি উলনি সিমি নীসীলা বেদঙ তা-ম' মর্গাই

- তঙমানি হাইমাং আঙ নু-গ', ববা আব' তা-ম' অাংগাঁই থাংখা আঙ খাই সায়াঁই মানলিয়া, নীঙ তা-ম' নীসীলা-ন' খেয়াল খায়াঁই দে নায়খা?
- গদাঙ** : কুবুইয়া খাই তা-ম' সীলাই দা চউদিরি-নি মাইতা চাফুরগনি সিমি-ন' আবতাই অাংমানি-ন' নুকয়া খাই তা-ম' সীলাই মগ মগাঁই তঙমানি, তা-ম' অাংখা সিয়া দ। আঙ কুসতাম ফা-নসে সায়াঁই মানলিয়া। আয়াং-ব' চম'মক-রগ অাংগাঁই ফিলিক-সাখাই বিয়াং-ব' দিপরসারগ কীমায়াঁই তঙগাঁইঅ, বিয়াং-ব' থাং বিয়াং-ব' তঙ সায়াঁই মানয়া, তাম-ব' অাংজাখা চিনি অ-বীসাবা।
- কহইতি** : মীসা বাই রীকফেরেজাগাঁই দে আবতাইবা অাংখা সায়াঁই মানলিয়া। বাগসা বিসি কিরিজাকখাই-ব' আবতাই অাংফন, আবতাই আকন অাংগাঁই তঙ-খাইলে চীঙ নীঙ বাই আঙ মালাইসুকখা, তঙগাঁই নায়দি বীসা কবর-ন' তীয়াই।
- গদাঙ** : অ খারাঁই থাংফুরঅ বিনি লগিঅ বীরাই খরকসা তঙগ', অ বীরাইনি বাগাঁই দে আবতাই অাংগাঁই তঙখা তা-ম' হিনাঁই সাসিনানি। ফায়দি চীঙ ব-ন' সীংগাঁই নায়য়ানী থক বানতা দে সান খুম বানতা হিনাঁই।
- কহইতি** : সীংগাঁই নায়নাবা সীলাই নীঙলে বুফা হিন-জাকনাই বা।
- গদাঙ** : আঙলে চীলা বরক বা আ-ন' সাগীলাক, নীঙলে বীরাই বরক বা নন' সাডানী, নীঙ-ন' সীংগাঁই নায়দি নীসীলা-ন' সাইচুং তে-ব সাখাই, নীঙ সীংবাই-য়াই আ-ন' সাদি ব তা-ম' সায়াঁইরি।
- কহইতি** : আউ খাই আঙ সীংগাঁই নায়য়ানী।

গদাঙ, কহইতি থাংখা ।
হারিতি, কুতাই ফায়খা ।

- কুতাই : অই নীঙ তা-ম' খেয়াল দে খায়ীই নায়খা
নীসাজীক চিনি চাকতি-মা-ন' ? চিনি কামিঙনি দা
চউদিরি মাইতা চানানি হিনীই মাতিঙ-ন' মাই-মুই
সংনানি তীয় খকনানি বাগীই কীচারীই কীলাংগীই
অ মাইতা চানানি হিনীই থাংফুরগনি সিমি-ন' ব-ন'
তা-ম' বনানাঙ বনানাঙ হাই মাংন' নু-গ', ব-বা
তাম-ব' অীংখা সায়ই মানলিয়া আঙ, বুবতীইবা
অীংখা সকখা ।
- হারিতি : আঙব' আহাই-ন' নুগ' চিনি মাতিঙন' । দাদা
চউদিরিনি আ-র' মাইতা চানানি হিনীই থাংফুরগনি
সিমি-ন' তা-ম' তাম' হাই অীংগীই তঙগ', সাবলে
সায়ীই মালাংসি তীয় খকনানি হিনীই থাংফুর মীসা
বাই রীকফেরেজগীই দে আবতীইবা অীংগীই
থাংখা সায়ীই মালাংলিয়া ।
- কুতাই : অ মীসা মালায়ীই খারীই থাংফুর বিনি লগিঅ
চীলা খরকসা তঙ হিন বেলে, অ চীলানি বাগীই
দে আহাইবা অীংখা তাই তা-ম' হিনীই সাসিনানি ।
আবতীই মাং অীংগীই তঙখা হিনখাই-লে উ-ল'
খাই দবাগ-দবিকসে অীংগীই থাঙগানী, আহাই
খাইলে বীসা কবর-ন' তীয়ই তঙগীই নায়দি ।
- হারিতি : নীঙলে আনি মাতিঙ চাকতিনি বুফা বা সীংগীই
নায়দি, থক বানতা বাই খুম বানতা দে সানীই
তঙখা ।
- কুতাই : আঙ বুফা-ফা-ন' আঙলে চীলা বা আ-ন' সাদে
সা-ন' সাদে সায়ী, নীঙলে বীরাই বা বুমা বা নন'সে
সাডীনা, নীঙ সীংগীই নায়দি থক বানতা দে সান
খুমবাতা হিনীই, জুইত খাই সীংদি ।

কুতাই, হারিতি থাংখা ।
চিলঙতি, মাগীরাই ফায়খা ।

- মাগীরাই : তা-ম' দা চউদিরি-নি ন-গ' কাঁচারজাগীই চিনি
কিতঙসা থাংগীই ফায়ীইমানি সিমি-ন' তা-ম'
নগ'সে তঙমানি নুকথালিয়া বেলে । তামঙ থাংখা
নীঙ কিসা ফা-ন' সায়াই মানয়া দা আসীক
নক-র-গ' কাঁরাই বিয়াং-ব' থাংগীই তঙমানি
কাঁমায়াই ?
- চিলঙতি : ন-গ' নুকফা-ন' তাই তা-ম' খাইনানি সীলাই ?
আবখাই অ দাদা চউদিরি আ-র' থাংফামানি
সিমি-ন' আবতীই আঁংমানি নু-গ', তা-ম' আঁংগীই
তঙখা তা-ম' হিনীই সানানি-বা, আফামানি তাই
নগ'সে খা বাঁথাকলিয়ানা বেলে, বিয়াং-ব' থাং
বিয়াং-ব' তঙ ।
- মাগীরাই : অ তায়-ন' খকনানি থাংলাইফুরু মীসা-ন' নুগীই
খারলাইফুরুঅ বিনি লগিঅ বাঁরাইসে খরকসা তঙ
হিন বেলে, অ বাঁরাইনি বাগীই দে আবতীইবা
আঁংখা সায়াই মানলিয়া, ব তাকালাই থক বানতা
দে সান খুম বানতা সিয়া দ সায়াইলে মালাংলিয়া ।
নীঙ সাঁংগীই নায়সীলাই কিসা ব-ন' ব তাম' হিন ।
- চিলঙতি : নীঙলে বুফা বা সাঁংগীই নায়দি ব বুবতীই হিনীই
সায়াই রি-ন' ।
- মাগীরাই : আঙ বুফাফা-ন' চীলা বাঁলা, আ-ন' সা দে সা-ন,
সাসায়া আনি অ কিতঙ-সাবা লাচিজাগীইদে
তঙন' ।
- চিলঙতি : আউ আঙ সাঁংগীই নায়ানী ।

চিলঙতি, মাগীরাই থাংখা ।
কুফুতি, গমাঙ ফায়খা ।

- কুফুতি** : তা-ম' চিনি নকনি মতিয়া-মা বা নগ'সে খা বীথাকলিয়ানা বীলা, তাম' উয়াং উইসা যাং উইসা আংগাঁই চুচুলেলে হাই-মাং আংগাঁই তঙমানি-মাং নুর্গাঁই তঙসিঅ। দাদা চউদিরিনি আ-র' মাইতা চানানি থাংগাঁই -ন' আবতাই আংসিঅ, তামঙগাঁইবা আবতাই আংখা তা-ম' হিনাঁই সানানি হি-ন'। আয়াং উয়াং-মাং নাহারীই তঙমানি-ন' মাং-সে নুর্গাঁই তঙসিঅ। সাব-ন' নাহার সায়াই মানয়া কবর কবর হাই-মাং আংগাঁই তঙখা। তা-ম'বা আংখা সিয়া-দ, কবর আংগাঁই থাং খাইলে চীঙ মালাইসুকখা।
- গমাঙ** : বরগ দা চউদিরিনি আ-র' কীচারজগাঁই থাংগাঁই তীয় খকনানি হিনাঁই থাঙলাই কুডানি তীয় খগাঁই তুবুলাই ফায়ফুরু লামাঅ মীসা মালায়াই খারলাই থাংফুরু আফুরুঅ বিনি লগিঅ চীলা খরকসা তঙ হিন বেলে। অ চীলানি বাগাঁই দা কবর খাকা তা-ম' হিনাঁই সানা বা হি-ন'।
- কুফুতি** : ফায়দি জেসা ফা-ন' আংথুন কাইয়াই থিবানী, ফায়দি চামারি অমপাফা-ন' নারীগাঁই। চামারি অমপা খাই দাকতি-ন' কাইয়াই মানানী।
- গমাঙ** : বলে কাদে কাইজাক ন'বা, কাইজাকয়ারগ হিনাঁই তঙখাই ব-ন' সাংনাই লাচি-মিসিসা আংনাইসে ফিয়া।
- কুফুতি** : নীঙলে বুফা বা নীঙন' সাংগাঁই নায়দি থক বানতা দে সান খুম বানতা হিনাঁই সাংগাঁই নায়দি।
- গমাঙ** : আঙলে বুফাফা-ন' চীলা বীলা, নীঙলে বুমা বীরীই বা সাংগাঁই নায়দি থক বানতা দে সান খুম বানতা হিনাঁই।
- কুফুতি** : আউ আঙ সাংগাঁই নায়ানী।

কুফুতি, গমাঙ থাংখা ।
বুদিনি, মীসাতি ফায়খা ।

- মীসাতি : বাচাই উ সীকাঙগ' নিনি নগ' কীচারজাগাই
ফায়নাইরগ চীলা সিকিলা বাই বীরাই সিকিলা-রগ
তা-ম' কিসা কিসা খীনা-মানি তামঙগাই-ব'
কবর-সে চালাইমানি হাই আংলাই তঙখাফন ।
আ-ব' তামঙগাই বা আবতাই আংলাইখা মীসা
বাই রীকফেরেজাগাই দে আবতাই বা আংলাইখা
সায়াই মানলিয়া তা-ম' জানি বা আংখা ।
- বুদিনি : সিয়া সায়াই মানয়তা তামঙগাই বা আবতাইবা
আংলাই তঙবাইখা মীসা বাই রীকফেরেজাগাই
দা কবর-বা আংমানি নায়বাইখা, আংয়া খাই চীলা
বীরাইনি বাগাই দা কবর খানানি নায়বাইখা তাই
তা-ম' হিনাই সানানি, সানানি হিনাই তাই কুসতাম
ককসে কীরাই ।
- মীসাতি : সায়াই মানয়া তাবুকনি চেরাইরগ-ন' । উল'
হিনখাই কক-ন' সীংনানি নাওয়ায়াই বীরাই-রগ
চীলানি ন-গ' আহাই-ন' ফফর-ফাফার খায়াই
হামজীক কার্যাই থানানি তঙফন ।
- বুদিনি : মরগ-ন' হিনাই তা-ম' হিনাই সায়াই মান চীলা
সিকীলা বীরাই সিকীলারগ-ন', আয়াং বেলে চীলা
খরকসা বীরাই খরকসা খাই খারলাই-জাকতাই
আংলাই থাংলাইখা । সাবলে সায়াই মান আফুরু
অ ফা-ন' হামজাকলাইমানি-বা নুকলাই খাই-ন'
পাইঅ ।
- মীসাতি : দ উল' নুকলাইয়ানীতা তা-ম' আংলাই ।
বুদিনি : আউ আব-ন' কক ।

মীসাতি, বুদিনি থাংখা ।
কহইতি, গদাঙ ফায়খা ।

- গদাঙ : নীঙ চিনি বেদঙ সা-ন' সাংগাঁই দে নায়খা ?
কহইতি : সাংগাঁই-ন' নায়খা ।
গদাঙ : চিনি বেদঙসা তা-ম' হিন সীলাই, থক বানতা বাই
খুম বানতা-ন' যাচাকনানি দা হিন তাম' হিনাঁই সা
সীলাই নন' ।
কহইতি : খুম বাতা-ব' যাচা-গ' থক বানতা-ব' যাচা-গ' ।
গদাঙ : আঙ সায়া দে অ মীসা নুগাঁই খারলাইফুরন-ন' বেজুউ
আংলাইখা হিনাঁই, আঙ সামানি অ কক
নাঙগাঁই-ন' তঙখাতা ।
কহইতি : অ বীরাঁই বাই-ন' কক হরাঁই নায়দি, আংয়াখাই
তাকীলাই-ন' কাইয়াই খিবিনানি তা ।
গদাঙ : ব হামজাগাঁই তঙফা-ন' অ বীরাঁইমা বা ব-ন' হাদে
হামজাক-ন' বা ।
কহইতি : হামজাকথুন হামজাকয়াথুন তেব' কক-ন' হরাঁই
নায়দি চীলা বা তাম' তঙ ।

গদাঙ, কহইতি থাংখা ।
হারিতি, কুতাই ফায়খা ।

- কুতাই : ব-ক' নীঙ চিনি সাজীকমা চাকতি-ন' সায়াই দে
নায়খা আঙ নন' সামানি ককন' তা-ম' হিন ।
হারিতি : সায়াই নায়খা বেলে, থক বানতা দে সাম খুম
বানতা দে সান হিনাঁই আনি চাকতি-মা থক
বানতা-ব' সা-ন' খুম বানতা-ব' সা-ন' ।
কুতাই : অ আহাঁই খাই তাকীলাই-ন' কাইয়াই খিবিনানি
তা, চামারি অমপাফা-ন' তিসায়াই । আঙ সায়া
দে অ মীসা-ন' কিরিয়াঁই খারলাই-ফুরন' আউলা

- কিসা সীক চাখীনা হিনীই। চাঙ-সে কক-বা হামজাগীই অ চীলাসা বাই কাইয়ানী, অ চীলাসানি বুফা কাইনাই দে বা, তে-ব' আঙ বুইনি য়াকতাই সাহর নায়য়ানী আনি আঙসাজীক চাকতি বাই নীসীলা বেদঙ-ন' কাইনানি দা হিনীই।
- হারিতি : আনি মাতিঙ চাকতি বেদঙন' হামজাগীই তঙ ফা-ন' বেদঙ হামজাকখাই-সে যাদে বা।
- কুতই : হামজাকয়াথুন তে-ব' বুইনি য়াকতাই সাহরীই নায়য়ানী আংয়া খাই কুবুনি চীলা বাই কাইয়ীই খিবানু তা, তে-ব' তাকীলাই খাই আঙ আনি সাজীকমা-ন' কাইনাইন' কাইনাই।

হারিতি, কুতই থাংখা।
চিলঙতি, মাগীরাই ফায়খা।

- মাগীরাই : নীঙ সাংগীই দে নায়খা নীসীলা কিতঙসা-ন' ?
- চিলঙতি : সাংগীই নায়খা।
- মাগীরাই : তা-ম' হিনীই সাখা সীলাই নীসীলা ?
- চিলঙতি : থক বানতা-ব' সা-ন' খুম বা তা-ব' সান'।
- মাগীরাই : অ আহাই খাই অ মীসা বাই মালায়ীই খারলাই থাংমানি অ বীরীই-ন' আংগানী, দ আহাই খাই অ বীরীই-মা বাই-ন' কাইয়ীই খিবানী তা আহাই খাই।
- চিলঙতি : নীঙত' অ বীরীই বাই-ন' কাইনানি হিনীই তঙখা, অ বীরীইনি বুফা নীসীলা বাই কাইনাই দে বা ?
- মাগীরাই : কাইথুন কাইয়াথুন তে-ব' আঙ কক-ন' হরীই নায়নাই আঙলে চীলানি বুফা বীলা। ব আনি বীসা বাই কাইয়া খাই তাই কুবুনি বীরীই বাই কাইয়ানী-তা হিন'।
- চিলঙতি : অ বীরীইমা বাই-ন' কক-ন' হরীই নায়গীরানা বা নীঙ তামসীক ককন' বা বাংগীই তঙ বা।

চিলঙতি, মাগীরাই থাংখা।
কুফুতি, গমাঙ ফায়খা।

- গমাঙ : নীঙ মতিয়া মা-ন' সাংগীই নায়খা দা অ নন'
সামানি কক-ন' ? সাংগীই নায়দি ব তা-ম' হিন।
- কুফুতি : আঙ মতিয়া-ন' সাংগীই নায়খা থক বানতা দে
সান খুম বানতা দে সান হিনীই। থক বানতা-ব'
সান' খুম বানতা-ব' সা-ন'।
- গমাঙ : অ আহাই খাই অ মীসা কিরিয়ীই খারলাই
থাংলাইমানি অ চীলা-সে আংগানী। আঙ বুইনি
য়াকতীই কক-ন' সাহরীই নায়য়ানী, কাই খাই-বা
কাইয়ানীতা।
- কুফুতি : কাইয়া হিনখাই সে লাচিমিসিসা আংগানী।
- গমাঙ : কাইলিয়া খাই কাইলিয়াতা তাই তা-ম' খাইনানি
সীলাই, আংয়া খাই তাই কুবুনি জাগাঅ
নায়য়ানীতা হি-ন'।

কুফুতি, গমাঙ থাংখা।
গদাঙ, বানথিয়া ফায়খা।

- বানথিয়া : দা গদাঙ নীঙ তা-ম' খাইনানি বাগীই আ-ন'
আসীক অখিমা খায়ীই মা রিঙ সীলাই ? তা-ম'
আসীক খাই রিঙ বা, কাম আকন দে তঙ তা-ম' ?
- গদাঙ : আউ নীঙ বাই-ন' কাম কিসা তঙগীই-ন' নন'
কীচার-মানিতা, ফায়খাবা হামখা। তাবুক খাই নীঙ
বাই কক কিসা সালাইয়ীই মানখা কীচাঙ কীচাঙ
খায়ীই।
- বানথিয়া : তা-ম' কক বা দা গদাঙ ?
- গদাঙ : কক খাই আহাই-সে, চিনি কামিঙনি-ন' কুতাইনি
বীসাজীক চাকতি বাই কক কিসা হরীই নায়নানি

নীবাইনাসা বেদঙনি বাগাঁই। কাইখাই কাইয়াই
খিবাই রিমানি হা-ম' তাকীলাই নারীগাঁই তনিলিয়া
তাই।

- বানথিয়া : আউ কাইয়াই-ন' খিবদি দাদা অসই নারীগাঁই চায়া।
কাইয়া খাই তা-ম' খাইনানি সীলাই, ব-ন' কাই
খাই কাইয়াই খিবয়া খাই?
- গদাঙ : মান খাই তিনি-ন' থাংগাঁই সালাইদি, আংয়া খাই
খানার-গ' থাংগাঁই সালাইদি, আব'বা তা-ম' তঙ
কীচাঙ কীচাঙ খাই-ন' সালাই মা-ন'।
- বানথিয়া : নায়গীরানা মান খাই বা তিনি-ন' থানাই আংয়া
খাইবা খীনা থাংগানী। নীঙ আনি কক-ন' সিমি-ন'
খীনা হরীইদি তঙদি।

বানথিয়া, গদাঙ থাংখা।

কুতাই, বানথিয়া ফায়খা।

- কুতাই : বানথিয়া নীঙ তিনি বিয়াং আথাঙ-কুথাঙ সীলাই?
তা-ম' আঙ বাই কাম দে তঙ, আসীক সাল'-ন'
নীঙ ফায়য়া তিনি বাহাই সকফায়সাখা-দ।
- বানথিয়া : দা কুতাই আঙ ফায়মানি খাই নীঙ বাই-ন' কিসা
কাম নাঙগাঁই ফায়'।
- কুতাই : আঙ বাই তাম' কাম তঙ বা নীঙ?
- বানথিয়া : নীসাজীক চাকতি-মা বাই দা গদাঙনি বাসীলা বাই
কক হরী কাইনানি হিনাই। নীঙ তা-ম' অ বরকসা
বেদঙ বাই কাইনানি দা, কাইনানি খাইবা কাইনানি
হিনাই সায়ীই রিহরদি আ-ন', কাইয়া খাইবা কাইয়া
হিনাই সায়ীই রিহরদি আ-ন' আঙ থাংগাঁই
সায়ীইনানি নাঙগানী দা গদাঙ-ন'।
- কুতাই : কাইনানি-ত' কাইনানি-ন' চেরাই খনাইরগ-সে
বাহাই-ব' হি-ন, চেরাই কাহাম হিনখাইবা

- কাইয়াই-ন' খিবনানিতা তাই তা-ম' খাইনানি-বা ।
- বানথিয়া : অ চেরাই-ন' খাই তা-ম' কিসা হামথায়া হিনাই
খীনাঅ কুবুই দে এরেঙ দে সাসুগাঁই মানয়া ।
- কুতাই : আহাই আঙ আনি আঙসাজীক চাকতি-মা বাই তাই
কাইলিয়া নন' কক-ন' সায়াই হরনাই গদাঙন'
থাংগাঁই সায়াই রিয়াই দি ব তাকীলাই কাইয়াফন
হিনাই । লেরাই থানী তিনি খীনা-ন' ব-ন' থাংগাঁই
সায়াই রিয়াইদি, ব কুবুনি জাগাঅ কক-ন' হরনানি
নাঙগানী ।
- বানথিয়া : আঙ তিনি-ন' সায়াই রিয়ইয়ানী অঁংলিয়াফন
হিনাই, নীঙ তাই কুবুনি জাগাঅ কক হরসিদি-ফন
আবতাই হিনাই সায়াই রিয়াই-সিনাইতা ।

কুতাই, বানথিয়া থাংখা ।
বানথিয়া ফায়খা ।

- বানথিয়া : আঙ দা গদাঙ-ন' সায়াই রিয়াই ফায়খা, দা কুতাই
তাকীলাই বাঁসাজীক-ন' কাইয়াফন হিনাই । দা গদাঙ
কুতাই-ন' খাই চাজাকয়া অঁংসুগাঁই থাংখা, তাবুক
কাহাম-ন' অঁংখা, আঙ জে নুকমানি দা গদাঙনি
বাঁসীলা বেলাই চেরাই কাহাম-বা কুতাইনি বাঁসাজীক
বাই কাইয়ায়াই আনি আঙসাজীক কমলি বাই
কাইনানি হিনাই-সে আবতাই খাইসিঅ, তাবুক খাই
আনি সাজীক কমলি বাই-ন' মা কাইসিনাইতা ।

বানথিয়া থাংখা ।
বেদঙ, চাকতি ফায়খা ।

- চাকতি : (কাবাই বেদঙ-ন' সাখা) নীঙ বাই আঙ তাই
কাই-জাকনানি কীলাইলিয়া, নিনি বা আঙ বাই

- নন' কাইনানি হিনাই কক-ন' হরমানি বানথিয়ানি
 যাকতাই, আনি বা অ ককন' যাচকালিয়া নীও বাই
 কাইনানি হিনাই।
- বেদঙ** : নিনি বা আঙ বাই কাইনানি হিনাই কক যাচকালিয়া
 খাই, তাবুক নীও তা-ম' হিন সীলাই, আঙ বাই
 কাইজাকনানি দে কাইজাকয়া।
- চাকতি** : আঙ বা নীও বাই উইসা-ন' সহিত-ন' খীলাই-লাই
 খিবলাইখা বেলে, তাই সহিত-ন' উইবুসীক
 খীলাইনানি নাঙ বা ?
- বেদঙ** : আঙব' আহাই-ন' তা সহিত' বা উইসা-ন' খাইতা।
 তাই উইবুসীক সহিত-ন' সহিত' খাইবা ? কাইলিয়া
 হিনখাই কাইলিয়াতা। নীও-ব' সহিত-ন' খাইমানি
 তঙগ' আঙ-ব' সহিত-ন' খাইমানি তঙগ' হিনখাই
 সহিত' কাইলাই দে মান বা, সহিত-ত' কাগলাই
 মানয়া বেলে। আংয়া খাই চীঙ জেসা মুঙসাফা-ন'
 খাইলাইনাইতা।
- চাকতি** : আঙলে নন' মানয়া খাই কতক ফা-ন' সরয়াই
 থীয়নাই।
- বেদঙ** : নীওব' কুবুই হিনখাই আঙব' কুবুই হিনখাই কতক
 সরনানি নাঙয়া।
- চাকতি** : আঙ খাই নীও বাই জে সা-ল' সীমাই-ন' তাঙগ'
 অ সা-ল-ন' নন' আনি খাইসুগীই খিবখা ম-ন'
 আনি হিনাই।
- বেদঙ** : আঙব' আবতাই হিনাইন' খিবখা।

বেদঙ, চাকতি থাংখা।

চিলঙতি, মাগীরাই ফায়খা।

- মাগীরাই** : ফায়দি চীঙ গমাঙনি বীসাজীক মতিয়া বাই-ন'
 কাইয়াই খিবসিমানি হা-ম' আ-র' কক হরাই যাচাক

- খাবা, চিনি বীসা কিতঙসা-ব' অ বীরাইমা-নন' হামজাগাই তঙখা হিনখাইবা, আঙ খাই আর-ন' কাইয়াই খিবানী হিনতা, নীঙ খাই তা-ম' হিন সীলাই, আ-র' কাইনান দে মুচুঙ নীঙ বা?
- চিলঙতি** : আর-ন' কাইনানি-ত' মুচুঙগ' অ বীরাইমাবা বুবতাই-ব' তাঙনাই তীইনাই তাই তাগনানি লুপ-নানি কীরীঙ দে অসই কাইনানি কাইনানি হিন-মানি বাই আংনিয়া বেলে, সীকাঙ বারিয়া কিসা নায়াই নুর্গাই-ব' কাইনানি নাঙনাই। সীকাঙ বারিয়া নায়াই নুর্গাই কাইয়া হিনখাই, উ-ল' কক বাংলাইয়াই তা-ম' খাইনানি, বাংনানি হিনখাই সীকাঙ বারিয়া-ন' বাংনানি কীলাইঅ, উল' কক বাংগাই তা-ম' খাইনানি-বা।
- মাগীরাই** : বুই জত-ন' কাহাম হিনাই-ন' সাবাই বীলা, তাঙথানি তীইথানি তাগথানি লুপথানি হিনব' কাহাম হিনাই-ন' সাবাই বীলা জত-ন'।
- কিতঙ ফায়খা।
- কিতঙ** : নরগ তামনি কক-ন' সালাই তঙ সীলাই মা।
- চিলঙতি** : ইক' কুফুতিনি বীসাজীক-ন' নীঙ বাই কাইনানি হিনমানি কক-ন' সালাই তঙলাইঅ। তাঙনানি দে রীঙ তীইনানি দে রীঙ হিনাই নীফা বাই সালায়াই তঙলাইঅ। কাইনানি-ত' কাইনানি-ন', কাইনানিফা-ন' সীকাঙ বারিয়া কিসা চানাইয়াই মা নায় বেলে অসই-ত' কাইয়াই মানয়া।
- কিতঙ** : চিনি যঙ চউদিরি-নি ন-গ' মাইতা চামানি সা-ল' চীঙ তীয় খর্গাই ফায়ফুরু লামা মীসা মালায়াই খারাই থাংলাই-ফুরুঅ আঙ ব-ন' সাংগাই নায়খা নীঙ তাঙ-নানি তীইনানি তাগনানি লুবনানি মাদে

- মান হিনাই। আফুরু খাই ব সাঅ আঙ জতন' মানখা হিনাই, আব'বাই-ন' ব বাই আঙ কাইজাকনানি মুচুঙগ', আঙ ব বাই-ন' কাইজাকসিনানি মা, ব বাই যাখাই আঙ তাই কুবুনি বীরাই বাই খাই আঙ কাইজাকয়া।
- চিলঙতি** : দ আংখা খাই বাবু নন' অ বীরাইমা মতিয়া বাই-ন' কাইসিনাই।
- মাগীরাই** : চাঙ তাই কক বাংলিয়া, নন' আর-ন' কাইসিনাই।
চিলঙতি, মাগীরাই, কিতঙ থাংখা।
চাকতি, কমলি ফায়খা।
- কমলি** : বাপরি বায় চাকতি বাই মালাইয়া বালক-সুকখা বেলে, তাবুকনি সিমি মালাইয়া দে নৌঙ বাই?
- চাকতি** : আঙব' নিনি আ-র' থানানি লামা হিনাই কীরাই, কানি-ন' মাই-মুই মা-সংগ' রি তাগনানি নাঙগ', খুল ফেরনানি খুল ককনানি খুল লুবনানি নাঙগ' তাই কামরগ-নব' মা খাই বেলে। আব'বাইন' কুসতাম জাগাঅ বেরাইনানি থাংগাঁই মানয়াতা।
- কমলি** : দাদা বেদঙ হিন-ব' কাম খাই খাইনাই-ন', ব-ন' আঙ যাকসে থাংগাঁই তঙমানি নুকয়া চেরাই ফাঙসিনি নি সিমি-ন', চীলা-ব' হা-ম'। বায় চাকতি, আঙ খাই ব'বাই-ন' কাইজাকনানি, ব কানি-ন' চিনি নখলা-তাই লাই খাই আঙ বাই কক-ন' সালাংয়া খাই ব থাংসে থাংয়া, আঙ বাই খাই দাদা বেদঙ কক কিসা মাসে মাসালাংগ'। আঙব' আনি হামজাকমানি বরক-বা ব-ন' রীকথারাই-ন' কক-ন' মাসারী-গ'।
- চাকতি** : নন'লে হাদে হামজাক হিনবা বেদঙলে।
- কমলি** : আঙ উইসা ব-ন' সাংগাঁইলে নায়াখা বায় চাকতি।
- চাকতি** : উ-ল' খাই তা-ম' হিনাই সাখা সীলাই নন'।

- কমলি : নন' আঙ হামজা-গ' হিনীই সাঅ ।
- চাকতি : নীঙ বাই কাইজাকনানি দে হিন ?
- কমলি : কাইজাকনানিফন ।
- চাকতি : আংখা নীঙ থাংসিদি ন-গ', আঙ থাংখা আনি
ন-গ' কাম গিলামা খাইনানি তঙগ' । আঙ তাবুক
মাথাংখা, উ-ল' তাই উইসা মালাইদি । আফুরু
কক-ন' কাহাম খাই সালাই-য়ানী ।

চাকতি, কমলি থাংখা ।

চাকতি ফায়খা ।

- চাকতি : ম বেদঙ আ-ন' সলে-সীকখা বেলে, ম হাই
সলে-নানি কীরীঙ বরক তাই কীরীই বেলে,
কায়সা বীরীই বাই আসানাই তঙগীই-সে আ-ন'
নন-ন' আঙ হামজা-গ' বিসি হিনীই আ-ন'
সলেয়ীই সা বা, তাবুক-সে আঙ সায়ীই মা-ন'
বেদঙ-বা সলেনানি কীরীঙ বরক-সে হিনীই, নীঙ
তাই উইসা আঙ বাই মালাইগীরাদি-তা, নন' আঙ
সায়ীই মানানী । আঙবা অসই-সে ব বাই সহিত'-ন'
খাইজাকসি বেলে, আনি সহিত' খাইমানি ব তীয়'
সে কচগীই থাংসি বেলে, নীঙ কমলি বাই
কাইজাগীই সহিত-ন' খিবীই রিফা-ন' আঙলে
সহিত-ন' খিবয়া । আনি সহিত' সহিত-ন' তঙনাই ।

চাকতি থাংখা ।

বেদঙ, চাকতি ফায়খা ।

- চাকতি : নীঙ তিনি অরঅ ফায়খাই ফায়খা তাই কুবুনি সাল'
তাই তা ফায়সিদি । আনি সহিত' খাইমানি-ন' আঙ
নারীগীই তনসিনীই, নিনি সহিত' খাইমানি-ন' নীঙ

তীলাংগাঁই থাংসিদি, জানি সহিত' খাইমানি-ন'জা
তীলাংলাই থাংসিনাই (হিনীই সুবুক-সুবুক খাই
কাবাই তঙগ'।)

বেদঙ : হাই নীঙ আগিঅ আঙ বাই মালাই তঙলাই-ফুরু
মীতাই অীংয়া বেলে সীলাই, তিনি তামঙগাঁই নীঙ
মীতাই মা অীংখা সীলাই। নীঙ তামঙ সহিত'
খায়ীই সাদি, ম সালনীয় সালথাম বিসিঙগ'বা।

চাকতি : কনরদি নীঙ আ-ন' বানদে-নানি তানায়দি। আঙ
নন' সাখা বেলে জানি সহিত-ন'জা তিসাই তনদি,
নিনি সহিত-ন' নীঙ জেসাফা-ন' খাইদি, আনি
সহিত' ন'লে আঙ সাকবাই সিঙ বাই-ন' তিসায়ীই
তনিলাই।

বেদঙ : নীঙ তিনি তামঙখা খুলগাঁই সাদি।

চাকতি : নন' খুলগাঁই সাখা বেলে নীঙ তাই তা ফায়সিদি
হিনীই।

বেদঙ : অ নীঙ আঙ বাই কাইজাকনানি মুচুঙজাকয়া,
আঙব' নিনি সীকাঙ-গ' সহিত' খাইখা নীঙ আঙ
বাই কাইজাকলিয়া খাই আঙ-ব' তাই কেবাই-ব'
কাইজাকয়া, নীঙ বাই খাই-সে আঙ কাইজাক-নানি
তাই কেবাইব' কাইজাকয়া, কাইজাকয়া,
কাইজাকয়া।

বেদঙ, চাকতি থাংখা।

বেদঙ ফায়খা।

বেদঙ : আতকাসা ম বীরীই বা তামঙ থাংখা সীলাই সায়ীই
মানলিয়া। তা-ম'-বা অীংগাঁই থাংখা ব-ত'
আবতীই অীংয়া, ব-ন' কায়সা-সীকসে চুকিলি
সুগখীনা আব'বাই আবতীই অীংনানি কীলাইঅ।
সাব'বা বন'-বা চুকিলি সুগ ম-ন' নায়তুগাঁই

মা-নায়য়ানী কিসা। আঙব' নীঙ সাব'বাই
কাইজাগীই থাং নালে নায়য়ানী। আঙব' ম সাব-ন'
সীংগীই নায়নানি, আনি খাচুকসা বায়াপ কিতঙ
খরসা তঙতা বন-ন' সীংগীই মানায়নাই।

বেদঙ থাংখা।

কিতঙ, বেদঙ ফায়খা।

- বেদঙ : দা কিতঙ নীঙ বাই মালইখা হামখা।
- কিতঙ : তা-ম' আঙ বাই নীঙ কাম দে তঙ আব' বাই দে
নীঙ আ-ন' নায়তুগীই তঙ? সাদি তা-ম' আঙ
বাই কাম তঙগ' হিনমানি।
- বেদঙ : নন' তাম' খাইনানি খগীই সানানি-বা নীঙ হাই-ন'
আঙব' চাকতি-ন' হামজাগীই সহিত-ন' খায়ীই
য়াফা বুলাইখা কাইজাকলাইনানি হিনাই, ব-ব'
আ-ন' হাম-জাগীই আঙ-ব' ব-ন' হামজাগীই। উ
সীকাঙগ' খাই আঙ ব বাই কক সালাইনানি হিনাই
থাংফুরু খাই আ-ন' বা নাসে নায়সিক লিয়া আব'
তাম' বা আংখা সায়াই-সে মানলিয়া।
- কিতঙ : হাই আব' তাম' হিনমানি কক আংখা সীলাই?
কায়সা-সীকসে চুকিলি দায়ীই রিখীনা নায়দি।
- বেদঙ : আ-ব' সা-ব' চুকিলি দাখীনা হি-ন নীঙ কিসা
বিসিঙ-বিসিঙ নায়তুগীই নায় সীলাই দা কিতঙ।
- কিতঙ : নন' বীরীই খরকসা বেলাই খাই হামজা-গ' হিনাই
খীনাঅ, অ বীরীই আকন দে সায়াই রিয়াইখা
তা-ম'।
- বেদঙ : আ-ব' ব বীরীই সীলাই দা কিতঙ? নীঙ সায়াই
দে মান অ বীরীই-ন'? সায়াই মান খাই আ-ন'
কিসা সাদি।

- কিতঙ** : কাকা বানথিয়ানি বীসাজীক কমলি
হিনজাকনাইতা।
- বেদঙ** : অ কুবুই-ন' অ কমলি আ-ন' উইসা সীংখা দাদা
নীঙ আ-ন' হা-দে হামজাক হিনীই, আঙ খাই
সাখাতা হামজা-গ' হিনীই। ব আকন দে অ বীরীই
বাই মালাই-মুলীইখা সিয়া-দ।
- কিতঙ** : কামিঙ কায়সাবা মালায়ীইফা-ন' মান বেলে তা-ম'
তঙবা নুকলাই সিলাইয়ীই তঙলাইমানি বা। আঙ
উইসা সীক মালাই খাই ব-ন' সীংগীই নায়য়ানী
নীঙ উইসা সীক কমলি বাই মালায়ীই কক দে
সালাইখা হিনীই।
- বেদঙ** : নীঙ দাকতি-ন' মালায়ীই সীংগীই নায়দি দা কিতঙ
অ কমলি বাই মাদে মালাইখা হিনীই, আসীক
খাই-ন' নীঙ সায়ীই মানানী আসীক-ন' কক।

কিতঙ, বেদঙ থাংখা।

কুফুতি, চিলঙতি, গমাঙ, মাগীরাই ফায়খা।

- গমাঙ** : চামাই তাবুক-ত' কক সীংগীই পাইখা চামারি বিসা
রিফাইনানি হিনীই। তাবুক নীঙ নগ' থাংগীই
চামারি তুনফায়নানি রীউা-জিমা খায়ীইদি। আঙব'
য়াংগ' রীউাজিমা খাইয়ানী, তাবুক আঙন-নি তাল
চামারি তুনফায়খাই খালিনি আঙন পুইলাঅ খাইন'
কাইয়ীই খিবলায়ীই মা-ন', বিসা পুঙ-নানিবা
বীসীক, ফুঙসাই-ন' বিসা-বা পুঙগীই থাঙগ' গুদু
গুদু খাই খাইচিক-মানি হাই খাই।
- মাগীরাই** : আউ চামাই, আবতাই-ন' বসর বিসা লায়ীই
থানানি-বা বিসি নাঙয়া, সীরাপ-সা হাইসে
খাই-চিগীই থাংমানি হাই।

গমাঙ	: চামাইজীক, আনি সাজীক মতিয়ামা তাঙনানি তীয়নানি তাগনানি লুপনানি বিসি মানথায়াখ'নি আ-র' থাংখাই নীঙন' কাহাম খাই ফীরাঙগীই মারিনাই তাগনানি লুপনানি-ন'।
চিলঙতি	: আঙ হিনীই তা-ম' মানজা, আনি সীলাই চামাইজীক-ন' তাই কিসা মাননা, চামাই-জীক নীঙন' কাহামখাই ফীরাঙগীই রিহরদি তা।
কুফুতি	: আঙত' জে ফীরাঙনানি তান ফীরাঙখা চামাই-জীক, তাবুক নিনি নগ' থাংখাবা নীঙন' বিসি খায়ীই মা ফীরাঙ-সিনাইতা চামাইজীক।
মাগীরাই	: আনি ন-গ' বীরাইমা থানানি তাই বিসা তঙখ'বেলে ম বিসাঅ চামাইজীক জে ফীরাঙনানি তান ফীরাঙ-গীরাদি, উ-ল' আনি ন-গ' থাংফুরু জেসাতেসা আংগানী। আনি ন-গ' ফায়গীরাথুনতা।

কুফুতি, চিলঙতি, গমাঙ, মাগীরাই থাংখা।
কিতঙ, কমলি ফায়খা।

কিতঙ	: মীনাই কমলি বাই লামাঅ চরপসা খাই মালাই-খা চাসীকখা, তঙগীরাদি নীঙ বাই কক কিসা তঙগ' বীথাগ-গীরাদি কিসা।
কমলি	: তা-ম' কক তঙবা দাদা আঙ বাই সাদি খাই।
কিতঙ	: নীঙ চাকতি বাই দে মালাই।
কমলি	: মালাই বীলা দাদা তামঙবা?
কিতঙ	: নীঙ চাকতি-ন' বেদঙনি কক-ন' মুঙসা-সীক দে সায়ীইরি।
কমলি	: দা বেদঙনি কক-ন' কুসতাম-ফান' সায়ী বীলা আঙ, মীতাই হিনীই কিসা কক সাতে সাতে সাখাতা দা বেদঙ আ-ন' হামজাগী হিনমানি কক-ন'।

- কিতঙ : বেদঙ নীঙ বাই কাইজাক-সুকনানি ককন' দে নন' সাখা ?
- কমলি : ইঁহি আবতীই ককন'লে আ-ন' সায়া, আঙ সীঙ-খাই ব সাখাতা হামজাগ' হিনীই। তাই আ-ন' কুসতাম খাই সায়া আসীক-ন' সাঅ। ব-ন' আঙ হামজাগীই তঙগ' হিনীইসে সাংগীই নায়'। আঙ অ কক-নন' বাই চাকতি-ন' সাখাতা।
- কিতঙ : অ আঙ বুজিখা খাই।
- কমলি : দাদা কিতঙ নীঙ তাম বুজিখা সীলাই আঙ অ কক-ন' সামানি ?
- কিতঙ : কক অীংখা নীঙ বেদঙ-ন' হামজা-গ' হিনীই সায়া-সানি-ন' বরগ বেদঙ বাই চাকতি হামজাকলায়ীই তঙখা। নন' বেদঙ হামজা-গ' হিনমনি কক-ন' নীঙ চাকতি-ন' সায়াই রিখাই বরগ তাবুক কক-ব' সালাইয়া মীখাঙ-ব' নায়সিকলাইয়া অীংলাই তঙলাইখা।
- কমলি : অ কীপাল বরগ আহাই দা অীংলাই তঙলাইসি। আঙ বায় চাকতি বাই মালাই-গীরানাখু, আঙ জত-ন' ব-ন' বুজগীই সায়াই রিডানী।
- কিতঙ : থানদি কমলি নীঙ চাকতি-ন' বুজগীই সায়াই রিয়ীইগীরাদি।
- কমলি : আঙ বুইনি বীসাই-ন' নাহারীই তঙয়া। আঙলে বরগনি অ কক-ন' সায়াই মানয়া বেলে, আঙবা কসঙ-কসঙ সায়াই রিজাকতীই অীংগীই থাংখাতা, আবতীই হিনীই আঙ সিয়া বেলে।
- কিতঙ : নীঙ থাংগীই মালাইদি-দ চাকতি বাই।

কিতঙ, কমলি থাংখা।
কমলি, চাকতি ফায়খা।

- কমলি : বায় আঙবা নন' উ সীকাঙগ' কক থাইসা সায়াই
রিজাগাঁই, অ কক-ন' আঙ নন' সামানি আনি-ন'
চায়া আংগাঁই থাংখা বেলে।
- চাকতি : নীঙ তামনি কক-ন' আ-ন' সায়াইবা চায়া
আংজাগাঁই তঙখা সীলাই? নীঙবা তা-ম' ককবা
আ-ন' সাখা?
- কমলি : উ সীকাঙগ' আঙ নিনি অ-র' ফায়নানি সীকাঙ
দা বেদঙ-ন' আঙ সাংগাঁই আ-ন' হামজা-গ'
হিনাঁই সামনি, আ-ব' আঙ আহাইন'সে সাংগাঁই
নায়' চেঙগীরা খায়াঁই। আব' খাই বায় চাকতি
আঙব' ব-ন' হামজাকয়া, বব' আ-ন' হামজাকয়া,
নীঙ অসই আ-ন' খা তীয়াঁই তা তঙদি বায়।
- চাকতি : আঙলে নন' তা-ম' হিনখাবা কমলি, নীঙসে আ-ন'
সাত বেদঙ আ-ন' হামজা-গ' হিনাঁই, বেদঙ নন'
হামজাগাঁই-ন' তঙখাই কাইজাক-লায়াঁই থিবলাইদি,
আনিলে তা-ম' আংখাবা? জানি হামজাকলাই
খাফু রনাইমানিবা কাইজাকলাইয়ই-ন'
থিবলাই-নানি-ন' তা। কাইজাকলাইদি অ-র' তাম'
খাইনানি সাফায় আ-ন'।
- কমলি : অ বায়, আঙ দাদা বেদঙ বাই কুসতামফা-ন'
সালাইয়া, চাঙ সালাইমানি-ব' কীরাঁই সহিত',
সহিত', সহিত', আঙ সহিত-ন' উইথাম খাইখা।
বায়, নীঙ আ-ন' আলকা আংখা হিনাঁই তা
বাবেদি। আঙ নন' সহিত-ন' খায়াঁই সীমাই-ন'
তাঙগাঁই খীনারিখা বেলে। বায়, চাকতি আঙ
আবতাঁই বীরাঁই দানদা পিনদা আংনাইয়া, দাদা
বেদঙ-ন' কিসা হামজাকখা আসীক সিমিসে।
- চাকতি : আঙ আবতাঁই হিনাঁই সায়াই মানয়া বীলা সীলাই,
আঙ অসইসে সাজাকসিঅ নরগ-ন, আ-ন' তা
জলেদি দ মীনাই কমলি।

কমলি : আঙ নরগ-ন' আবতাই হামজাকলাই তঙগ' হিনাই
সায়ীই মানয়া বাই আনি-ন' চায়া আঁংখা, নীঙ
মীখাঙ-সম খরাঙ-সম তাআঁংদি দ বায়।

চাকতি : আঁংয়া মীনাই নন'।

কমলি, চাকতি থাংখা।

কহইতি, গদাঙ ফায়খা।

গদাঙ : মাগীরাই-নি বাঁসালা কিতঙনি হিনখাই অ মীসা
মালায়ীই খারলাই থাংমানি অ বাঁরাই বাই-ন'
কাইনানি আঁংখা। ই-ক' সীকাঙনি সুকুর বারনি
সা-ল' খাই-ন' চামারি-সে তুনীই রিয়ীই-লাইনানি
আঁংখা, তাকীলাইনি আগুন তা-ল' চামারি তুনখাই
খালিনি আগুন তা-ল' সাদি আঁংনানি হিনতা। বিসা
চামারি তিসায়ীই সাদি খাইনানি-ফন। চীঙব'
আহাই-ন' চিনি বাঁসা বেদঙ মীসা মালাইফুর
খারলাইনাইরগবা হিনাই অ চাকতি-মা বাই-ন'
কাইনানি মুচুঙমানি-বা, আয়াং বাঁরাইনি দিগিসে
কাইয়া হিনখাইবা তাই ব-র' আঁংসি নানি-বা'
মাকইলিয়াতা।

কহইতি : আ-র' আঁংলিয়া খাইবা তাই কুবুনি বাঁরাই
কাঁরাইদা। ইকৈলে নক গানাঅসে খরকসা তঙগ'
বানথিয়ানি বাঁসাজীক কমলি হিনাই, আ-ব'
বাই-ফা-ন' কাইয়াই রিয়ীই মান বেলে তা-ম' তঙ
বা।

গদাঙ : আহাই-খাইবা কক হরনাইনানিতা। বানথিয়ানি
বাঁসাজীক কমলি বাই-ন' তাবুক খাই বার কাহাম
নায়ীই-ন' কক হরসিনাই। আঙ খাই অ
খারলাইনাই বাঁরাইমা বাই-ন' কাইনানি মুচুঙমানি
তা।

কহইতি	: বুইসে কাইলিয়া হিনখাইত' তাই ব-র' আংসিনানি বা ।
গদাঙ	: বানথিয়ানি বাসাজীক বাইবা তা-ম' হিনসাউ-ন', অর' আংলিয়া হিনখাই তাই বিসা বিসিকনায় সাক ন-গ' আচুকরি তনিনাইসে ।
কহইতি	: ব সিমিদে বীরাই-বা, বয়া খাই ব, যাখাই ব নায়তুগাঁই তঙগানী তা হি-ন' চীলা-বা তা-ম' তঙ বীরাই খাইসে ডানাননি ।
গদাঙ	: ককত' আহাই-ন' ।

কহইতি, গদাঙ থাংখা ।

কিতঙ-ন' চামারি তুননাইরগ ফায়খা ।

কিতঙ-ন' চামারি তুননাইরগ কিতঙনি ন-গ' মাই-তীয় চায়ীই চামারি তুননানি নখরলাইখা সাইনদা সুমু-ন' তামলাইয়ীই । বাগসাবা লামথাই রিতীরাক বদল তীইখা, বাগসাবা রিজাই বদল তীইখা । বাকসাবা জাপা রুজুয়ীই তীইখা । চামারি কানাই চামারি কাথানি মানীয়রগ তীলাংমানি হিনখাই কবঙ থাইনীয়, রিজাই কাঙসা, লামথাই কাঙসা, রিতীরাগ কাঙসা, গামসা মুইখনসক কাঙনীয়, কামচীলীই মেরেঙ কাঙসা, গনজি কাঙনীয়, রকুতু কাঙসা, জাপা খুঙসা, খুল লুপমানি খীতীই তীইসা. বাখীলা থাইনীয়, সীকাই থাইনীয়, সুচি কঙসা, দুমা নীঙমানি মুতি থাইসা, আনজিগীনাঙ নারিকীরানি দাবা থাইসা, সাপান দুলসা, হনতা মেথিনি থক-মতম লাঙগিসা, আইনা বেতেরা, চেখুক খুঙসা, দা মেরেঙ খুঙসা, মাইরাঙ থাইসা, লুতা থাইসা, তীলাংলাই থাংলাইখা চামারি তুননানি সাইনদা সুমু-ন' তামলাইয়ীই,

রীচাবলায়ীই থাংলাইখা। আবতীই খাই থাংতে
 থাংতে চামারি তুনাইমানি ন-গ' থাংগাঁই
 সর্গাঁই-খা। থাংগাঁই তীলাংগাঁই থাংমানি দা
 মেৰেঙন' চামারি কামানি থঙগারনি খলঙগ'
 বেৰাঁই, রিয়াঁইখা। অ চামারি তুনাই মানি হ-র'
 হিনখাই দুসতি ম-ত চুডাক তীকনায় তীয় কারাঁই
 নীঙলায়ীই মাই চালায়ীই থীয়াঁই আইচুকনি তগলা
 খুকনীয় কইচিগ ফুরুখাই বাঁচালায়ীই বল-ন'
 তানসলাইখা চামারি কানাই গাতিঅ থাংগাঁই
 তুকুই-মুসুই তীয় গলাসা খর্গাঁই তুবুই ফুঙনি
 মাই-ন' চালায়ীই বলঙগ' থাংগাঁই চামারি কানাইনি
 রিজাই কবঙন' বকসায়ীই তনি-নানি বার্গাঁই
 মাজাঙ-ন' তাঙনানি বার্গাঁই ডা তানাই তুবুলাইখা
 মাজাঙ-ন' তাঙগাঁই রি বকসানানি চাইসর তাঙগাঁই
 পাইখাই চীলানি দল বাই বাঁরাঁই দল মিলিলায়ীই
 ফুঙগ' চুডাক তীয় কারমা-ন' নীঙলাই দিবরনি
 মাই-ন' চালাই চামারি কানাই-ন' চামারি কাথানি
 সাইচুঙ খিবিয়াঁই চামারি তুননাইরগ ন-গ'
 কিফি-লাই ফায়', আব-ন' চামারি তুনমানি রাইদা।

চামারি, তুননাইরগ থাংখা।

চাকতি ফায়খা।

চাকতি

: আঙবা অসই-মসই তা-ম' খাইনানি-বা আনি
 বেদঙ-ন' হিনাঁই হরজাকখা, তাবুক আঙ তামসে
 খাইনানি আংখা, আঙ তাই আনি বেদঙ বাই
 মালাইলিয়া বেলে, তাই উইসাফা-ন' মালাই খাই
 চাখামন, ব বাই দে আঙ তাই মালাইসি, তাবুক
 মালায়ীইব' ব আ-ন' তামবা হিন-ন' তাই তা-ম'
 হিনাঁই সাসিনানি।

কিতঙ ফায়খা।

- চাকতি : হাই নীঙ তিনি বিয়াংগ' থানানি হিনাই ফায় সীলাই দাদা কিতঙ?
- কিতঙ : আঙ চামারি কামানি নকনিসে ফায়'নন'কিসা নায়াই থানী হিনাই। নীমা পিসঙ বিয়াংগ' থাংবাই সীলাই?
- চাকতি : বরগ মা বাই বা খাই হাপিঙগ' থাঙ লাইঅ ফানতক মস' খাগাই তুবুনানি হিনাই। নীঙ বায় মতিয়া-নন' চামারি কানা বেলে দাদা কিতঙ?
- কিতঙ : আউ আঙ তাই সাব-ন' চামারি কানানি সীলাই? চীঙবা আগিঅ অ মীসা-ন' মালায়াই খরকনীয় কাগজাক-তাই অীংগাই খারলাইয়াই থাংফুরু কাইজাকলাইনানি হিনাই সীমাই তাঙলাই সহিত'-ন' খাইলাই য়াফা-ন' বুলাই খিব-লাইখা। আব'দে আঙ তাই ব বাই কাইজাকয়াই তঙসি। নরগখাই তাম' অীংলাইখা সীলাই? তাম' সিরিঙ সিরিঙবা কুসতামফা-ন' খীনায়া।
- চাকতি : ব-ন' পুইলা সীকাঙ আঙ বাই কক হরমানি-ব' বাসঙ কক যাচাকলিয়া, যাচাকলিয়াফা-ন' আঙ ব বাই-ন' থানানি হিনাই তঙমানি, কীচা-র' খাই কমলি আনসে দা বেদঙ হামজাগাই তঙগ' হিনাই আ-ন' সাখা হিনখাই আঙ ব-ন' কুদিয়াই রিহর-খাতা অর' তাই তা ফায়সিদি হিনাই।
- কিতঙ : এরাম নীঙ ব-ন' তামঙগাইবা আহাই খাইখা সীলাই আসীক বরক কাহামন'বা? ব আবতাই দানদা-পিনদা অীংনাই বরক দে বা, আসীক বরক কাহাম-ন' নীঙ বাহাই আবতাই খাইখা সীলাই?
- চাকতি : অ দাদা আনি-ন' চায়া অীংখা। ম তাবুক তা-ম' খাইনানি অীংখা, আনি-ন' চায়া অীংখা হিনাই আঙ সায়াই মানখা।

- কিতঙ** : আঁখা তা উানাডি-খ', আঙ তাবুক ন-গ' থাংগাঁই
ব বাই মালায়ীই নায়গীরানাখু। ব আগিঅ ব সা-ল'
ফায়য়ীই নীঙ বাই মালাইফায় ?
- চাকতি** : ব আগি ফায়' রববারনি সাল বুরুম-বুরুম।
কিতঙ : দ আঙ ব বাই মালায়ীই সীকাঙনি রববার-নি
সাল'দে রিহরীই মান-ন' নায়য়ানী, অ সা-ল' ব
ফায়থুন ফায়য়াথুন নীঙ নায়সিঙগাঁই তঙদি।
- চাকতি** : দাদা নীঙ ব-ন' জেসা খাই-ফা-ন' রিহরনানি
খীলাইদি।

কিতঙ, চাকতি থাংখা।

বেদঙ, চাকতি ফায়খা।

- বেদঙ** : নীঙ তা-ম' খাইনানি বাগাঁই আ-ন' কাঁচার সীলাই?
আঙ বাই নীঙ তা-ম' কাম তঙ নীঙবা আ-ন' আ
সাল'-ন' কাগাঁই রিহরখা বেলে, নীঙ তা-ম'
খাইনানি আঙ বাই? আ-ন' নায়মেলয়ীই
কাসেলে য়ীই রিহর-জাকনাই বাই?
- চাকতি** : আনি-ন' চায়া আঁখা, নীঙ আ-ন' তাবুক
জেসফা-ন' খাইসিদি, তাবুক জে নীঙ সাঅ আঙ
আব-ন' খীনানাই।
- বেদঙ** : নীঙ আ-ন' কাগাঁই খিবদি হিনখাই নীঙ কাগাঁই
খিবনানি দা সাদি।
- চাকতি** : (রীচা-ব'।)
আসীক জলে খাই ফুঙসা বুফায়দি
তে-ব' খা হামাঁই থানদি।
আনি ফিকুঙ-ন' ফেহেলীই রিনী
ফিকুঙগ' ফুঙসা বুদি।
- বেদঙ** : (রীচা-ব'।)
বুয়াই বু-য়াই-ন' বুঅ হিনজাগ'

বুখাইবা তা-ম' অীংন'।
সায়ী সায়ীই-ন' সাত্ত হিনজাগ'
সাখীলাই তা-ম' অীংন'।

চাকতি : (রীচা-ব')।

ফিকুঙলে য়ামফীরা চারিয়ীই রিদি
নীঙ বাইলে বুজকনানি।
য়াসি মুয়াসক য়াসি বাই বুদি
বুখা হিনহামজাকনানি।

বেদঙ : (রীচা-ব')।

ফুঙসা বুখা খাই বীখা কক সানী
সাব'লে বানদে-নানি
থাইসা হিনখা খাই বীখা কক সানী
সাব'লে বুজকনানি।

চাকতি : (রীচা-ব')।

সাকনি রিকুতু চাইস-র' বগখা
আঙলে দাইদ-র' কুবুই-ন' সাখা
বীখা কক সানাই আঙসে।
ফুঙসা বুখানি ফুঙনীয়-সে বুদি
বীখানি আড়া-স' অর-ন' পাইদি,
বীখা-ন' বুজগনাই আঙসে
তে-ব' খা হামাই থানদি।
আসীক জলে খাই ফুঙসা বুফায়দি
তে-ব' খাহামাই থানদি।

বেদঙ, চাকতি থাংখা।

চউদিরি, বুদিনি ফায়খা।

বুদিনি : চিনি ন-গ' মাইতা চানানি হিনীই
কীচারজাকনাই-রগনি সাদি অীংনানি নায়ীই তঙখা
হিন বেলে নীঙ খীনাখা দা?

- চউদিরি : আঙ খীনাখা বেলে, কক সীংলাইমানি-ব' খীনাখা, কক জ-র' রিলাইমানি-ব' খীনাখা, তাবুক খাই সাদিঅ কীচারজাক খাই মাই কলনীয় চায়ীই ফায়য়ানীতা তাই তা-ম' তঙবা।
- বুদিনি : ম-ত' মাগীরাইনি বীসীলা কিতঙ বাই গমাঙনি বীসাজীক মতিয়ানি সাদি সে দীলা, তাই গদাঙনি বীসীলা বেদঙ বাই কুতাইনি বীসাজীক চাকতি-নি সাদি হিনখাই বুফুরু হিন সীলাই?
- চউদিরি : আবরগনি ককলে খীনায়া, তাম' নিরাল-সে বেলে, আবরগনি সাদিবা আংদে আংন' আংদে আংয়া সায়াই মানয়া।
- বুদিনি : আব' খাই অ চাকতিনি বুফা কুতাই খাই বেদঙ বাই কাইনানি মুচুঙজাকয়াফন। যাং চাকতি বাই বেদঙ খাই হামজাকলাই তঙলাই হি-ন'। আবতাই খায়ীই হামজাকলাইয়াই-ন' তঙখাই কাইয়াই খিবমানি-ন' চাখামন। বুমা বাই বুফা কাইয়াই-ন' রিয়াখাই উ-ল' চীলা বাই বীরাই আকাম-চুকমা দে আংলায়াই থাংলাই-ন', হামজাক-লাইন' তঙখা খাই মুঙসায়া মুঙসা আংগীইফা-ন' মা-ন'। আংখাই খীনাউনো নায়াই তঙদি।
- চউদিরি : নরগ বীরাইরগ খাই চিনি সীলাই সীকাঙ জেসা কক-নব' খীনানা, চীঙ চীলারগসে জেসা কক-ন' খীনায়া।

চউদিরি, বুদিনি থাংখা।

মীসাত্তি, গাথুরি ফায়খা।

- মীসাত্তি : নীঙ গমাঙনি বীসাজীক মতিয়ানি সাদিনি মাই-মুই দে থকজাকখা? আঙলে জত' মুইনি সীলাই চাখাই মুই-ন' বিসিখাই থকজাকখা। আঙ খাই অ উাহান

- চার্খাইন' তাই উাইসাসে চানানি মুচুঙগাই তঙসিঅ।
- গাথুরি : সকই আপীরাঙ সংমানি হিনব' উাহান চার্খাই হাই-ন' থকখা। ম বেদঙ-সা বাই চাকতিনি সাদি আংখাই চাখামনতা, আর-ব' আহাই-ন' মীচাউ-খামনতা আহাই-ন' আহাই চার্খাই মুইতুরু।
- মীসাতি : সাদিঅ ফাতীই মানখাইলে থাসে থানানি উাহান চার্খাই চানানি বার্গাই, লগিসে কিসা নাঙগ' থানানি হিনখাই।
- গাথুরি : আউ আব'লে আহাই-ন' জেথানি থানি থানানি হিনখাই লগি-ন' নাঙগ'। কক সালাই-সালাই খাই থানানি লগি-ন' নাঙগ'।

মীসাতি, গাথুরি থাংখা।

হারিতি, কুতাই ফায়খা।

- হারিতি : ফায়দি চিনি মাতিঙ চাকতি-ন' তাকীলাই-ন' কাইয়াই খিবানী। তা-ম' বুইনি ককনি বুখুক-বুখুক-গ' কিসা কিসা খীনাঅ আঙ তা-ম' চিনি কামিঙনি বেদঙ বাইসে কিসা কিসা হামজাকলাই তঙগ' হিনীই কুবুই দে এরেঙ দে। আংয়া খাই ফায়দি অ বেদঙ বাই ফা-ন' কাইলাই খিবানী তাই উাইসা বেদঙনি বুফা-ন' কাচারলাইয়াই তেব-সাখাই বুই খীনায়া-সানি।
- কুতাই : অ বেদঙ হিনমানি বাইলে আঙ কাসে কাইয়া, আসীক চেরাই সিতীরা বরক হাময়া বাইলে, আনি সাজীক-ন' আ-র' রিহরখাই হারেপে-গ' কাঁসীক-তাই কাঁসীগাই থানানি বার্গাই দা, আঙ কাইয়া আ-র'।

হারিতি	: ব-ক' আঙ বুইনি বুখু-গ' হিনব' কুসতাম হাময়া-রগ হিনাই খানীয়া বেলে। আঙ বুই-ন' বুই-ন' সাংগাঁই নায়য়া দা, কায়সাফা-ন' হাময়া হিনাই সানাই কীরাই বেলে হি-ন', কাহাম মাংসে হিনাই সাবাইঅ।
কুতাই	: নীঙ বীরাই-তীতাই তা-ম' সায়াই মান, আঙ চীলা বরক সায়াই মানমানিতাই নীঙ কুসতামফা-ন' সায়াই মানয়া।
হারিতি	: দ নীঙ জে হামজাকমানি জাগাঅ-ন' কাইদি, আঙ কুসতামফা-ন' সায়া, উল'দে আকাম-চুকাম আংলাই-ন' নায়দি ফিয়া।
কুতাই	: আংখাই আংখাতা, আ-বদে আসীক কিরিয়াই তঙ, কাঁথাঙ-ফুরু মুঙ থাইসা থীয়ফুরু মুঙ থাইসা।
হারিতি	: আহাই খাই নিনি রঙব' নুকজাকনাইতা।

হারিতি, কুতাই থাংখা।

কুফুতি, গমাঙ, কিতঙ ফায়খা।

গমাঙ	: চীলাসা নরগ জে কাইজাকমানি ন-গ' কিফিল-মানি বেরাইমুঙ বেরাইয়াখী বেলে। তাবুক-ত' চুইতর তাল, চুইতর তাল পাইয়াই বুইসাখ তাল ফায়য়ানী, বুইসাখ হাবীই বসর কাঁতালনি গরিয়ানী মীতাই খাইফুরগনি জরাত হিনখাই ন-গ' কিফিল-মানি বেরাইমুঙ বেরাইলায়ীই ফায়লাইদি নিহিক-রগ বাই। নিজিনি ন-গ' কিফিলমানি বেরাইমুঙ খাইত' রাইদাত তঙগ' হরথাম আংয়াখাই হরবা, আংখাইবা হরবাফা-ন' তঙলাইয়ীই ফায়লাইদি। আয়াংগ' চামাই বাই চামাইজীক-ব' হামজাগাঁই তঙলাইয়ানী।
------	---

- কুফুতি : চিনি হদানি রাইদা হিনখাই মীতাই কিফিলমানি
বেরাই-মুঙ বেরাইনানি থাংখা খাই সাল
তাই-লুলুগ' খাইসে ন-গ' কায়াই-নানি নাঙগ'
নরগ-ব' নিহিকরগ বাই আবতাই খাই-ন' চামাই
বাই চামাইজীকনি ন-গ' থাংগাই কায়াইদি। বুই
জেতাইফা-ন' কিফিলমানি বেরাইমুঙ
বেরাই-নাইরগ ফায়বাইখা হিনাই হিনজাকনানি।
- কিতঙ : আউ আবতাই-ন' খাইয়ানী মা। বুইসাখ তালনি
গরিয়াঅ বেরাইনানি হিনাই থাংফুরুঅ।

কুফুতি, গমাঙ, কিতঙ থাংখা।
চিলঙতি, মাগীরাই ফায়খা।

- চিলঙতি : চিনি অ কাইজাকনাইসা-সঙবা গরিয়া ফুরু-সে
বেরাই ফায়বাইনানি হিন বেলে। ফায়খা খাই
হর-বা সীকরগ তঙগাই থাংথুন। হরথামরগ খাই
তঙপীরাই-পীরাই আংগাই তঙগানী।
- মাগীরাই : আয়াং চামাই-সঙবা তা-ম' হিনাই সায়াই রিহর-ন'
তা-ম' হিনাই সানানি। হরথাম দে তঙগাই ফায়দি
আংয়া-খাই হরবা দে তঙগাই ফায়দি হিনাই সায়াই
রিহর-ন', আব' বা ফায়নাইরগনি ককসে।
- চিলঙতি : চাঙ হিনব' সায়াই মান বেলে হরবা-সীক তঙগাই
থানদি হিনাই।
- মাগীরাই : আবতাই হিনাই সাখাই চামাই-সঙবা তা-ম'
হিন-ন'।
- চিলঙতি : আব'বাই বরগ তা-ম' হিননানি তঙ।

চিলঙতি, মাগীরাই থাংখা।
বানথিয়া, বাগতি, কমলি ফায়খ।

- କମଳି : ବା ନୀଓ ତାମ' ଧାଁନାନି ବାଗାଁଈ ଚାକତିନି ବୁଫା କାକା କୁତାଁସାନି ଥାନି ବେଦଓନି ବୁଫା ଗଦାଓ ନିନି ଯାକତାଁଈ କକ ହରଫୁରୁ ନୀଓ ତାମଓଗାଁଈ ବେଦଓ-ନ' ବରକ ହାମୟା ହିନାଁଈ ସାୟାଁଈ କାବୁ ହିନ ସୀଲାଁଈ ? ନନ' ତାବୁକ ବେଦଓନି ବୁଫା ଗଦାଓ-ସଓ ଧୀନା ଧାଁ ତା-ମ' ହିନ-ନ' ସୀଲାଁଈ, ଅସାଁଈ-କସାଁଈ ଦେ ଆବତାଁଈ ଧାୟାଁଈ ସାୟାଁଈ କାବୁ ସୀଲାଁଈ ।
- ବାନଧିୟା : ଆଓ ଆବ' ସାଗାଁଳାକ-ଧାମନ, ବେଦଓସା ବେଲାଁଈ ବରକ ଧାଁ କାହାମସେ ଆଓ ଆ-ବ' ସାୟାଁଈ ମା-ନ', ଆସାଁକ ବରକ କାହାମ-ନ' ଯାକାରମାନି ଚାୟା, ନୀଓ ବାଁଈ ଦେ କାଁୟାଁଈ ମା-ନ' ହିନାଁଈ-ସେ ଅ କକ-ନ' ସାଜାକ-ତାଁଈ ଆଁଗାଁଈ ଥାଂସିଅ, ଆନି ଆ-ବ' ଧାଁ ଚାଲିୟାନ' ତାସାସିଦି ଅ କକ-ନ' ତାଁଈ ।
- କମଳି : କାଁନାନି କାଁନାନି ହିନ-ବ' ଆହାଁଈ-ନ' କାଁଲାୟାଁଈ ମାନଲାଁଈୟା ବେଲେ, ଚୀଲା ନନ' ହାମଜାଗାଁଈ ଫାୟଧାଁଈ-ସେ ବେଲେ ।
- ବାଗତି : ତା-ମ' ଅସାଁଈ-କସାଁଈ ଆଁଗାଁଈ ତଓ ସିୟା ଦ, ଅ ବେଦଓସା ହିନଦି ବୁଫା ଗଦାଓ ହିନଦି ଆବରଗ ହାଁଈ ବରକ କାହାମ ତାଁଈ ସା-ବ' ତଓବା, ତାବୁକ ଆବରଗ ବାଁଈ ତା-ମ' ଧାୟାଁଈ ମାଁଧାଓ ନୁକଜାକନାନି ନାୟସୀଲାଁଈ, ଆୟାଂ ବେଲେ ଆଁଧାଁଈ-ନ' ମାଁଧାଓ ନୁକଲାଁଈ ତଓଲାଁଈମାନି, ତାବୁକ ବରଗ-ନ' ମାଁଧାଓ ଫୁନୁକନାନି ଦେ ଚୁକନ' ?
- ବାନଧିୟା : ନରଗନି ଅ କକରଗ ସାଁଈ-ନ', ବୁଁନି ବାଗାଁଈ କକ ହାମୟା କିସାଫା-ନ' ସାନାନି କକୟା-ନ', ଜତ' ଜରାଅନ' କକ କାହାମ ମାଂ ସାୟାଁଈ ଥାନାନି କକ । କଗ' -ନ' ତଓ ବେଲେ ବୁଁନି ବାଗାଁଈ ହାକର ଚକଧାଁଈ ସାକ-ସାକ-ନ' କାଁଲାଁଈ ଧାଁୟ । ତାବୁକ ଆଓ ଆବତାଁଈ-ନ' ଆଁଗାଁଈ ତଓଧା କାୟସା-ନ' ହାମୟା ଧାୟାଁଈ ସାୟାଁଈ ଆଓନ' ହାମୟା ଆଁଗାଁଈ ତଓଧା । ଆଓ ତାଁଈ ଆବତାଁଈ ସାଲିୟା, ବୁଁ-ବ' ଆଓ ହାଁଈ ତା ସାବାଁଈଥୁନ ।

বানথিয়া, বাগতি, কমলি থাংখা।

মতিয়া, কুফুতি ফায়খা।

কুফুতি

: মাতিঙ নীঙ নীসাইরগ বাই ন-গ' কিফিলমানি
বেরাইমুঙ বেরাইনানি থাংখাই থাংগাঁই ন-গ'
হাবীইখাই-ন' নীকারা বাই নীকীরাজীক-ন'
খুলুমাইদি। আবনি বাদেব' তাই অকীরা-চাকীরা
তঙগাঁই তঙখাই বরগ-নব' খুলুমদি, দাদা বাচাই
বায় কুমুই তঙখাই বরগ-নব' খুলুমদি। আবনি উল'
খাই নীকীরাজীক মাই-মুই সংগাঁই তঙমানি-ন'
খাই সেগাঁই সংদি, নীকীরাজীক তীয় খকমানি-ব'
সেগাঁই তীয়-ন' খগাঁইদি, তাই
নীকীরা-নীকীরাজীক মাই-ন' চামানি
মাইরাঙন'-ব' নাহারীই সেগাঁই সুদি। দুমা-ব'
সীগাঁই খানিদি, কুয়াই-ব' তানীই কুয়াই বাংগাঁই
খায়ীই চারিদি নীকীরা বাই নীকীরাজীক-ন',
চাঙত' নীমা-নীফা অগ-ন', চিনি সীলাই তে-ব'
বিসি কতর নিনি খাই নীকীরাজীক-নীকীরা। বীসা
বুমা-বুফানি খা তাই তঙখা খাই বুমা বাই বুফা
বীসা-ন' হামজাকয়াই তঙগাঁই-সে মানয়া,
আব'বাই-ন' বীসা বুমা বাই বুফানি ককতাই খাই
তঙনানি নাঙগ'। বীসানি বুমা বাই বুফা হাই কতর
হা সাকাঅ তাই কীরীই।

মতিয়া

: আউ মা নিনি ম হাই কক কাহাম তাই কীরীই।
নীঙ তাবুক জে আ-ন' সামানি আঙ থাইসা থাইসা
খাই নিনি কক-ন' নারীকগানী নুঙ তাউনাদি।
বীসানি থানি জতনি সীলাই কতর হিনখাই বুমা
বাই বুফা-ন', বরগনি আয়াঙ না-র' কতর তাই
কীরীই-ন' তাই কুবুনি-ন' কতর সীনাম খাই আ-ব'
চায়া অীংগাঁই থানাই।

কুফুতি : থানদি মাতিঙ হরবা তঙগাঁই বেরাই-লাইয়াই
ফায়লাইদি নরগ হিসাকনীয়। নীঙ বেলে হরথাম
র-গ তঙগাঁই ফায়নানি হিনাঁই তঙদি-দ।

মায়াতি, কুফুতি থাংখা।

বেদঙ, চাকতি ফায়খা।

বেদঙ : নন' খাই আঙ তিনি-ন' আনি ন-গ' তীলাংগাঁই
থানানি হিনাঁই ফায়খাতা নীঙবা তা-ম' হিন, নীঙ
থানানি-ন' আংগানী বেলে আঙ বাই।

চাকতি : থানানি-ত' থানানি-ন' আনি রিরগ কীরাঁই তা-ম'
খায়াঁই থানানি সীলাই। আঙ আনি রিরগ ন-গ'
নাহারাঁই ফায়গীরানা। নীঙ অর-ন' তঙগীরাদি।
আনি রি-ব' নাহারতাঁই মান'-ব' সাতাঁই আঙ
তাবুকন' ফায়য়ানী।

বেদঙ : নীঙ কানমানি কাঙসা, তঁইমানি রিকুতু আসীক-ন'
তুবুদি তাই তঙফান' তা তুবুদি, তুবুখাই চিনি চায়া
আংনাই।

চাকতি : তাবুক নীঙ থাংখাই ব-র' থাংগাঁই কারাঁই
নানি-বা?

বেদঙ : চীঙ খারাঁই খাই থাংয়া, নীঙ বাই আঙ
কাইজাকলাইয়া-খ', বুই খাই কাইজাকয়া হামজীক
থাং-লাইঅ। চীঙ খাই কাইজাকলাইয়াই হামজীক
থাংলাইয়ানীতা। হামজীক থাংখাই ব-র' থাংবা?
বীসাইনি ন-গ', নীঙব' নিনি বীসাইনি ন-গ' থানীতা,
তাই কুসতাম ডানানি কীরাঁই আঙ তঙগ'। তাবুক
নীঙ থাংখাই নিনি বায়াপি মতিয়া বাইসে
মালাইসিনাই ম গরিয়া কীচা-র'- ন' বরগ ন-গ'
কিফিলমানি বেরাইমুঙ বেরাইনানি কক। আব'বাইন'
নন' আনি ন-গ' পুইলা বেরাই-রিনানি বাগাঁই
তীলাঙগাঁই থানানি, থানদি ন-গ' রি নাহারাঁই ফায়দি।

বেদঙ, চাকতি, থাংখা ।
কহইতি, গদাঙ, বেদঙ ফায়খা ।

- কহইতি : হাই বাবু নীঙ ম সাবনি বীসা বীতাই-ন' তুবুই-বা ফায়খা সীলাই ?
- বেদঙ : নাহামজীক-ন' তুবুই ফায়খাতা, বরগনি বীসা-ন' ।
- কহইতি : সাবনি বীসা বীতাই-ব' আংখা থানদি তুনাই রিয়াই-গীরাডি উ-ল' ককলাম সালাই কাইলাই তুবুই ফায়য়ানী, থানদি তুনাই রিগীরাডি ।
- বেদঙ : আঙ খাই তুবুয়া, ব-সে ফায়' আঙ তা-ম' খাই তুনাই রিয়াইনানি-বা ?
- কহইতি : নীঙ কক-ন' দানদা-পিনদা তা সাডি তুননানি খাই তুনাই রিয়াইদি ।
- গদাঙ : আংখা কক-ন' তাবাংলাই-সিদি নায়তুগীই ফায়খাই তাইতুক আংগানী তাবুক নিরাল খাই তঙলাই-গীরাডি । নীঙ ম সাবনি বীসা-ন' তুবুই ফায়খা সীলাই বাবু, বরনি সাবনি বীসাবা আংখা ?
- বেদঙ : নীঙ কক হরমানি অ বীরাই-নন' আঙ তুবুই ফায়' ।
- গদাঙ : অ আহাই খাই কাহাম-ন' আংখা বেলে ।
- কহইতি : অ আবতাই দা, থানদি বীরাইমা গাতিঅ থাংগীই তুকুলায়ীই ফায়লাইদি, দিবরনি মাই চালাই খিবলাই-গীরানা ।

কহইতি, গদাঙ, বেদঙ থাংখা ।
বেদঙ, কিতঙ ফায়খা ।

- বেদঙ : দা কিতঙ নীঙ সিমিদে বাচাই-ন' তুবুই ফায়ীই মান ? আঙ খাইবা নুডাই-জীক-ন' তুবুই ফায়ীই মানয়া দে ? নীঙ তুবুতাই-ন' আঙব' তুবুখাতা ।

- কিতঙ : নীঙ কক চেঙগীরা-ন' বিসিখাই সাঅ, নীঙ চেঙগীরা-ন' বিসি তাসাদি, নীঙ চেঙগীরা তাতাল-ন' সানানি দে ফায় অ-র'?
- বেদঙ : আঙ নন' চেঙগীরা সায়া কুবুই-ন' সাঅ। নীঙ আনি ন-গ' সাইরি-গ' ফায়াই নায়ফায়দি বাচাই বাই কীনীয় খায়াই।
- কিতঙ : আউ ফায়য়ানী খাই নীঙ ন-গ' তঙদি।
- বেদঙ : ফায়য়াই তঙগীই মাননিয়া ফিয়া, আঙ নগ-ন' তঙগীই নায়সিঙগীই-ন' তঙনাই দাগতি-ন' ফায়দি।
- কিতঙ : আঙ ফায়নাই, ফায়নাই, ফায়নাই, কুবুই-ন' ফায়নাই।

বেদঙ, কিতঙ থাংখা।

হারিতি, কুতাই ফায়খা।

- হারিতি : মাতিঙ দিবর আংতীতাইয়' বেরাইনানি হিনাই নখরীই থাংমানি বিয়াং-ব' থাংগীই তঙগীইখা, যাং বেলে সালসে হাপতীতাই আংগীই তঙখা তাবুক-ব' সকফাইয়া-খ'।
- কুতাই : বিয়াং-গ' থাংগীই তঙখীনাতা, ব বিয়াংগ' থানানি, ফায়য়ানীতা নায়ীই তঙগীরালা বরক কীথাঙ, বা ব বর' থাংনানি।
- হারিতি : ইঁহি নীঙ আবতীই খায়াই তা উনসুকদি-খ', আঙ ব-ন' নুকয়া খাই তামসে আংগীই ফায়' তাবুক-সে আনি বীখা তামঙ তঙখা সায়াই মানয়া, নীঙ থানদি, থাংগীই নক বুরুম-বুরুম নায়গীরাডি সাবনি নগবা তঙগীই তঙখ।
- কুতাই : তাবুক সাবনি নগবা নায়তুগীই-নানি সালা সালাই।
- হারিতি : থানদি নায়তুগীই ফায়দি বর-ব' তঙখা বর-ব' চাখা, যাং বেলে সাল থাংগীই তঙখা।

হারিতি, কুতাই থাংখা ।
বেদঙ, কিতঙ, চাকতি, মায়্যাতি ফায়খা ।

- কিতঙ : বা, বা, বা, চাঁঙন'-বা ম যঙ চউদিরিসে খাইসি
বীলা, যঙ চউদিরিন' চাঁঙ থাংগাঁই জন' চুডাক
তীকসা খাই তীলাংগাঁই খানিনানি অজন ।
- বেদঙ : নীঙ কুবুই কক-ন' সাখা দা কিতঙ, চাঁঙ যঙ
চউদিরিনি ন-গ' মাইতা চানানি কীচারজাকয়া খাই
মরগ চাঁঙন' মাননানি নাঙয়া, চাঁঙবা কুবুনি
বীরাই-নসে তুবুই খীচানিয়া খাই তনি ফায়খামন ।
- চাকতি : নীঙ বাই তাই সা-ব' ফায়নানি ? কমলি খরকসা-ন'
ফায়খামনতা তাই সা-ব' ফাইনানি নুঙ বাই, তাই
কে-ব' ফাইনাই কীরাই নুঙ বাই ।
- বেদঙ : নীঙ ফায়য়া খাই আঙ কমলি-নসে তুবুনানি হিনাই
তঙমানি ।
- চাকতি : তুবুদিতা থানদি, আঙ থাঙগানী খাই তাবুক ।
- কিতঙ : তাবুকলে বরগ উলাই-মানসে খীনায়াই
থাংলাই-সিনানি ।
- মতিয়া : চীলারগ আহাই-ন' বীরাই কায়সা বাই তঙগাঁই
মানয়া তাই কুবুনি নায়তুগলায়াই তঙগ' ।
- কিতঙ : আঙলে নন' কারাই তাই মাকনীয় মাকথাম দে
খায়াই মান-ন' নাইনানি নন' খিবিয়াই ।
- বেদঙ : দ আংখা চেঙগীরা বদে আসীক সালাইসি । দা
কিতঙ চিনি ম খাই তাবুক তা-ম' খীলাইনাই
সীলাই ?
- কিতঙ : তাই তা-ম' খাইনানি, খীনা আয়খাই-ন' বরক
কায়সা রমাই সাহরুই রিদি নীঙ নিহিকরগ-ন'
তুবুই ফাইমানি কক-ন', উল' খাই সালাই কক
পাইলাই সাদি খায়জাক'লাই খিবদি তাই তাম'
তঙবা ।

বেদঙ : আউ আঙ বরক রিহর-ডানী।

বেদঙ, কিতঙ, চাকতি, মতিয়া থাংখা।

গদাঙ, মাখুক ফায়খা।

গদাঙ : মাখুক নীঙ আনি কাম থাইসা চারিয়ীই মারিনাইসে, মিয়াঅ আনি বেদঙসা নীবাইনাসা বীরীইমা খরকসা-ন' তুবুই ফায়খা। অ তুবুই ফায়মানি কক-ন' নীঙ কিসা থাংগীই অ বীরীইমানি বুফা-ন' সায়ীই রিয়ীইদি মীতীই দা ফনানি বীসীলা-সে তীলাংগীই থাংগ' হিনীই।

মাখুক : আউ সায়ীই মা-ন' আঙ তাই সীরাপসা তঙগীই-ন' থাংগানী।

গদাঙ : মাখুক নীঙ জে কক তঙমানি সীবায়ীই সুকুরুবীই সালাইয়ীই ফায়দি, মানখাই সাদিনি সালরগ সুদু-ন' থিক খায়ীই কাবুই মা-ন', নীঙ আনি আংগীই-ন' আনি কক-ন' সাদি। উল' খাই ব বাই সালাই-বাই-মানি কক-ন' খাই আ-ন' সাফায়দি, আংখা আসীকন' কক নীঙ বাই।

মাখুক : আউ আঙ থাংখা।

গদাঙ, মাখুক থাংখা।

চউদিরি, বুদিনি ফায়খা।

বুদিনি : অসই কক বাংলাই তঙমানি সীলাই মিলিলায়ীই কাইলাই খিবলাইমানি-ন' চাখা বীরীইনি বুফা বাই চীলানি বুফা, আঙ নন' আগিঅ-ন' সায়ী দে আয়ুঙ বেদঙ বাই আয়ুঙ চাকতি-সঙ খাই উ-ল' মুঙসায়ী মুঙসা আংলাইয়ানী হিনীই। তাবুক খাই বখঙ নুকজাকখা দা হিনবা আ-ব' খাই বীরীইনি বুফা

- কুতাইনি-ন' চায়াতা হি-ন'। তাবুক খাই বাহাই
 আংখা সীলাই লেকক-কক চায়াই।
- চউদিরি** : আব' খাই চিনি অ-র' মাইতা চানানি কীচারজাগীই
 ফায়লাইসে আবতাই আংলাইখীনা অসই কসইলে
 আবতাই আংগীই মানলাইয়া। বরগ-ন'
 মালাই-রিনাই খাই চাঙসে।
- বুদিনি** : বরগনি সাদি-ব' বিসানি বিসিঙগ'-ন' কীলাইমানি
 হাই আংখাতা আয়ুঙ কিতঙসা-সঙনি খাই আণ্ডন
 তা-ল', আয়ুঙ বেদঙসা সঙনি হিনখাই বুইসাখনি
 তাল আংখাতা, বিসানি বিসিঙগ'-ন' সাদি হিনাই
 মানতা।
- চউদিরি** : আ-ব' বসর কাইসা-নতা, খরকসা আণ্ডননি তা-ল'
 হিনখাই তাই খরকসা বুইসাখনি তা-ল' হিনখাই।

চউদিরি, বুদিনি থাংখা।

কহইতি, গদাঙ ফায়খা।

- কহইতি** : বা-পারি বুফুর-ব' চিনি বাবুসঙ কাইজাকমানি-বা
 বিসিকথাম দীসা আংগীই থাংখা বেলে, তা-ম'
 চিনি বেদঙসানি বিহিকরগ-বা তা-ম' সাক-কুপুলুঙ
 আকন দে, নায়সিগীই নায়মানি অখলাইরগসে
 চাজাকমানি- রগসে নুক বেলে, বুফুর-বা সাক
 খালাস আংনানি কীলাই সাসুগীই মানয়া, ব
 তা-লর-গব' কীলাই কুলীই-ন'।
- গদাঙ** : আউ দাকতি সাক খালাস আংখাই-ন' হা-ম'।
 দাকতি সুক নুকখাই নুগীই খিবনানি, আঙ খাই
 মাখ'গীই করাই আংনানি। আনি বুসুক
 আচাইনাই-ন' খাই আনি সাকাঅ খায়ীই
 কারিনানিতা, আব বা চীলাদে আংন' বারীই দে
 আংন' সায়ীই মানয়াতা।

- কহইতি : চীলা ফা-ন' আংথুন বীরাই ফা-ন' আংথুন তে-ব' চিনি বসুক বেলে আর' চীলা হিনাই-ব' কীরাই বীরাই হিনাই-ব' কীরাই, বসুক খাই বসুক-ন' বসুক।
- গদাঙ : বীরাই হিনখাই নন' তীয় খকনানি লগি রিনাই, চীলা হিনখাই আ-ন' কাম খাইনানি লগি রিনাই।
- কহইতি : বীরাই-ন' আচাইথুন আনি লগি আংনানি বাগাই।
- গদাঙ : চীলাসে আংথুন আনি লগিঅ তঙনানি বাগাই, নন' কুদি-রিনানি।
- কহইতি : চীলা আচাই খাই মিরিকনানি বাগাইতা, চীলারগ কিসাখাই মিরিক-বা। চীলা-ন' চীলা জুদা, বীরাই কীরাই তঙগাই মানয়া হুদা।
- গদাঙ : বীরাই-ন' বীরাই, চীলা বাই তঙয়া কীরাই।

কহইতি, গদাঙ থাংখা।

চিলঙতি, মাগীরাই ফায়খা।

- চিলঙতি : আউ তে-ব' চিনি নকনি বীরাইমা তাবুক সাক খালাস আংখা চাখা, দুখ'-ন' মানসীকখা চিনি বীরাইমা, তাবুকনি সিমি বহক সাজাকমানি দে? তিনি দে আংন' আংয়া আংয়া, খীনা দে আংন', আংয়া আবতাই মাং তঙখীনা বেলে সালবীরাই সালবা সীক, বীরাই আংখা চাখা, আনি-ব' সাক বাগসা আংখা চাখা, নীঙ খাই চাদে চাজাকখা বীরাই আচাইমানি, আঙলে চাজাকখা।
- মাগীরাই : তামঙগাই চাজাকয়া আংনানি সীলাই, বীরাই-ব' অ কক-ন' চীলা-ব' অ কক-ন', চীলা বাই বীরাই-ই বাগসা-ন' বাগসা, সাখাই চীলানি সীলাই বীরাইসে তাই কিসা চীলানি সীলাই কাম-ন' খায়াই মা-ন'।

- চিলঙতি : চীলারগনি সীলাই বীরাইহরগ-ন' তাই কিসা কাম বারা মানতা হি-ন', বীরাই কীরাই খাই চীলারগ সাব-ন' মা নুঙখামন, আব'বাই বীরাই-ন' তাই কিসা বিসি কীপীলাই খায়ীই বানতা বাগনানি নাঙনাই।
- মাগীরাই : আব'লে বীরাই কীরাই খাই চিনি চীলারগনি বুমা হিনীই কীরাই, বীরাই তঙগীই-সে চিনি চীলা-রগনি বুমা তঙগ', আব' বাই-ন' চীঙ বুমা বাই বুফা-ন' বাগসা-ন' বাগসা খায়ীই নায়সিকনানি নাঙনাই, আবতাই-য়াখাই চিনি চায়া আংগীই থানাই।
- চিলঙতি : বেদঙসানি-ব' চীলা আচাইখাফন, বেদঙসানি বুমা বাই বুফা-ব' হামজাকলাই তঙলাই-খীনা বুসুক আচাইয়া আচাইমানিবা। চিনি কীতাল আচাইনাইনি বীরাই বুসুকনি মুঙ তা-ম' ফারীই রিনানি সীলাই।
- মাগীরাই : বৃইসাখ তা-ল' আচাই-মানিবা খুমনি মুঙরি খুমতয়া ফারীই রিউনীতা।

মাগীরাই, চিলঙতি থাংখা।
কয়া, মীসাতি ফায়খা।

- মীসাতি : আঙ খাই মিয়াঅ কিতঙসানি বীসাজীকনি আবুল সুমানি মাই-মুই-ন' থকজাকসুকখা। জতনি সীলাই বিসি খায়ীই থকখা বেরমা বীতীই-ন', নীঙ খাই তাম-ন' বিসি থকজাকখা সীলাই?
- কয়া : আঙব' বেরমা বীতীই-নন' বিসি খায়ীই থক-জাকখা, আব'য়াইব সকই আপীরাঙ সংমামি-ব' থকখা, মাই-মুই খাই আপুস খাইন' রিখা, আঙসে চায়ীই মানয়া। আগিনি জুউন-ফুরৎ হিনখাইলে চায়ীই নায়খামন, তাবুক খাই মানলিয়া বুরা আংগীই থাংগীই।

- মীসাতি : বেদঙ-সানি বীসীলানি আবুল সুমানি মাই-মুইনি
সীলাই কিতঙ-সানি বীসাজীক-নি আবুল সুমানি
মাই-মুই-নন' আঙলে বিসি খায়ীই থকজকখা মাই
চারিমানি-ব' আখানি বাইল খাই-ন' চারিখা।
মাই-মুই-ব' আপুস খায়ীইন' বকখা।
- কয়া : বেদঙ বাই কিতঙনি বীসানি মুঙন' তা-ম' ফারখা
সায়ীই দে মান ?
- মীসাতি : আবলে আঙ পর্গীই থাংখা।
- কয়া : বেদঙনি বীসীলা খাই চুইতর তা-ল' আচাইঅ
হিনীই চকবীরা হিনীই ফারীই রিখা, কিতঙনি
বীসীজীকন' খাই বুইসাখ তা-ল' আচাইঅ হিনীই
বুইসাখনি খুমুঙ বারনাই খুমতয়ানি মুঙ রিয়ীই
খুমতয়া হিনীই ফারীই রিলাইখাতা। চাঙ খাই চিনি
কক-ন' রীর্গীইন' মুঙন' ফারীই রিনানি নাঙবা'
আব-ন' তীর্গীই-ন' মুঙ ফারলায়ীই রিলাইখাতা
আবতীইয়া দেবা।
- মীসাতি : আবতীই-ন' অীংনানি জানি জানি জাতিনি হদা-ন'
রীর্গীই-ন' মুঙন' ফার-নানি নাঙগ'। আবতীই-ন'
খাই মুঙন' ফার-লাইনানি নাঙগ' জাতি-ন'
সিনিজাকনানি বার্গীই। উলর-গ' হিনখাই চিনি
মুঙন' ফারলাইমানি আউলা অীংলায়ীই থাঙগানী
নায়ীই তঙবাইদি, চিনি নিজিনি জাতি হিনীই সিনি-
জাকবাইনিয়া, বুই বাই ফালজার্গীই
খিব-জাকবাইয়ানীতা।
- কয়া : তাবুক-ন' জাতি-গুসতিনি মুঙন' রীর্গীই ফারলিয়া।
খরকসা খরসু হিনখাই তা-ম' দানদা-পিনদা
মুঙরগ-সে ফারলাইয়ীই তঙ-সিঅ বাগসা খাই।

কয়া, মীসাতি থাংখা।

কহইতি, গদাঙ ফায়খা।

কহইতি : আনি বসুক দাদা চকবীরা মীনীয়মানি
নায়থক-মানি নাহারীই নায়দি। তাবুক হিনদি নৌঙ
উইসা বামদি।

গদাঙ : হদি আ-ন', নন' আঙ তাই বামরিলিয়া।

কহইতি :
হদি, হদি, হদি, আনি দাদা-ন' হদি

আসৌক নৌঙ মাং তাবামদি

হদি, হদি, হদি।

দদি, দদি, দদি, আনি আঙসুক-ন' হদি

আ-ন' হরয়াই তা তঙদি

দদি, দদি, দদি।

গদাঙ :
কনদি, কনদি, কনদি, অ-র' তা ফায়দি

আ-ন' মাং বামরিয়ীই তনদি

কনদি, কনদি, কনদি,

থানদি, থানদি, থানদি, আনি গানানি কনদি

আনি গানাঅ নৌঙ তা ফায়দি

থানদি, থানদি, থানদি।

কহইতি :
বাপারি নৌঙ সিমি দে আনি আঙ-সুক-ন' বামনানি
আ-ঙ খাই বামনানি নাঙলিয়াদা।

তামঙ নৌঙ আ-ন' বামরিয়া,

আঙ মা বাম খাই তাই নন' রিলিয়া,

আনি বাখা-ন' নৌঙ তাই বুজলিয়া,

নন' আঙ তাই মাই-ন' সংগীই চারিলিয়া।

গদাঙ :
তাই কায়সা ফায়নানি হিনীই তঙগ' আঙ-সে ব-ন' তুবুলিয়া,

নৌঙ বাই আঙ কক-ব' সালিয়া,

হাতিঅ থাংগীই নিনি মাথিয়া-ব' পাইলিয়া,

আঙব' নন' হামজাকলিয়া।

কহইতি, গদাঙ থাংখা ।
কিতঙ, মতিয়া, খুমতয়া ফায়খা ।

মতিয়া : বা, চিনি বাঁসা খুমতয়া-মা-বা নায়তে নায়তে
গিরি-গিরি খায়ীই হিম মানীই থাংখা বেলে ।
কিতঙ : আবতীই আংতে আংতে-ন' তরীই সিকীলা সর্গীই
থানাই তা-হিন, তাই বিসা বিসিকনীয় হিনখাই
তে-ব' তরীই থাংগানী নায়ীই তঙগীরাদি ।

(মতিয়া বাই কিতঙ বাঁসাজীক-ন' লপলাইঅ)

মতিয়া :
দিঙদিঙ বাঁচাই হিমীই তঙখা আনি সাজীকমা ।
তরীই লর্গীই সিকীলা সর্গীই পুসি-সিনাই
চাঙন' চিনি সাজীক-মা ।
হিমদি তে-ব' হিমদি হিমদি তে-ব' হিমদি
দাকতি দাকতি হিমদি, হিমদি হিমদি হিমদি ।

কিতঙ :
দিঙদিঙ বাঁচাই হিমীই তঙখা আনি সাজীকমা
তরীই লর্গীই সিকীলা সর্গীই সংর্গীই চারিনাই
চাঙন' চিনি সাজীকমা ।

মতিয়া :
য়াফা খরবদি দাউঙ দাউঙ
খিচিলাঙ তামদি দাউঙ দাউঙ
খরক জাংগেরে হিনীই ফুনুকদি
খিচিলাঙ দাউঙ দাউঙ
খিচিলাঙ দাউঙ দাউঙ ।

কিতঙ :
বইলে বইতেয়া হিমব' মানতেয়া
জেথানি থাংখাই রীকথারীই থাংখা হালে হানতকয়া

কুরমা নুগাঁই কিরি কেনজুয়া নুগাঁই কিরি
আ-ব' উরানী সিকিরিজাক খাই
খাইচি-গ' গিরি-গিরি ।
বুফা বীসা-ন' কাগয়া বীসা বুফা-ন' কাগ'
তরীই লগাঁই থাংগাঁই মানখা খাই তাআংদি তিরি-তিরি
মাতিঙ নীঙলে তাআংদি তিরি-তিরি ।

মতিয়া

:

বীসা হাই কাহাম কীরীই বীসা হাই নায়থক কীরীই
বুইনি হাময়া আনি নাহায়া কক-ন' সানা কীরীই
ককন' সানা কীরীই ।

বুমা কীরীই-ব' আংয়া বুফা কীরীই-ব' আংয়া
বুমা বাই বুফা কীরীই হিনখা খাই চিনি বীসাক-সে কীরীই
ফায়দি ফায়দি, ফায়ীই খুরিঅ আচুক-ফায়দি ।
তা কইদি বামজাক ফায়দি দুদু-ন' চাফায়সিদি
নীঙলে দুদু-ন' চাফায়সিদি ।

কিতঙ

:

দিঙ-দিঙ বীচাই হিমীই তঙখা আনি সাজীকমা
তরীই লগাঁই সিকীলা সগাঁই পুসি-সিনাই
চাঙন' চিনি সাজীকমা ।

কিতঙ, মতিয়া, খুমতয়া থাংখা ।

চউদিরি, বুদিনি ফায়খা ।

বুদিনি

: বা, বা, চিনি আয়ুঙ বেদঙনি বিহিকরগ বাই চিনি
আয়ুঙ কিতঙসানি বিহিকরগ-সঙবা বীসা
কুবুঙ-সে আংবাইয়ানী বীলা । যাং বেদঙসানি-ব'
চীলা মাং মাংনীয় আংগাঁই থাংখা । আয়াং
কিতঙ-সানি-ব' বীরীই মাং মাংনীয় আংগাঁই
থাংখা । বেদঙ-সানি বিহিকরগ-ব' চীলা মাং
আচাইঅ কিতঙ-সানি বিহিকরগ-নি-ব' বীরীই মাং

- আচাইঅ। উলব'দে চীলা বানাইমা-সঙ চীলা-ন' বা-ন', বীরাই বানাইমা-সঙ বীরাই দে বাবাই-ন' তা-ম' হিনাই সানানি।
- চউদিরি** : আব-ন' কাহাম বীরাইনি বুমা বাই বুফা হিনখাই বাসা বীরাই-ন কাইয়াই রিহরবাইখা হিনখাই ন-গ' বুখুকনীয় খায়াই তঙনানি, তাই চীলানি বুমা বাই বুফা হিনখাই হামজীক-সঙ বাই তঙনানি আব-ন' চিনি রাইদা।
- বুদিনি** : আব'লে চীলা সিমি খাইব' চায়া কীলাইঅ তাই বীরাই সিমি খাই-ব' চায়া কীলাইঅ। বাসা হিনখাই চীলা বাই বীরাই বাই-ন' আংনানি, বাসাইনি ফায়সিঙব' তঙনানি বিহিকনি ফায়সিঙ-ব' তঙনানি নাঙগ'।
- চউদিরি** : আ-ব' নিনি ককতাই দেবা চীলা বাই বীরাই বাই আংনানি ?

চউদিরি, বুদিনি থাংখা।
কহইতি, গদাঙ ফায়খা।

- কহইতি** : পা, পা, পা, তাবুকলে তঙগাঁই মানলিয়া, আগিঅ চিনি বুসুক মাসাফা-ন' কীরাই ফুরখাই বুসুক-ন' নায়নানি মুচুঙগ', তাবুক খাই চিনি বুসুকরগ খরকদকসে আংগাঁই থাংখা চীলারগ মাং।
- গদাঙ** : হামখা বেলে চিনি বুসুক-সঙ খরকদক আংমানি।
- কহইতি** : চিনি বুসুক-সঙনি মুঙ তাম' তাম' সে আংখামন আঙলে পগাঁই-সে থাংখা বেলে আসীক কাঁবাঙনি মুঙ দে মানসুকসি, আঙলে পকফীলাই বীরাইবা।

- গদাঙ** :
- ১) জতনি অকীরানি মুঙ খাই আংখা, চকবীরা।
 - ২) বিনি সীলাই কুসুনি মুঙ খাই আংখা, বিসাকেতু।

- ৩) বিনি সীলাই কুসুনি মুঙ খাই আংখা, জেতুঙ।
 ৪) বিনি সীলাই কুসুনি মুঙ খাই আংখা, আসঙ।
 ৫) বিনি সীলাই কুসুনি মুঙ খাই আংখা, সীরাপসা।
 ৬) বিনি সীলাই কুসুনি মুঙ খাই আংখা, বাদারাই।

- কহইতি** : আবতাই মুঙরগন'দে তাই মুয়তু নারীগাই মানসি আসীক মুঙ গিলা-ন' তাই কিসা ততর বাই খাই-ন' কাইয়্যাই খিবি রিবাইথুন, তাবুকন' অকীরা বাই বিনি কুসু-ন' হিনখাই কাইনানিসে অজন আংগাই তঙখা।
- গদাঙ** : আকন কাইয়ানীতা হি-ন' তামসীক দয়্যাই তঙখা সীলাই নীঙবা।
- কহইতি** : কাই-খাই কাইয়্যাই খিবয়াখাই তাম' খাইনানি বাঁচালীই নারীকনানি মুচুঙগাই তঙখা সীলাই নীঙ।

কহইতি, গদাঙ থাংখা।

চিলঙতি, মাগীরাই ফায়খা।

- মাগীরাই** : নিনি খাই লগি-সঙ গিলামা খায়্যাই বাংখা, আনি লগি-সঙ খাই মাসা-ফা-ন কীরাই নিনি লগিসঙ খাই নাহারদি বাংমানি, নীঙ বাই খরকসিনি আংগাই তঙখা। নরগন'দে আঙ তাই পাইসি।
- চিলঙতি** : তঙদি নীঙ সাইচুং, তাবুক চীঙ বেলে গিলা, নীঙ বেলে সাইচুং।
- মাগীরাই** : আব'লে আঙ সাইচুং হিন-ব' উনায়া, তকমাসা হিনব' সাইচুং চানাই, আ মাসা-ন' হিন-ব' সাইচুং-ন' চানাই, নরগনি খাই গিলামা নাঙগ' আনি খাই মাসা খাই-ন' আংগ'।
- চিলঙতি** : কুবুই-ন' চিনি বুষুক খরকদকনি মুঙ তাম' আংবাইখামন, আঙলে জতনি মুঙনন' মানলিয়া, আ-ন' কিসা নিনি নুষুক-সঙনি মুঙন' সায়্যাই খীনারিদি-বা।

মাগীরাই

:

- ১) জতনি অকীরানি মুঙ হিনখাই, খুমতায়।
- ২) বিনি সীলাই কুসনি মুঙ হিনখাই, বুইসতি।
- ৩) বিনি সীলাই কুসনি মুঙ হিনখাই, জেসাতি।
- ৪) বিনি সীলাই কুসনি মুঙ হিনখাই, আসাতি।
- ৫) বিনি সীলাই কুসনি মুঙ হিনখাই, হাউনতি।
- ৬) বিনি সীলাই কুসনি মুঙ হিনখাই, বাদুতি।

চিলঙতি

: আবতাই মুঙরগন'দে আঙ তাই মুয়তু মালাং-সি, আসীক মুঙ গিলা-ন'। তাই কিসা ততর বাই খাই কাইয়াই রিহরবাইদি জানি জানি বাসাইনি ন-গ'। অকীরা বাই নি সীলাই কুসু-ন' খাই চামারি তিসায়াই কাইয়াই-সে মানখাতা। খালি- রগ হিনখাই কাইয়াই-সে মানখাতা।

মাগীরাই

: আকন কাইয়ানীতা হি-ন' ব বর' যগীই থানানি, নীঙবা তামসীক কাইনানি মুচুঙ তঙখা সীলাই।

চিলঙতি

: কাইখাই কাইয়াই খিবিনানিয়া দেবা, ব-ন' নারীগীই তনিয়াই তা-ম' খাইনানিবা অসই কসই।

চিলঙতি, মাগীরাই থাংখা।

বেদঙ, চাকতি ফায়খা।

চাকতি

: ফায়দি তাকীলাই বসর আইখাই অকীরাসা-ন' কাইয়াই খিবানী। ফায়দি অকীরা-ন' কাইয়াই হামজীক খরকসা নাহারীই খিবগীরানার্থী, আঙব' মাই-মুই-ন' সংগীই চারিনানি হিনখাই বেজুউ আংজাকখা আঙ সাইচুং আংগীই। আব'বাই-ন' আনি লগিঅ তাই খরকসা বীরীই নাঙগীই তঙখা-তা। ফায়দি খালিখাই কাইয়াই-ন' খিবানী।

বেদঙ

: কাইনানি-ত' কাইনানি-ন' অসই- কসই-ত' কাইয়াই মানয়া বেলে, আঙব' সায়াই মা-ন' নীঙ

- সংনানি সুকনানি বেজুটা আংগাঁই তঙখা হিনাঁই ।
বীরাঁই-ব' নায়তুগাঁই নায়লাইনানি নাঙগানাঁ
বেলে ।
- চাকতি** : বীরাঁই বা নক গানান-ন' তঙ বেলে, আঙ খাই
আর-ন' কাইনানি হিনাঁই নায়-নুগই-সে তনিখা ।
বীরাঁই-ব' হাময়া আংয়া তা-ব' তাঙনাই তী-ব ।
তীইনাই, আঙলে বীখা বিসিঙগ' অ
বীরাঁই-মা-নন' হামজাগাঁই তঙখা ।
- বেদঙ** : ব বীরাঁই-মা আ-ব' সাবনি বীসাবা আংখা নীঙ
সামানি-বা, আঙব' আবতীই বীরাঁই-নন' নায়তুগাঁই
তঙগ', সা-ব' আব' ব বীরাঁই সাবনি বীসাবা আংখা ।
- চাকতি** : ইক' নিয়াদে চিনি কামিঙনি নীঙ বাই বাগসা
কাইজাকনাই দাদা কিতঙনি বীসাজীক খুমতয়া
বাই । নক কায়সা নকফা-ন' কাইলাই খিবানী তা ।
- বেদঙ** : আউ আঙব' নীঙ হাই খাইন' বীখাঅ উনসুগাঁই
তঙতা দা কিতঙনি বীসাজীক খুমতয়া বাই-ন'
কাইয়াই খিবানী হিনাঁই । আঙব' নীঙ হাই-ন' অ
বীরাঁই মা-ন' নায়াঁই তনিখা ব বাই আনি
অকীরা-সা চকবীরা বাই কাইয়াই খিবমানি হামানী
হিনাঁই ।
- চাকতি** : কাইনানি হিনখাই অ খুমতয়া-মা বাই-ন' কাইদি ।
- বেদঙ** : নীঙ বাইত' আঙ বীসা-ন' কাইনানি হিনাঁই কক-ন'
সালাইখা । অ বীরাঁইমানি বুমা বাই বুফা-বা তা-ম'
হি-ন তা-ম' হিনাঁই সানানি, কাইনানি দে হিন-ন'
কাইয়া দে হিন-ন', দ কক হরীই নায়গীরানাখুতা
উল' সালাই মানলাইয়ানী । তাবুক তা-ম' হিনাঁই
সানানি ।

বেদঙ, চাকতি থাংখা ।

কিতঙ, মতিয়া ফায়খা ।

- কিতঙ : নীঙ আনি গানাঅ ফায়গীরাডি আঙ কিসা কিসা অখলাই চায়ীই খি সল সল খিয়ীই তঙখা ।
- মতিয়া : হাই তা-ম' আ-ব' তঙমা চামা-বা আবতীই আংগীই থাংখা সীলাই । আ-ব' তা-ম' খায়ীই হামনানি আংখা সীলাই, অ কীপাল ম তা-ম' খাই হামনানি ।
- কিতঙ : নীঙ বিথিরগ দে মান-মুন, মানখাই-বা আ-ন' কিসা তুবীই চারিফায়দি, থানদি দদি বিথি-ন' চায়া খাই আঙ ম তাই হামলিয়া, থানদি দদি থাংগীই দাকতি ফায়দি । মাতিঙ-সঙব' ন-গ' কীরীই গীজা, হগ' থাংবাইঅ, বরগ তাবুক তাই সকফায়য়া সাইরিক-য়াখাই, আসীকলে মাই দুফুঙ নাঙগীই কাইলাই তঙখীনা । ম বা আঙ সাইচুং তাবুক তা-ম' খাইনানি আংখা ।

কিতঙ, মতিয়া থাংখা ।

খুমতয়া, বুইসতি-সঙ বুখুকদক ফায়খা ।

- খুমতয়া : মীনাই-সঙ তিনি চাঙ বুখুক-দক ফায়বীলা, তিনি চাঙ মজ-ম' জাগা-ন' মাই কাইলাই থাংলাইয়ীই মাননাই । কাইখাই কাইয়ীই দাকতি-ন' ন-গ' থাংগীই তঙমানি হা-ম', বুইসাখ তালনি সাতুঙ-ন' কাতেনানি বাগীই, তাই বিসি খাই নাঙগীলাকখা, মীতীই খাই মাই-ন' মা কাইলাইখাই বিসি নাঙনিয়া, ফুঙসাই-ন' কাইলায়ীই খিবাই মাননাই ।
- বুইসতি : আউ বায় কতর মীতীই খায়ীই-মাং কানি-ন' চাঙ বুখুক-দক মাই-ন' মা কাইলাইখাই বীসীক নাঙনানি, ব ফুঙসাই-ন' মাইবা কায়ীই খিববাইয়ানী, কাইবাই আকন বাইয়ীই হিনখাই উ-ল' ন-গ' কীসায়ীই কীচাঙ খায়ীই ন-গ'

আচুকলাই তঙলাই-নানিসে, ম বুইসাখ তালনি
সাতুঙন' নাহাৰাই। বায় কতৰ নীঙলে জতনি
অকীৰা বৰক-বা নীঙ থাইসা বীচাবাই
মা-খীনারিনাই চীঙন'।

(জত-ন' মা বীচাব নাই বায় কতৰ হিনাই
সাবাইখা)।

খুমতয়া : বীচাবখা।

হাতীঙ চলঙনি সীতাই ফুইনানি
তঙগ' আবনি কেৰেম।
নীঙ বাইলে আঙ বাই সীতাই কাইমানি
আচাইখা বেৰেম বেৰেম।
অ রাঙচাক বা মানদাই বীলাইতাই হিমলাই থাংমানি
কাফিকখা সেৰেম সেৰেম
তঙগ' আবনি কেৰেম।
অ জুগিতি কীনীয়ন'বা হনতা বাই মেথি মীনাই বাই কাইমা
কাইমালে পাইৰেম পাইৰেম
তঙগ' আবনি কেৰেম।
গঙগাজলিয়া ডাসা আনিলে নীঙ কায়সা
তীয়' বীচায়াই সীমাই-ন' তাঙমানি
আব-ব' তঙগ' কেৰেম।
হাতীঙ চলঙনি সীতাই ফুইনানি
তঙগ' আবনি কেৰেম
কেৰেম দে কেৰেম, নীঙ বাই জুগিতি কেৰেম
খাবাই খা মিলিয়া হিনখাই।
থাংনাই সেৰেম।

জত-ন' য়াফা খৰপলাইখা, হিনলাইখা, চিনি বায়
কতৰ ককখাইবা বৰঅ মানখা, খৰাঙব' তা-ম' খাই
কাহাম বা আংখা। আসীক নিনি ম হাই ককখাইবা

বরঅ মানখা, খরাঙব'তা-ম' খাই কাহাম বা আংখা ।
আসীক নিনি ম হাই ককথাই-ন' কেব' কারেয়াই
তিখিলায়াই মানয়াখী বায় কতরলে মানখা ।

- খুমতয়া : রীচামুঙনি ককথাইবা তা-ম' নিজিনি থানিসে,
খরাঙ হাময়াফা-ন' আংগ' ককথাই খাই
তিখিলায়াই মা-ন' ।
- বুইসতি : বায় কতর খীনা তাই উইসা মাই কাইনানি হিনাই
ফায়লাই-খাই তাই উইসা নন-ন' রীচাবরিনানি ।

খুমতয়া, বুইসতি-সঙ বুখকদক থাংবাইখা ।
কিতঙ, মতিয়া, ফায়খা ।

- কিতঙ : অমা, অমা, অমা, আঙ তাই বানচেলিয়া, থিমানি
কীপামানি বাই আংগীই থাংখা, সাল হাপনানি
তাবুক দে, আঙ তাই আনি সাজীকমা-সঙনি
মীখাঙ-ন' নুকলিয়া, অ সাজীকমা-সঙ আঙ তাই
নরগনি মীখাঙ-ন' নুকলিয়া, নুকয়াই-ন' আঙ দম
লাইয়াই খানাই ।
- মতিয়া : আবতাই কক-ন' নীঙ তাসাদি হিনমায়া সামায়া
কক-ন' । থীয়য়া নীঙ ব-র' থীয়নানি তাবুক
তাঙগীই-ন' চায়াখ' সংগীই-ন' নীঙয়া-খ' ।
- কিতঙ : নীঙ জেসাফা-ন' সাদি নীঙ তাই আ-ন' নারীগীই
মানলিয়া । আঙ থীয়াই থাংলাংব' নীঙ তা কাপদি ।
নীঙব' উইসালে আঙ হাই-ন' থীয়নাই, আঙ
কীরীইফা-ন' নীসা-জীকসঙ তঙগ', নীঙ আনি
সাজীকমাসঙন' কাহাম খাই-ন' কাইয়াই রিবাইদি
উনামা কীরীই চিনতামা কীরীই খায়াই । নীঙ আনি
সীলাই উল' হামাই চায়াই তঙদি (হিনাই আকনাই
দম লিকসা লায়াই থাংখা ।)

মতিয়া : অ রাঙচাকবা নীঙ আ-ন' বাহাই খিবিয়াই থাংখা ।
নন' আঙ তাই ব-র' নুকসিনানি অ রাঙচাক তাই
বর' নুকসিনানি । (মতিয়া কা-ব' রাঙচাকবা,
রাঙচাকবা রাঙচাকবা, রাঙচাকবা, আঙলে তাই
ব-র' নুকসিনানি নন' হিনাই)

নীঙলে জাননি বুফাবা, কীপা-ল' তঙগাঁই
আঙ বাই মালায়ীই তঙখাবা ।
নন' কাগাঁইলে বাহাই খাই আঙলে তঙনাই
নীঙলে জাননি জানবা, ননলে সাই সঙগাঁই
নীঙ বাইলে তঙখাবা ।
নন'লে কাগাঁই সাইচুংল বাহাই তঙনাই
সাইনিলে নীঙ সাইবা জ-র' খাই তঙগাঁই
জুগিতি আংলাই-খাবা,
ননলে বরঅ নুকনাই ।
খানিলে খাচুকসা নীঙবাইলে কীনীয়
আঙ বাই তঙখাবা,
নন'লে নুকয়ীই বাহাই খাই আঙলে তঙনাই ।
মা-ফালে খুম বারসা য়াফারীই রিখাবা, নীঙ বাইলে তঙগাঁই
নন'সাই হিনাই সঙগাঁইলে তঙখাবা,
আঙলে ইমাঙগ' নন' মাং নুগাঁই তঙনাই ।
খুমনিলে বিসিঙগ' খুম নায়থক নীঙবা, নন'লে রিঅ খলীই
নায়থকনি বিসিঙ নীঙলে নায়থকবা
নীঙ থীয়খা খিঅ কীপাঅ আংগাঁই ।

খুমতয়া, বুইসতি-সঙ বুখুকদক ফায়বাইখা ।

খুমতয়া : অ মা নীঙ তামঙগাঁই কাবাই মাতঙ সীলাই, বা
তামঙ-বা মা সাদি ।

মায়তি : নীফা সীরাপসানি বিসিঙগ'-ন' খিঅ কীপাঅ
আংগাঁই থীয়ই থাংখা সাচীলাবাইসে মারীকলিয়া

- বিধি সুদু-ন' খলোই চারি-সীলাবোই মারীকলিয়া,
নরগ হু-গ' মাই কাইলাই তঙগোই তঙমানি-ব'
থাংগোই কীচারনাই কীরাইখা।
- খুমতয়া : দ আংখা মা তাবুক তাকাপদিখু, উ-ল'
কাপলাইয়ানী, তাবুক কামিঙনি বররগ-নসে মা
কীচার-গারীনাই।
- বুইসতি : আঙ তাবুক-ন' থাংগোই কামিঙনি বরগ-রগন' বা
থায়োই থাংখা হিনোই কীচারোই
রিয়োই-বাইগীরানাখু, আঙ থাংখা।

মায়াতি, খুমতয়া, বুইসতি-সঙ থাংবাইখা।
কামিঙনি বরক-রগ ফায়বাইখা।

- চউদিরি : নরগ জত-ন' কাহাম খাই য়াপিরি কাইচমোই
তঙলাইদি, মীতাই কুতুঙ কীসা কামিঙ সিদি-ন'
নাঙগোই থাংগ', হিমলাইদি তাবুক বরক সকমানি
জাগা সিমালীঙগ' তীলাংলায়োই কাসত'
খীলায়োই-গীরানা, (আবতাই খাই হিনলায়োই
কিতঙ-ন' সিমালীঙগ' তীলাংগোই কাস-ত'
খীলালায়োই খিবলাই কামিঙনি বরক-রগ জত-ন'
থাংগোই, জে চিনি জাতি-গুসতিনি রাইদাঅ জে
তঙমানি তীই-খাই। উ-ল' ফায়য়োই দাঙগোইমা
দাঙগোইফা সায়োই কীলাং মানি রাইদা তীই খাই
হরসিনি-নি মাই খীলাই-ন' রিয়োই পাইলাই খিবখা।)

কামিঙনি বরক-রগ থাংবাইখা।
বদরমনি কামিঙনি ককতীমা ফায়খা।

অ বদরমনি কামিঙগ' হিনখাই কিতঙ মাঙতাই
মানজাগোই খিঅ কীপায়ো ই খাই থায়োই থাংমানি

উ-ল' হিনখাইন' তাঁরীক তাঁরীক খাই থায়লায়্যাই
 তঙখা । বদরমনি কামিঙ বরক-রগ নক বুরুম-বুরুম
 খায়্যাই থায়লাই তঙবাইখা কুতুঙকীসা নাঙগাঁই । অ
 বদরমনি কামিঙনি সিমালীঙগ' হর হিনাই
 থায়নানি-সে নাঙলিয়া, সমানই-ন' কীথায়নি
 কাসত' মাং-সে খাইলাই মা তঙসিঅ সমানে-ন' ।
 কিতঙনি বীসাজীকসঙব' সিকিলা মাং খরকদক দীসা
 থায়্যাই থাংবাইখা মতিয়া সাইচুঙন' চকচক আংগাঁই
 তঙরীগাঁই থাংসিঅ, তাই গদাঙনি বীসীলা বেদঙ-ব'
 অ কুতুঙ-কীসানি মাঙতাই মানাই-ন' থায়্যাই থাঙগ',
 বেদঙনি বিহিক চাকতি খাই বীসীলা খরকদক-ন'
 তাঁয়্যাই কুবুনি জাগাঅ খারাই থাংগাঁই বরগ খাই
 বানচেবাইখা । আফুরু হিনখাই অ বদরমনি কামিঙ
 আসীক তঙথ'থক আংগাঁই তঙমানি জত-ন'
 সিতরক-পিতরক-জাকতাই আংগাঁই থাংবাইখাতা ।
 উল'খাই অ বদরমনি কামিঙ বরক কীরাই আংগাঁই
 থাংখা হিনতা । অ বদরমনি কামিঙগ' জে বানচেয়্যাই
 তঙনাইরগ-ব' কাপলাইমানি-ব' সাল বুরুম-বুরুম
 জগা লুলাইতাই আংগাঁই তঙজাবাইখা হিনতা ।
 বাগসানিবা বীসী-বীতাই থায়খা বাগসানিবা বীসাই
 থায়খা, বাগসানিবা বুমা বাই বুফা থায়খা, বাগসাবা
 নকসুদদা থায়খা, আবতাই অংলাইয়্যাই
 থাংজাবাইখা হিনতা । অ বদরমনি কামিঙনি
 বরক-রগ তাই চাবলাই মানলাইলিয়াফন ।

বদরমনি কামিঙনি ককতীমা পাইখা ।
 চাকতি, চকবীরা বিসাকেতু-সঙ ফায়খা ।

চাকতি

: থানদি বাবু-সঙ নীফা-ত' থায়্যাই থাংখা, নীফা
 থায়্যাই থাংফা-ন' চীঙ চায়্যাই তঙগাঁই

মানগীলাক, থানদি বাবু-সঙ নরগ হুক-ন' হর্গাইলাইদি তাবুক, আঙন তাল পাইয়ীই থাংখা হুক হকনানি জরা আংগীই তঙখা, নরগ তাখুকদক হুক-ন' হকখাই চীঙ আহাই-ন' মাই-ন' চাবাইয়া আংগীই থানাই, থানদি বাবু-সঙ খীনানি সিমি-ন' হুক-ন' হকনানি খীলাই-বাইদি।

- চকবীরা** : মা চীঙ খাই হুক হকনানি নায়ীই তঙখা। সেমা-তেমা-ব' কাহাম-ন' পাত কায়ীই নায়মানি ম-ন' হুক চাখাই কাহাম দে আংন' হিনীই পাত-ব' চায়ীই বলব-মীথাল আংগ' অ চীঙ নায়মানি হাপুঙ-নন' হুক হর্গাইমানি চাঅ।
- চাকতি** : থানদি আর'-ন' হর্গীই দি নরগ নায়মানি জাগাঅ-ন'।
- বিসাকেতু** : খীনানি সিমি-ন' থানানিতা মা। আঙন তালসা হকখাই-ন' হকবাইয়ানী, হকবাই-খাই কীচাঙ কীচাঙ খাই ন-গ' তঙফায়নানিসে।
- চকবীরা** : চীঙ তাখুক-দক দীসা মা হকলাইখাই-দা আংখাই তালসাসে নাঙনিয়া ফুঙসাই-ন' মিথিঙগীই খিবাই মানানী।

চাকতি, চকবীরা, বিসাকেতু-সঙ থাংখা।
চউদিরি, বুদিনি ফায়খা।

- বুদিনি** : মা, মা, মা, চিনি বদরমনি কামিঙন'বা বাসীক উর পাতেমানি হাই উর পাতেলাইখা ম কুতুঙ-কীসা হিনীই ফায়মানি-বা থীয়লাইয়ানি নক হিনীই কীসে কীরীইখা বেলে। তাবুকসে কীসা দমন আংসিঅ, আসীক বরক কাহাম কাহাম জত-ন' থায়ীই থাংবাইজাখা, কু ফু তি, গমাঙ, চিলঙতি, মাগীরাই-সঙ কায়সাফা-ন' কীরীইখা। উ মাঙতাই

- বেমার আবতাই খায়ীই মান দ, তা-ম' সানানি ককতীমান'বা আব' আব' দে কম অীংলায়ীই তঙসি সায়ীই মানলিয়া, কামিঙ সুদদা উর নাঙলায়ীই তঙলাইখা।
- চউদিরি** : আব'রগ সিমি দে খায়ীই তঙসি, কিতঙসা-সঙ নগর-সীদা বিহিক সিমি-ন' সাইচুঙ খরকসা বানচেজাসিঅ। বেদঙসা-ব' তাই বুফাসঙব' খীয়খা তাই বেদঙসানি বিহিকরগ বীসারগ তাখুকদক বাহাই-ব' বানচে জাবাইখা' আঙ সুদু-ন' কিসা কিসা খীয়ীই থাংখা, উল'খাই আঙব' আসা কীরীই অীংগীই থাংখা বাহাইখাই-ব' আঙ বানচেখা।
- বুদিনি** : অীংখা তাবুক জে বদরমনি কামিঙগ' বানচেয়ীই তঙনাইরগ তাই তাউনাবাইসিথুন, তাবুক চাঙ তাই উইসা খীচা খায়ীই কীথালয়ীই তাঙগীই-তীয়ীই চালানানি উনা কীরীই চিনতা কীরীই খায়ীই।
- চউদিরি** : নীঙ আহাই হিনীই সাফা-ন' জে খীয়ীই থানাইরগ-ন' খাইচিঙ খাইচিঙ অীংগ' কালি-ন' তঙগীই চায়ীই তঙলাইমানি বরক-রগ বেলে।

চউদিরি, বুদিনি থাংখা।

চাকতি, চকবীরা, বিসাকেতু ফায়খা।

- চকবীরা** : মা চুইতর তাল ফায়খাবা চাঙ হুক সগীই রিয়ীইখা। নীঙ খীনাঅ চিনি লগিঅ হিমদি, বানতা খুনজুরপুই বীচালীই তাইয়ীই হাতা-ল' পিননানি বাগীই। হুক হিনখাই সাব খায়ীইন' খামখীনা।
- বিসাকেতু** : চাঙ অ হুক হকমানি জাগা বলঙ হাকীরা চাসুগীই তঙখা, আ-র' তাকী-লাই মাই-খুল সিপিঙ রিয়ীই নায়দি, তা-ম' বুবতীই খাই হাম-ন', কাইয়ীই নায়-নাবা মাই-খুল।

চাকতি	: নরগ হুক হকমানি বীসীক হাকচাল বাবু?
চকবীরা	: বিসি চালয়া চালমানি খাই, কুসু সামপা-ন'।
বিসাকেতু	: ই কেলে হাপুঙ থাইনীয় বারখাই-ন'তা।
চাকতি	: আঙ থানাই নরগ আ-ন' তইয়ঁই হিমদি।

চাকতি, চকবীরা, বিসাকেতু থাংখা।
মতিয়া ফায়খা।

মতিয়া : কাব'।

সাইব' কীরাইখা সা-ব' কীবাইখা
আনি তালিখা তাম-ব' আংখা
বীসীক আঙ অরনদি নাঙখা।
কীরাজীক কীরাইখা কীরা কীরাইখা।
আঙ বা তা-ম' খাই তঙখা
আনি রাঙচাকবা বিয়াংব' থাংখা।
তঙথাই কীরাইখা, হুক-থাই কীরাইখা
আঙবা বর-ব' তঙখা
সাজীক-সঙ বিয়াং-ব' থাংখা।
খালিচা নাঙনাই কুতুঙ বাই কীসা
নিনি তালুকা কাসা
আঙ বাই মালাই নায়গীরাদি উইসা,
আনি সাজীকলে খরকদক দীসা,
নন' নুকখাই-ন' বুখামন ফুঙসা।
খানি আউ-স' পাইরি রিখামন কিসা
নৌঙসে ফীনাঙনাই আনলে দসা।
আনলে তীলাং থাংখাই আংখামন কিসা
ননলে নায়-য়ানী ফানসা।
বদর কামিঙগ' নৌঙ ব-র' ফায়সা
তীলাংগাই থাংখা নৌঙ আনি বীসা
নরগন' তই ব-র' নুক-ন' কিসা।

আঙ তাই বীসীক কাপসিনানি সাইন' দে
কাপ-ন' সান'দে কাপ-ন' মা-ফান' দে, কীরাজীক
কীরান'দে কাপ-ন', তাই আনি গুসতি-গারান'দে
কাপ-ন' আঙব' তাই কাপলিয়া, কাব্বাই তাম' খাই-
সিনানি-বা।

মতিয়া থাংখা।

চকবীরা, বিসাকেতু, জেতুঙ ফায়খা।

- বিসাকেতু : দাদা কতর, নীঙ চিনি ছকনি গাইরিঙ সাক
কুসুঙনীয় তাঙমানি নায়থক-সীকখা বেলে। আঙ
হাকচাল তঙতীতাই নাহারাই নায়মানি কুকুবুই খাই
নায়থকসুকখা বেলে, হিমদি দাদা কতর চীঙ ছক
তাঙমানি লেংসুগাই তঙখা বেলে। আসীক
সাতুঙগ' ফায়দি দাদা কতর গাইরিঙগ' থাংগাই
সীরাপসা লেলা-লাইয়ানী।
- জেতুঙ : আউ দাদা কতর, সীরাপসা মান'মা লেললাই-নাই
চীঙ কলমমানি তিকিলিয়া।
- চকবীরা : হিমবাইদি খাই সীরাপসা থাংগাই লেললায়াই
ফায়লায়ইয়ানী। তাবুক লেলামানি বদলা তাই
কিসা সাল হাপ-তীতাই খায়াই থাংলাইয়ানীতা,
দ হিমবাইদি খাই তাবুক।
- বিসাকেতু : আউ তাবুক-সে বীসাক তেলেকার আংসি-দ,
গাইরিঙ সাকাঅ কায়াই নকবার সিব-সিব আং
তঙগাই।
- জেতুঙ : দাদা কতর, নীঙলে জতনি সীলাই অকীরা বা
থাইসা রীচাবাই খীনারিদি, খীনাথক নায়াই
রীচাবদি।
- চকবীরা : রীচা-ব'।

মায়লে বাবু-সঙ চাঁঙন' পুসিমা যাগুলদে সুলাং মানন'
 অ চাঁঙলে যাগুল দে সুলাং মান-ন'।
 আবুক লে থাই-সিনি বীলাম লামসিনি চারিয়াই তুবুমানি
 চাঁঙলে যাগুল দে সুলাং মান-ন'।
 অ মান'বা মান'বা যাগুল দে সুলাং মান-ন' অ নন'বা
 যাগুল দে সুলাং মান-ন'।
 মায়লে বাবু-সঙ চাঁঙন' পুসিমা যাগুল দে সুলাং মান-ন'
 চুঙলে যাগুল দে সুলাং মান-ন'
 অ মাফানি যাগুল দে সুলাং মান-ন'
 চায়ালে কারাই চারিয়াই তুবুমানি নীঙয়া কারাই খানি তুবুই ফায়মানি
 চাঁঙন' পুসিমানি বীসীকলে মেন-ত নাঙনা।
 চাঁঙ হাময়া কীলাই লুমাই তঙফুর বীসীকলে মাথুয়া আংনা
 কিসিঅ থুয়াই কীরান' মুথুয়াই চাঁঙন' তুবুমানি অ যাগুল দে সুলাং মান-ন'
 অ যাগুল দে সুলাং মান-ন'।
 উইসা ফিকুঙগ' উইসা খাকীলা-ব' বামাই তঙফুর বীসীক থীয়নানি কিরিখীনা
 উইসেক উইরেঙ খাই কক-ন' সাফুর বীসীক-সে নায়থক-জাকনা,
 ববেনি হাতিঅ মাসঙ পুসিমা যাগুল দে সুলাং মান-ন',
 বাবুলে বাগবা মায়' বাগসিনি উানসুকলাই থাংলাই দে মান-ন'
 অ যাগুল দে সুলাং মান-ন'।
 মায়লে বাবু-সঙ চাঁঙন' পুসিমা যাগুল দে সুলাং মান-ন',
 অ চাঁঙ লে যাগুল দে সুলাং মান-ন'।

- বিসাকেতু** : দাদা কতর, নীঙ ম ককথাই-ন' রীচাবমানি হাই ম
 হাই কক কাহাম তাই কীরাই বুই ম কক-ন'
 উান-সুকয়াফান' উানসুর্গাই-ন' থানাই চাঁঙ।
- জেতুঙ** : আঙব' উানসুর্গাই-ন' থানাই আব'সে চিনি বা
 কীরাই-খাতা। মা সাইচুং-সে তঙসিঅ, বা তঙখাই
 আংখামনতা।
- চকবীরা** : মা, বা-ন' মুয়তু খাইনানি দে মা, বা তঙনানি
 নাঙবা, মা বাই বা কীরাইফা-ন' খায়াই মান বেলে
 মুয়তু।

চকবীরা, কিসাকেতু, জেতুঙ থাংখা।

মীসাত্তি, গাথুরি ফায়খা।

- গাথুরি : বাচাই, বেদঙনি বীসীলা চকবীরা- সঙনিবা ছক
বাং বেলে। আঙ উসীকাঙগ' মুয়া ফায়নানি
থাংতাই নুকবুখা-তা।
- মীসাত্তি : আকন বরগ তাখুকদক ছক হকলাইমানি বেলে,
ছকবা বাংনানি-ন' তা, তামঙগীই বাংয়া আংনানি,
অ বুমা হিনখাই ন-গ' তঙতাই বরগনি বারিরগ
তাঙগীই তঙমানি নুকতা, বারি হিনব' মজম' তর
বেলে।
- গাথুরি : অ বুমা ন-গ' সাইচুং তা-ম' খাই তঙনানি-বা,
বারি-রগ তাঙগীই তঙয়া খাই? নকনি মাই-মুই
সংগ' বারি তাঙগ' আবতাই খাই তঙতা।

মীসাত্তি, গাথুরি থাংখা।

চাকতি তাই বীসীলা-সঙ তাখুক-দক ফায়খা।

- চকবীরা : মা চীঙ তিনি ছগ' থাংলায়ীই তাই কিসা তঙখ'
তাঙবাইনানি আব-ন' তাঙবাই পায়ীই দাকতি-ন'
নগ' ফায়লাইয়ানী। তিনি মাইচু তীলাংয়া
আব'বাই-ন'। ন-গ' ফায়ীই দিবরনি মাই-ন' নগ-ন'
চাফায়নানি, নীঙ দাকতি-ন' দিবরনি মাই-মুই-ন'
সংসগীই তঙসকদি, চীঙ হাবা কারীই ফায়খাই-ন'
তুকুই-মুসুই দিবরনি মাই-ন' চানানি। চীঙ তাবুক
ছগ' থাংগীই ছক তাঙগীই পাইলাই ফায়গীরানা।
চীঙ থাংখা-দ মা তাঙনানি।
- চাকতি : আউ থাংলাইদি, তাঙলাইয়ীই দাকতি-ন'
ফায়লাইদি, নরগ তাবুক ছক তাঙনানি থাংখাই
আঙ সীরাপসা বারি-ন' তাঙগীই নগ' ফায়ীই

মাই-মুই-ন' সং পাইনানি, আঙ ন-গ' সাইচুং তাম'
খাই তঙনানি-বা তাবুক।

চাকতি তাই বাঁসীলা-সঙ থাংখা।

চাকতি ফায়খা।

চাকতি

: আঙ বারি-ন' তাঙগাঁই-গীরানাখ', বারি-ন'
সীরাপসা তাঙগাঁই দাকতি ফায়গাঁই মাই-মুই সং
পাইনানি। আয়াং বেলে আনি বাঁসারগ দাকতি-ন'
হাবা কারাই ফায়বাইয়ানী। আনি বারি তাঙ-
বাই-নানি-ব' তাই বিসি নাঙগীলাক, খা তাই
সালসা সালনীয় খাই-ন' পাইয়ানী, আনি বারিনি
মগদাম সেমাননি সীলাই তাকীলাই বিসি হামখা।

(চাকতি মগদাম বারি তাঙতে তাঙতে তামনি
বিথি-ব' বারিঅ মানীই রিখা। কাহাম খাইয়গাঁই
জুইত খায়গাঁই নায়সিগাঁই নায়বা সিনিয়গাঁই রিখা,
তামলে হিনবা চিবুক হাসিকিরিনি বিথিসে। আফুরু
খাই চাকতি অ চিবুক হাসিকিরিনি বিথি-ন'
হামজাগাঁই খচায়গাঁই হিনখা ম চিবুক হাসিকিরিনি
বিথি-নন' দিব-র' চাখাই সংগাঁই রিনাই তাই
কুসতাম ন-গ' মুইকীখাঙ কারাই হিনাই অ চিবুক
হাসিকিরিনি বিথি-ন' নগ' তীলাংগাঁই চেখুক বাই
থাপীলানি চাখাই তলীই চাখাই সংগাঁই তনিখা।
দিব-র' বাঁসারগ ফায়খাই অ চিবুক হাসিকিরি
বিথিনি চাখাই-নন' চারিনানি হিনাই চাখাই-ন'
সংগাঁই তনিখা। বরগ লেঙজাগাঁই ফায়খাইন'
চাখাই মুই-নন' চারিনানি হিনাই)।

চাকতি থাংখা।

চাকতি তাই বাঁসীলা-সঙ ফায়খা।

চাকতি : নরগ ফায়বাইখা সাজীলাসঙ, হুক তাঙবাই দা ফায়লাইখা? নরগ তাবুক থানদি তুকুলায়ীই ফায়-লাইদি দিবরনি মাইরগ চানানি অীংগানী, ফায়দি বাগসা-ন' খায়ীই মাই-ন' চালাইদি, নরগ থাংগীই তুকুলাই ফায়ীইদি।

[চাকতিনি বীসারগ তুকনানি থাংগীই সীরাপসা তঙগীই তুকুয়াই ফায়লাইখা]

চকবীরা : থানদি খাই মা মাই খুরদি খাই বাগসা-ন' বাগসা খায়ীই-ন' চালাই পাইনানি, নীঙব' চাঙ বাই বাগসা মাচানাই মা।

[চাকতি মাই খুরীই বীসারগন' জতন' মাই-খীলাই রিহর-বাইয়ীই ব নিজি-ব' বীসারগনি গানাঅ খায়ীই আচুগীই মাই চালাইখা জ-ন' তীয় লুতা থাইসা থাইসা তীইয়ীই]।

জেতুঙ : ম তাম-ন' চাখীই মুই সংখা মা, মা চাখীই মুইবা কুকুবুই চারিয়ীই থকসীকখা বেলে, ম তামন'বা চাখীই সংখা মা। তা-ম' মানীই-ন'বা নীঙ চাখীই সংখা মীসীক কথক চাখীই আঙ আচাই-ফামানি মীচায়া-খ'।

বিসাকেতু : আউ থকসুখখা-ন', আঙ নিনি বহকনি আচাই-ফায়মানি মীতীই চাখীই কথক-ন' মীচায়া-খ'। ম তাম-ন'বা নীঙ চাখীই সংখা নীঙ সেই খাই সাদি মা তা-ম' মানীয়-বা ম আসীক কথক মানীয়।

চকবীরা : সাদি মা, মীতীই কথক মানীয় আঙব' মীচায়া-খ' ম তাম' মুই-ন'বা নীঙ' সংখা সাদি মা চাঙন' ম তাম-নবা চাখীই সংখা।

- চাকতি : আঙ জেসা মানীয়-ন' ফা-ন' চাখাই সংগাঁই চারিথুন নরগ চাখাই-ন' সে অীং বেলে। আঙ জেসাফা-ন' সংথুন চাবাইনা-বা নরগ। তাম' সীক কক বাংলাই, চাখা-ই-ন' অীং বেলে।
- চকবীরা : আবতীইয়া মা নীঙ মাসে মা সানাই ম তামনি চাখাই-ন' সংখাই চারি চীঙন'। দ মা চীঙন' কিসা সাদি তামনি চাখাই-ন' সংগাঁই চারি।
[জত-ন' হিনখা দ সাদি মা হিনীই।]
- চাকতি : নরগ ছক তাঙনানি হিনীই থাংবায়ীই আঙ মগদাম বারি-ন' তাঙখা, আ-র' আঙ চিবুক হাসিকিরিনি বিখি-ন' মানীই রিঅ, চিনি নগ' তাই মুই সংনানি কীরীই অীংমা বাই অ চিবুক হাসিকিরিনি বিখি মানমানি-নন' চাখাই সংগাঁই রিখাতা।
- চকবীরা : বা পারি চিবুক হাসিকিরিনি বিখিসে মীসীক খাই থকখাই বাহান-বা তেবসে বিসি কাহাম খাই থগানী। ফায়দি মীনাইসঙ অ চিবুক হাসি-কিরি-নন' বুথারীই তুবুই সংগাঁই চালাই ফায়মানি হা-ম'।
- চাকতি : অমা বাবু-সঙ, ব উইসা থিমানিসে আব' সীক কীবাং বীসাক খাই তা-ম' অীংগাঁই তঙখীনা, বীসাক খাই তরমানি নায়য়া-নুকয়া অীংগাঁই তঙখীনা বেলে। অ চিবুক হাসিকিরিন' দে নরগ বুথারীই মান? আব-ন' নরগ বুথারীই মানয়া জেতীই-মীতীই তা অীংলাই-তীরীঙ জাদি।
- চকবীরা : কুসতামফা-ন' অীংয়া মা' ব লে সাইচুং- সে চীঙ লে তাসে তাখুকদক অীংগ' ব দে চীঙন' পাইনানি জ-ন' ফুঙসাসে বুনানি জাগা কীরীই। চীঙ তাখুক-দক ফুঙদক খাই ফায়', আসীক বুনানি-সে নাঙয়াতা, চীঙ তাখুকনীয় তাখুকথাম বুখাই-ন' অীংগাঁই থাংগ'।

- চাকতি : ককন'দে আসীক নাঙ-পীলাই পীলাই খায়ীই
সালাই, কুসতাম কক-ন' নাঙ-পীলাই পীলাই
কীরীই। নরগ আসীক দে বীখা খাই অ চিবুক
হাসিকিরি-ন' ? আ-ব' থাঙগীই তঙমানি মানীইয়া
নিয়া-দা।
- বিসাকেতু : নীঙ কিসাফা-ন' তা উানাди মা, চাঙ চিবুক
হাসিকিরি-ন' বুথারীই তুবীই নন' বাহান চারি
ফায়-য়ানী চাঙব' চাউনী। নীঙ মসলারগ সিমি-ন'
ছলীই তনসক-নাবা, চাঙ থাংগীই বুথারখাই-ন'
তুবুই ফায়লাইখা-তা।
- চকবীরা : নীঙ কুসতামফা-ন' তাউনাদি মা, চাঙ নন' বল
ফাগদক তানীই কীলাংগানী, তীয় গলা থাইদক
খগীই কীলাংগানী, অ গলা থাইদকনি তীয়
কুপুলীঙ কমেয়ীই থাংখাই নীঙ উানাди চাঙ
কীরীইখা হিনীই, অ গলা তীয় কুপুলীঙ কানি-ন'
কুপুলীঙ আংগীই তঙখা হিনখাই নীঙ তা উানাди।

[চকবীরা-সঙ বুমা চাকতি-ন' বল ফাক,
ফাক-দক তানীই কীলাংখা, তীয়গলা কুপুলীঙ
থাইদক খগীই কীলাংগীই থাংলাইখা চিবুক
হাসিকিরি-ন' বুথারীই বাহান তুবুই
চালাইফায়নানি হিনীই।

চকবীরা, বিসাকেতু, সঙ তাখুকদক থাংখা।]

- চাকতি : আনি বীসারগ আনি কক-ন' খীনায়া- গীজা-ন'তা,
আঙ তাম' খাইনানি অ চিবুক হাসিকিরিনি বিখি-ন'
সংগীই চারিজাকখা। নরগ তাই কিফিলিয়া দীলা।

চাকতি থাংখা।

তাখুকদক-রগ ফায়খা।

তাখুকদক-রগ থাংলাইতে থাংলাইতে থাং-গাঁই
হুক তাঙনাই খরকসা বাই মালাইখা, হুক
তাঙনাই-ন' সাংখা।

- চকবীরা : অ হুক তাঙনাই যাংগ'দে চিবুক হাসিকিরিনি নক
আংখা হি-ন' চাঁও ব বাই জুদু খাই-নানি।
- হুক তাঙনাই : আউ যাংগ'-ন'।
- চকবীরা : চাঁও গিলামা হাকচালনি ফায়লাইমানি, নাঁও চাঁও-ন'
তীয় রাঙসা খানিযাঁই হদি, নিনি থানি চাঁও তীয়
রাঙসা নাঁওগাঁই থাংলাইয়ানি। নাঁও তীয় নাইনানি
থাঙসানি চাঁও নিনি হুক-ন' তাঙলাই
তঙসক-লাইয়ানি।
- হুক তাঙনাই : নরগ তাঙসক-গাঁরাদি খাই আনি হুক-ন'। আঙ
নরগনি বাগাঁই তীয় নাইয়াঁই ফাইগাঁরানা খাই।

[তাখুক-দকরগ ব তীয়-ন' নাইনানি হিনাঁই
থাংসানি হিনখাই বিনি হুক-ন' জেতাই-মাতাই
খায়াঁই মাইরগ ফুইচাই চখাক-পখাক খায়াঁই
কীলাংগাঁই খারাঁই থাংবাইখা বিয়াংব'।]

হুক তাঙনাই ফায়াঁই নুকফায়বা হুকনি মাইরগ
ফুইজাক জেতাই-মাতাই খাই তানসজাক
তানফেরেজাক চকাকজাক ফায়াঁই নুকফাইখা। উল'
খাই হুক তাঙ-নাই তাখুকদকরগন' সীলাইখা চিবুক
হাসিকিরি পাইথুন তাখুকদকরগ চেনথুন। হিনাঁই
সীলাইয়াঁই রিহরখা।

তাখুকদকরগ থাংতে থাংতে থাংগাঁই মুসুক
মীরীকনাই বাগালি খরকসা বাই মালাইখা, সাংখা
যাংগ'দে চিবুক হাসিকিরিনি নক আংখা হিনাঁই।

বাগালি সাখা আউ যাংগ'-ন' বিনি নক। তা-ম'
খাইনানি সীলাই নরগ অ চিবুক হাসিকিরি বাই তা-ম'
কাম দে তঙ।

তাখুকদক-রগ সাখা চাঙ ব বাই জুদু খাইনানি,
নৌঙ চাঙন' তীয়-সে খপসা খানিগীরাদি, চাঙ
বেজান হাকচালনি হিমাই ফায়মানি তীয় কাংমানি
কুলসে কীরাই-খা তীয় নৌঙনানি মচুঙমানি।

বাগালি সাখা আনি অ-র' তীয়-সে কীরাই
বেলে।

তাখুক দকরক সাখা অরঅ তীয় বরঅ তঙনাই
তুবুই নাইয়াই চাঙন' খানি-ফায়দি। তীয় কাংমানি
কুলসে কীরাই লাইখা, নৌঙ তাউনাদি নিনি
মুসুক-ন' চাঙ নায়াই তঙগানী নৌঙ চিনি বাগাই
তীয়-সে নাইয়াই ফায়গীরাদি। তীয় কাংমানি-সে
কুল কীরাইখা, নৌঙ দসে দদি তীয় কাংমানি
তিকিলিয়া।

বাগালি তীয় নাইনানি থাংসানি হিনখাই বিনি
মুসুক-ন' যাং মাসা, উয়াংগ' মাসা খাই বেংগাই
অ মীরীগাই আদা চারিয়াই তনিথানি মুসুক
মাসা-ফা-ন' কীরাই বিয়াংব' বেংগাই রিহরবায়াই
অ তাখুকদকরগ বিয়াংব' খারাই থাংবাইখা।

বাগালি ফায়াই নায়ফাইবা বিনি মুসুক
মাসাফা-ন' কীরাইখা, বিয়াং কীরায়াই থাংবাইখা,
বরক-ব' মানাইলিয়া মুসুক-ব' মানাইলিয়া,
উল'খাই সীলাইখা চিবুক হাসিকিরি পাইথুন
তাখুকদক রগ চেনথুন হিনাই।

তাখুক দকরগ থাংলাইউখা, থাংতে থাংতে
থাংগাই গাইরিঙ তাঙগাই তঙনাই খরকসা বাই
মালায়াই রিয়াই-উখা হিনখা অ গাইরিঙ তাঙনাই
নৌঙ চাঙন' তীয় খপচা খানিগীরাদি।

গাইরিঙ তাঙনাই সাংখা নরগ বরঅ থানানি
হিনাই ফায়লাই ?

- তাখুকদকরগ : চাঙ চিবুক হাসিকিরি বাই জু-দু নাঙনানি ফায়' বিনি নক য়াংগ'দা ?
- গাইরিঙ তাঙনাই : য়াংগ'-ন' চিবুক হাসিকিরিনি নক। আনি অ-র' তায়সে কীরাই বেলে। আঙ নরগ-ন' তায় খানি-নানি হিনখাই তাই কিসানি বাগাঁই আনি গাইরিঙ পাইয়াই খিবাই রিগীরা-নাখু।
- তাখুকদকরগ : চাঙ তায়সে কাংমানি কুলসে কীরাইখা, নীঙ তা-ডানাদি চাঙ-সে তঙগ', নীঙ চিনি বাগাঁই তায়-সে নাইয়াই ফায়দি, নিনি গাইরিঙন' চাঙ তাঙগাঁই পাই-সুকরি তনসকগানী, নীঙ তায় তুবুই ফায়নাবা চিনি বাগাঁই।

[গাইরিঙ তাঙনাই তায় নাইনানি থাংসানি, য়াংগ' তাখুকদকরগ বিনি গাইরিঙ তানবাইয়াই খিতারবাইয়াই সুকুরম বাইয়াই সুরকবাইয়াই কীলাংগাঁই খারাই থাংবাইখা।

গাইরিঙ তাঙনাই ফায়াঁই নুগাঁই বরগনি বাগাঁই তায় তুবুনানি-ন' খিতারাই হরাঁই সীলাইখা চিবুক হাসিকিরিবা পাইথুন তাখুকদকরগ বা চেনথুন হিনাঁই সীলায়াই বিনি গাইরিঙনি উরগ-ন' থুমাই জমা খায়াঁই তনিবাইখা।]

তাখুকদকরগ থাংখা।

চাকতি ফায়খা।

চাকতি বীখা বিসিঙ বিসিঙ বীসারগ খরকদক-ন' উানসুগাঁই কাবাই হি-ন' আঙ-বা তা-ম' খাইনানি বাগাঁই-বা অ চিবুক হাসিকিরিনি বিখিন'বা চাখাই খায়াঁই সংগাঁই চারিয়াই রিজাকখা, তাবুক খাই বুথারাই তুবুই বাহান চাফায়লাইনানি

থাংলাইখা, তাবুক জরাতীইলে থীয়লাইয়া-খ'
গলাঅ তীয় কুপুলীঙন' আংগীই তঙখা, উলবা
তাম'ব' আংন' সায়ীই মানলিয়া। আনি বীসারগ
কাহাম কীরীঙ-ন' সকফায়-জাবাইথুন।

চাকতি থাংখা।

তাখুকদকরগ ফায়খা।

তাখুকদকরগ থাংলাইউখা, থাং-ন' থাংগ'
থাং-ন' থাংগ' থাংতে থাংতে থাংগীই সগীইখা
মাইরায়ীই তঙনাইনি আ-র'।

মাইরানাইন' সাখা, চিবুক হাসিকিরি-ন'
নায়তুগীই ফায়' চীঙ তাখুকদকরগ। নীঙ সায়ীই
দে মান চিবুক হাসিকিরিনি নক বিয়াং ফায়সিংগ'।

মাইরানাই বিনি নক উয়াং-গ'সে হিনীই সাখা।

তাখুকদকরগ নিনি মাই-ন' চীঙ রায়ীই
কীলাংগা-নী, নীঙ চীঙন' তীয় থপসা মাখানিনাই,
চীঙ তীয় কাংমানি কুল কীরীইখা।

মাইরানাই আহাই খাই নরগ আনি মাই-ন'
কিসা রাসকদি-আঙ নরগনি বার্গীই তীয় খর্গীই
নাহারনানি থাংখা।

তাখুকদকরগ মাইরানাই তীয়-ন' খকনানি
থাংসানি বিনি মাই-ন' কাদুল বাইয়ীই কাফিক
বাইয়ীই লান-সান খায়ীই খারলাই থাংলাইখা।

মাইরানাই তীয় খর্গীই তুবুই ফায়ীই নায়ফায়বা
অ তীয় নীঙনানি হিনীই সান-নাইরগ বিনি মাই-ন'
কাফির্গীই কাদুলীই কীলাংগীই থাংবাইখা। ব উ-ল'
খাই সীলাইখা তাখুকদকরগ চেনথুন চিবুক
হাসিকিরি পাইথুন।

তাখুকদকরগ থাংলাইউখা, থাংন' থাংগ' থাংন'
থাংগ' থাংতে থাংতে থাংগীই সর্গীইখা
রিতাগনাইনি আ-র'। রিতাগনাই-ন' সীংখা নীঙ
চিবুক হাসি-কিরিনি নকন' সায়ীই দে মান হিনীই।

রিতাগনাই সাখা আউ সায়ীই মান বেলে হিনীই
সাখা, সীংখা নরগ সা-ব' হিনীই।

তাখুকদকরগ সাখা চীঙ তাখুকদকরগ-সে, চীঙ
চিবুক হাসি-কিরি বাই জুদু খীলায়ীই ব-ন' বুথারীই
বিনি বাহান-ন' তীলাংগীই থানানি হিনীই ফায়'। নীঙ
চীঙন' তীয়-সে খপসা খানিদি, তীয় কাংমানি কুল
কীরীইখা। নীঙ তা উনাদি নীঙ তীয় নাইনানি হিনীই
থাংসানি নিনি রি-ন' চীঙ তাগচুরুয়ীই রিউনৌ।

রিতাগনাই নরগ আঙ তীয় নাহারনানি
থাংসানি আনি রি-ন' তাগসর্গীই তঙসকদি, আঙ
তীয়-ন' খর্গীই তুবুখাই নরগ নীঙলাইদি।

তাখুকদকরগ রিতাগনাই তীয়-ন' খকনানি
হিনীই থাংসানি অ রি-ন' নাহারীই রাইচির্গীই
খিতারীই ফনদিরিক ফানদিরিক খায়ীই খিতারীই
রিহরবাইয়ীই খারলায়ীই থাংখা।

রিতাগনাই তীয়-ন' খর্গীই তুবুই ফায়ীই
নায়ফাইবা রি হিনীই কুসতাম- ফান'সে কীরীইখা,
রা-সজাক তাই চির-জাক খায়ীই কীলাংগীই
থাংবাইখা নায়থকয়া নুকথকয়া খায়ীই। আবরগ-ন'
নুর্গীই রিতাগনাই সীলাইখা চিবুক হাসি-কিরি পাইথুন
তাখুক-দকরগ চেনথুন। আনি রি-ন'-সে আবতীই
খাই কীলাংগীই থাংবাইবা।

তাখুকদকরগ চিবুক হাসিকিরিনি নক-ন'
সীংগীই থাংতে থাংতে তীক-গলা তাগনাই বাই
মালায়ীই রিয়ীই-খা, সীংখা নীঙ চিবুক হাসিকিরিনি
নক-ন' সায়ীই দে মান?

তীকতাগনাই সাখা আঙ সায়াই মা-ন' হিনাই।
তাখুকদকরগ-ন' সাংখা নরগ সা-ব' বরনি বরক
উংখা হিনাই।

তাখুকদকরগ সাখা চাঁঙ বদরমনি কামিঙ নি
বরক-সে হিনাই সাখা, চাঁঙ তাখুকদক হিনাই-ব'
সাখা। নীঙ চাঁঙন, তীয় খপসা খানিদি তীয়
কাংমানি কুল কীরাইখা। নীঙ তাউনাদি নিনি
তীক-গলা-ন' চাঁঙ তাগাই কীলাংগাই থাংগানী।

তীকতাগনাই তীয় খগাই নাইনানি হিনাই
থাংসানি হিনখাই-ন' বরগ অ তীক-গলা-ন' জে
তঙমানি-ন' নাহরীই সীকাগাই সাব খায়াই খারাই
থাংবাইখা তাই তুখুসা-ন' থাইসা ফা-ন' নারীকয়া
খায়াই।

তীক তাগনাই তীয়-ন' খগাই ফায়াই অ তীক
সীবাইজাক নুগাই সীলাইখা চিবুক হাসিকিরি-বা
পাইথুন তাখুকদকরগ-বা চেনথুন।

তাখুকদকরগ থাংখা।

চাকতি ফায়খা।

চাকতি বীসীলা সঙ তাখুক- দকরগ-ন' মুয়তু
আংজাক আংজাগাই বীসীলা-সঙ জ-ন' থাইসা
খায়াই তীয় খগাই কীলাংমানি গলা কপুলীঙ খায়াই,
কালিনি বাগাই-ন' বুমা নায়নাইয়াই তঙগ', গলানি
তীয় দে রানখা হিনাই, নায়-বা অ সা-ল' রানয়া-খ',
চাকতি আফুরু খাই বীখা বিসিঙ বিসিঙ উানসুকখা
আনি বীসারগ থীয় গীলাকখা, বরগ চিবুক
হাসিকিরি-ন' বুথারাই ন-গ' বাহান-ন' তুবুলাইয়াই
ফয়লাইসিনাই। আঙ তাই বরগনি বাগাই উানানি
কীরাইখা হিনাই বীখা বিসিঙগ' মীনাইয়াই তঙখা।

চাকতি থাংখা ।
তাখুকদকরগ ফায়খা ।

তাখুকদকরগ থাংলাইউখা, থাংতে থাংতে
মাইরাঙ-লুতা তাকনাইনি আ-র' থাংগাঁই সর্গাঁইখা,
তাখুক দকরগ সীংগাঁইখা মাইরাঙ-লুতা
তাকনাই-ন', নীঙ চিবুক হাসি-কিরিনি নক দে
সায়াঁই মান হিনাঁই ।

মাইরাঙ-লুতা-তাগনাই সাখা আঙ সায়াঁই মান'
উয়াং ফায়সিং হিনাঁই ফুনুকখা ।

তাখুকদকরগ সাখা নীঙ চীঙন' তীয়-সে খপসা
খানি-গীরাদি, চীঙ তীয়সে কাংমানি কুল
কীরাঁইখা । নীঙ তা উানাди নীঙ চিনি বাগাঁই
তীয়-ন' নাইনানি হিনাঁই থাংসানি চীঙ নিনি
মাইরাঙ-লুতা-ন' কাহাম কাহাম খাই তাকসর্গাঁই
তনিউনা, নীঙ চিনি বাগাঁই তীয় সিমি-ন' নাইয়াই
খানি-ফায়দি থানদি ।

মাইরাঙ-লুতা তাগনাই বরগ-ন' খানিনানি
বাগাঁই তীয়-ন' নাইনানি হিনাঁই থাংসানি খাই-ন'
য়াং তাখুকদকরগ বিনি মাইরাঙ- লুতা-ন'
সীবাইয়াই সুকুরবাই খায়াঁই থাংবাইখা ।
মাইরাঙলুতা তাকনাই আফুরু খাই সীলাইখা ।
চিবুক হাসিকিরিবা পাইথুনু তাখুকদকরগবা চেনথুন
হিনাঁই সীলাইখা ।

তাখুকদকরগ থাঙলাই-উখা চিবুক হাসিকিরিনি
নক-ন' নায়তুগলাই জুদু খাইনানি বাগাঁই । থাংতে
থাংতে থাংগাঁই সর্গাঁইলাইখা দা তাগনাই রুউ
তাগ- নাইনি ন-গ', থাংগাঁই সীংখা, বলে দা
তাকনাই রুউ তাকনাই নীঙ চিবুক হাসিকিরিনি
নক সায়াঁই দে মান হিনাঁই ।

দা-ৰুটা তাকনাই সাখা ইকেলে উংয়াংগ-ন' ফুনাগাঁই য়াসি সুৰাঁই সাখা ।

তাখুকদকৰগ হিনখা নীঙ চাঙন' তীয়-সে খপসা খানিগাঁৱাদি, চাঙ তীয় কাংমানি কুল কাঁৰাঁইখা ।

দা-ৰুটা তাকনাই হিনখা নৱগ-ন' আঙ তীয় খগাঁই খানিখা হিনখাই আনি দা-ৰুটা সা-ব' তাগনানি সীলাই ।

তাখুকদকৰগ সাখা নীঙ তাউনাদি, নীঙ তীয় নাহাৰনানি হিনাঁই থাংসানি চাঙ তাগসগাঁই তনিউনাতা, নীঙ চিনি বাগাঁই তীয় খগাঁই তুবুসানি হিনখাই নিনি দাৰগ ৰুডাৰগ কীতীল কীতীল নুকফায়ানী । চাঙ তাবুক জুদু খাইনানি থাংগাঁই তঙগ' চিবুক হাসিকিৰি বাই । দা-ৰুটা তাগনাই তীয় নাহাৰনানি হিনাঁই থাংসানি খাই তাখুকদকৰগ দা-ৰুটা তাকজাক কাহাম কাহাম-ন' সীবাই বাইয়াই সুকুৰুম- বাইয়াই সাব খায়াঁই কীলাংগাঁই খাৰলায়াই থাংখা ।

দা-ৰুটা তাকনাই তীয় তুবুই ফায়াঁই নায়ফাইবা দা-ৰুটা কুসতামফা-ন' কাঁৰাঁইখা জত-ন' সীবাইজাক সুকুৰুমজাক । আফুৰু খাই দা-ৰুটা তাকনাই সীলাইখা চিবুক হাসিকিৰি পাইথুন তাখুকদকৰগ চেনথুন হিনাঁই ।

তাখুকদকৰগ থাংতে থাংতে থাংগাঁই চিবুক হাসিকিৰিকিনি নক থাংগাঁই মালাইখা । নায়-বা গিলামা হাকৰ কতৰ, অ হাকৰ কতৰ বিসিঙগ'-ন' চিবুক হাসিকিৰি হাবাঁই থুয়াই তঙগ' । লামাঅ তঙতীতাই-ন' অ চিবুক হাক-ৰ' থুয়াই তঙমানি লাংমা-ন' খীনায়াই তঙখা স'নি সাকাই-স' । তাখুকদকৰগ অ হাকৰ গানাঅ খায়াঁই থাংগাঁই সাংগাঁইখা ম সাবনি নক হিনাঁই ।

চিবুক হাসিকিরি ফায়খা।

(চিবুক হাসিকিরি সিচায়া আংগাঁই তঙখা
পুইলাঅ হিনখাই। উ-ল' সচাজাক খাই সিচায়াই
হিনখা)

চিবুক হাসিকিরি

: নরগ সা-ব' আংবাইখা, আঙ মায়ুঙ করাই-রমাই
চায়াই থুয়াই তঙফায়মানি নরগ তা-ম' খাইনানি
আ-ন' সচাফায়? নরগ আঙ বাই চাজাকনানি দা
মুচুঙ তা-ম'? নরগ তাবুক থাংবাইদি, আঙ তাবুক
তাই মুকতীরাই-সা থুয়াই খিবাই মুকতীরাই
আইসি-য়গাঁই খিবাই রিগীরানাথু। নরগ আঙ বাই
কাম নাঙগাঁই তঙখাই উ-ল' ফায়দি। তাবুক
থাংবাই-গীরাদি।

তাখুকদকরগ

: চাঙ থানানি ফায়য়া, নীঙ বাই জুদু খায়াই নন'
বুথারাই নিনি বাহান-ন' তীলাংগাঁই থানানি হিনসে
চাঙ ফায়য়', থুমানি বাঁচায়াই চুঙ বাই জুদু খাইফায়দি।
চাঙ নন' নায়সিঙগই তঙখা জুদু খাইনানি বাগাঁই।

চিবুক হাসিকিরি

: নরগ আঙ বাই জুদু খায়াই পাইনিয়া। আঙ বেলে
চিবুক কতর, নরগ বেলে বরক। নরগ আ-ন'
পাইনিয়া, নরগ থাংবাইদি ন-গ'। নরগ থাংয়াই
আঙ বাই জুদু খাই খাইনরগ-ন' আঙ খরকসা
খরকসা খায়াই চায়াই খিবানী। নরগ থাংবাইদি,
নরগ ন' আঙ সাঅ।

তাখুকদকরগ

: চাঙ ন-গ' থানানি বাগাঁই ফায়য়া, চাঙ নন'
বুথারনানি বাগাঁই-সে ফায়' বাঁচাদি চাঙ বাই জুদু
খাইফায়দি।

[চিবুক হাসিকিরি হাকর বিসিঙনি বাঁচায়াই
ফায়খা নায়য়া নুকয়া কীবাক-সকয়া কতরমা
মেরেঙ-মারাঙ বেদীরা আংগাঁই।

তাখুকদকরগ অ চিবুক-ন' নুগাঁই মুকউাগ-স'
চায়াঁই হাঅ ততপ-তাতাপ খায়াঁই কীলায়াঁই
থাংবাইখা জুদু সুদ-ন' খায়াঁই মানলিয়া অ চিবুক
হাসিকিরি-ন' নুগাঁই। আফুরু হিনখাই অ চিবুক
তাখুকদকরগ-ন' খরকসা খরকসা খায়াঁই মনগাঁই
চায়াঁই খিববাইখা, খিববাইয়াঁই চিবুক বিনি হাক-র'
তাই উইসা হাবাঁই থুয়াঁই তঙগাঁইখা।

চিবুক হাসিকিরি থাংখা।
তাখুকদকরগ-ব কীমায়াঁই থাংখা।

তাখুকদকরগ আগি-অ বুমা-ন' বল ফাগদক
তানাঁই কাবুই ফাইমানি-ব' পাইখা তাই গলা থাইবা
তীয় খগাঁই কুপুলুঙ খায়াঁই কাবুয়াঁই ফাইমানি-ব'
গলানি তীয় কেচেবাঁই কখীলায়াঁই থাংখা গলা
বকতক জরা অীংগাঁই।

চাকতি ফায়খা।

চাকতি বীসারগনি বল-ন' কমেমানি-ব' নুগাঁই
তাই গলানি তীয়-ব' কমেয়াঁই থাংগাঁই তঙমানি
নুগাঁই হাইরগাঁই কাপখা অ সাজীলা-সঙ নরগ তাই
ম হা-সাকাঅ কীরাঁইখা হিনাঁই। আবতাঁই খায়াঁই
কাবাঁই তঙফুরু নক-ন' সাব খায়াঁই ফারাঁই তঙফুরু
কুউই থাইসা মানখা। অ কুউই মানমানি-ন'
বীচাঙগ' খায়াঁই বেরাঁই তনিখা। চাকতি অ
কুউই-ন' বীচাঙগ' বেরাঁই তনতে তনতে উল খাই
চাকতি অসই-কসই-ন' সাক কুপুলুঙ অীংগাঁই
থাংখা।

চাকতি থাংখা ।

মতিয়া ফায়খা ।

মতিয়া ব বাঁসাই কিতঙ আগিঅ থায়য়া-সানি
বীথাই কীচাক বুফাঙ-ন' কাইয়াই কীলাংমানি, অ
বীথাই কীচাক থাইসা নায়থক অঁংগাঁই তঙখা
করময়াই । মতিয়া বাঁসাই-ন' মুয়তু অঁংগাঁই অ
বীথাই কীচাক বাঁথাই-ন' নাহাৰীই কাপতীয়াই
খুৰ্গাঁই চাখা । মতিয়া অ বাঁথাই কীচাকন' চাখাইন'
সাক কুপুলীঙ অঁংগাঁই থাংখা । উল' খাই তাল
কুপুলীঙ অঁংখাই-ন' সাক খালাস অঁংগাঁই থাংখা,
নায়বা বাঁৰীই বায়ীই রিখা । উল' খাই অ বাঁৰীই
আচাইনাই অ চেৰাই-ন' হম-দম খায়ীই-ন'
কামিঙনি বরক-রগ আবুল সুয়াই রিখা, বিনি মুঙ
হিনখাই বুমা বাঁথাই কীচাক চায়ীই মা-ন' হিনাই
কীচাকতি ফাৰীই রিখা ।

মতিয়া থাংখা ।

চাকতি ফায়খা ।

চাকতিব' নক ফাৰীই তঙফুরু কুডাই থাইসা
মানীই বাঁচাঙগ' বেৰীই তনিয়াই সাক কুপুলীঙ
অঁংগ' হিনাই কামিঙনি বরক-রগ আবুল সুমানি
সা-ল' হিনখাই ডাথপ মাতাই-ন' মাতাই খাইনাই
অচাই হাঙগীরা অ আচাইনাই চেৰাই কীলাই-ন'
কুডাই কেনদীরাসা হিনাই ফাৰীই রিখা । অ কুডাই
কেনদীরাসানি আবুল সুলাই-ফুরুঅ চিনি
জাতি - গুসতিনি হুকুম-মুকুমুনি রাইদাঅ
তঙতাই-খাই-ন' আবুল সুয়াই পাইলাইখা ।

চাকতি থাংখা।
বুদিনি, মীসাতি ফায়খা।

মীসাতি

: বাচাই চিনি কামিঙনি বারাই খরকনাই চাকতি বাই মতিয়া, আ-ব' তাম' খাই আংবাইখা আঙলে সায়াই মানলিয়া। কায়সা হিনখাই বাসাই-ন' কাপতীতাই নক ফারাই তঙথানি কুডাই থাইসা মানাই বাঁচাঙগ' বেরাই তনিখাই সাককুপুলীঙ আংগাই থাংখা হিনতা চাকতি খাই। তাই খরকসা মতিয়া আগিঅ বাসাই বাঁথাই কাঁচাক বুফাঙ-ন' কাইয়াই কীলাংমানি, অ বুফাঙনি বাঁথাই-ন' চায়াই সাক কুপুলীঙ আংগাই থাংখা হিনতা। আঙলে অ কক-ন' বিসি খাই মাইখাম চাথায়। হাঅ খীনায়া ন-গ' খীনায়া ডাকমা কঙগীরাই মানাই তঙখা।

বুদিনি

: মীসাতি নুঙ কক-ন' কেপেলেঙ খায়াই তা বুজিদি। কক কিসা ককই-মকই খায়াই-ব' বুজিনানি নাঙনাই তামঙগাই হিনবা চীঙ চিনি সিরি-সিতিনি উল' কাঁচাকতি বাই কুডাই কেনদীরানি কেরাঙ কথমা-ন' সাজাকনানি তঙখাই মীতাই ফা-ন' আংগাই মা-ন' তা-ম' তঙ-বা। ফিয়াবা তাখুকদকরগ বাই চিবুক হাসিকিরিনি কেরেঙ কথমা-ব' সাজাকনানি তঙখাই-বা আবতাই চিবুক হাসিকিরিনি বিখি-ন' মানাই ফা-ন' সৎলাই চালাই মা-ন' তা-মলে তঙ-বা। কক আংখা বরকসে খীয়' কক খীয়য়া নিয়াদা সীলাই, চীঙ তাবুক খীয়নাই চিনি ম কক তঙরীগাই থানাই।

বুদিনি, মীসাতি থাংখা।
চাকতি, মতিয়া ফায়খা।

- চাকতি** : বায় মতিয়া, নিনি বাই আনি তঙমুঙ হিনখাই বাগসা-ন' বাগসা, জে চাঙ যঙ চকদিরিনি আ-র' কীচারজগাই থাংলাই-ফুরুনি সিমি চাঙ বাগসা-ন' বাগসা চিনি তঙমুঙ আংলায়্যাই তঙলাইখা। নায়সিগাই নায়দি, চাঙ-ন' কীচারই নাহারমানিব' বাগসা-ন' বাগসা, থাংগাই তীয় খকলইমানি-ব' বাগসা-ন' বাগসা, মীসা মালায়্যাই খারলাইমানি-ব' বাগসা-ন' বাগসা, কইজকলাইমানি-ব' বাগসা-ন' বাগসা, চিনি বাসা আচাইমানি-ব' বাগসা-ন' বাগসা, চিনি বাসাই থীয়লাইমানি-ব' বাসা কীমালাইমানি-ব' বাগসা-ন' বাগসা। তাবুক তাই উইসা বাসা মানলাইমানি-ব' বাগসা-ন' বাগসা।
- মতিয়া** : চাঙ আচাইমানি-ব' বাগসা-ন' বাগসা আংনা-না চাকতি। চাঙ তাই ম লাংমা তঙসাক তাই কাগলাইলিয়া, চাঙ থীয়মানি-ব' বাগসা-ন' বাগসা খাই থীয়থুন। কাগলায়্যাইলে তা থীয়লাইথুন।
- চাকতি** : আউ বায় মতিয়া, কাগলায়্যাইলে চাঙ তা থীয়জাবাথুন।

চাকতি, মতিয়া থাংখা।

মতিয়া, কুউই কেনদীরাসা, কীচাকতি ফায়খা।

- মতিয়া** : নায়ফায়দি মাতিঙ আঙ সাব-ন' লামানি রমাই তুবুই ফায়খা। ব ফায়নানি-সে গসিয়া চিনি ন-গ' আঙ ফায়দি সাকাই ফায়দি হিনাই তুবুই-সে ব ফায়য়' চিনি ন-গ'। নীঙ নিনি দাদা বাই বাগসা-ন' বাগসা আচাইঅ, নীঙ খাই নিনি দাদানি সীলাই কিসিসানি কুসু নরগ তাবুক তরীই সিকীলা আংবাইখা, নরগ বাগসা-ন' বাগসা সিকীলা।
- কীচাকতি** : মা ব-ন' দাদা দে রিঙনানি কীলাই?

- মতিয়া : আউ দাদা-ন' রিঙনানি কীলাইঅ, দাদা হিনাই
রিঙদি ব-ন'। নিনি সীলাই কিসিসা অকীরা কুউই
কেনদীরাসা খাই।
- কুউই কেনদীরাসা : যঙ বীরাই, আনি আচাই-সঙ আঙ সাইচুং দা ?
মতিয়া : অমা নিনি আচাই-সঙ নিনি সীলাই অকীরা মাং
তাই খরকদক তঙগ'। বরগ-ন' জত-ন' চিবুক
হাসি-কিরি রমাই চায়াই খিবাইখাতা খরকসা
খরকসা খায়াই।
- কুউই কেনদীরাসা : অ চিবুক হাসিকিরিনি নক বীসীক হাকচাল সীলাই
যঙ বীরাই, আঙ থাং দে মান-ন ?
- মতিয়া : অমা আ-র' নীঙ সাইচুং থাংগাই মান-ন' ? নিনি
দাদা-সঙ-সে থাংগাই বুথারাই মানয়া, নীঙ খাই
বুথারাই মান-ন' ? আবতাই বীখা তা রমদি আয়ুঙ।
- কীচাকতি : আঙব' দাদানি লগিঅ থাংগাই নায়য়ানীতা মা।
মতিয়া : নরগ কবর দে উইজায়াই থাংবাইখা তা-ম' ? বুই
সিকিলা জুউান জুউান-সে চায়াই খিবজাক-বাইঅ,
নরগ চেরাই চেরাই দে আঙগাস খায়াই তঙ ? থাং
খাই-ন' মনগাই খিবজাক-বাইয়ানী।
- কুউই কেনদীরাসা : আঙ মা-ন' কাহাম খাই সাংগাই নায়গীরানাতা
যঙ বীরাই।

মতিয়া, কুউই কেনদীরাসা, কীচাকতি থাংখা।

চাকতি, কুউই কেনদীরাসা ফায়খা।

- কুউই কেনদীরাসা : আনি দাদা কতর-সঙ তঙ হিন বেলে না ? বরগ
বিয়াংগ' কীমায়াই থাংবাইখা সীলাই মা ?
- চাকতি : চিস নীঙ আব-ন' তা-ম' খাইনানি খীনানি মুচুঙ
তঙ সীলাই বাবু ? আ-ব' নীঙ খীনায়াই তা-ম'
খাইনানি।

- কুউই কেনদীরাসা : দ মা সাদি বরগ তামঙগী থীয়নানি নাঙ, আঙ তাবুক তরীই সিকিলা আংগী তঙখা বীলা, আব' বাই-ন' আঙ নিনি বুখুক বাই খীনানি মুচুঙগী তঙখা বীলা মা।
- চাকতি : আঙ মগদাম বারি-ন' তাঙ-ফুরু চিবুক হাসিকিরিনি বিখি-ন' মানাই ন-গ' তুবুই ফায়ীই দিবর' চাখীই সংগীই নিনি দাদা-সঙন' চারিখা হিনখাই বরগ অ চাখীই-ন' থকজাকমানি কুল কীরীইখা আংগীই চিবুক হাসিকিরি-ন' বুথারীই বাহান-ন' তুবুলাইনানি হিনাই থাংলাইখা হিনখাই চিবুক হাসিকিরি বাই মনগীই থিবজাকবাইখা তা।
- কুউই কেনদীরাসা : মা আঙ খাই বুথারীই বাহান-ন' তুবুই চাফাইয়ীই মান তা। মা থানানি চিবুক হাসিকিরি-ন' বুথারনানি বাগীই আঙ।
- চাকতি : নুকখা দে আঙ আব' বাইন' নন' সয়া আংগীই তঙমানি, তাবুক খীনাই রিখাই আহাইসে আং সাই তঙসিঅ।
- কুউই কেনদীরাসা : ইঁহি মা আঙ থাংগীই বুথারীই-ন' বাহান-ন' তুবুই চানানি মুচুঙগীই তঙখা। বিখিসে আসীক থকখা হিনখাই বাহাম খাই তে-ব' থকগানী। নীঙ আ-ন' আব'তীই মানা তাখাইদি মা। আঙ থানাইন' থানাই। থাংগীই বিনি বাহান-ন' তুবুই চাফায়-নাই-ন' চাফায়নাই নীঙ নায়ীই তঙদি মা। নীঙ আনি বাগীই কুসতাম ফা-ন' তাউনাদি।
- চাকতি : দ আবতীই হিনখাবা থাংগীই নায়দি খাই বাবু।

চাকতি, কুউই কেনদীরাসা থাংখা।
কুউই কেনদীরাসা, কীচাকতি ফায়খা।

- কীচাকতি : দাদা নুঙ চিবুক হাসিকিরি-ন' বুথারনানি হিনাই
থাংখাই আ-ন'ব' তইদি নিনি লগি খায়াই, আঙব'
নিনি লগিঅ থাংগাই নীঙ অ চিবুক-ন' বুথারমানি
নায়নানি।
- কুডাই কেনদীরাসা : অমা নীঙ আনি লগিঅ থাংগাই বুই বাই তা-ম'
হিনজাকনানি, আয়াং বেলে নীঙব' সিকিলা আঙব'
সিকিলা, নিনি নীমা যঙ-বীরাই-ব' তা-ম' হিননানি
চীঙন'।
- কীচাকতি : নীঙ আ-ন' জেসা খাইফা-ন' নীঙ আ-ন'
মাতীলাং-নাই দাদা, আঙ জেসা খাইফা-ন' অইল
খায়াই গসেরিউনো আনি মা-ন', নীঙ তাউনাদি
দাদা।
- কুডাই কেনদীরাসা : দ আহাই খাই নিনি ইসাতা মীনাই।

কুডাই কেনদীরাসা, কীচাকতি, থাংখা।
চাকতি, কুডাই কেনদীরাসা ফায়খা।

- কুডাই কেনদীরাসা : নন' দাদা-সঙ বল ফাকসা তই গলা তীয় কুপুলীঙ
খগাই কীলাংগাই থাংমানি হাইখাই আঙব'
আবতাই খাই-ন' কীলাংগাই থানাই। নীঙ বল বাই
গলা তীয় কুপুলীঙ-ন' নায়-নায়য়াই তঙদি, অ
গলা তীয় কুপুলীঙ কমেয়াই থাংখা খাই আ-ন'
কীরাই খা হিনাই সায়াই মানদি, আরনি বিসিঙগ'
গলা কুপুলীঙ তীয় তঙ খাই আ-ন' তঙখ' হিনাই
বুজিদি আসীক-ন' কক মা। আঙ নন' খুলুন-খা
মা, আঙ থাংখা। (গলা কুপুলীঙ তীয় খগাই
কীলাংখা, বল ফাকসা তানাই তুবুই কীলাংখা)।

কুডাই কেনদীরাসা থাংখা।
চাকতি ফায়খা।

চাকতি : নন' আঙ হামবাই রিখা বাবু, কুডাই কেনদীরা
পাইথুন চিবুক হাসিকিরি চেনথুন।

চাকতি থাংখা।

কুডাই কেনদীরাসা, কীচাকতি ফায়খা।

কুডাই কেনদীরাসা : নীঙ নিনিমা-ন'দে সায়ীই ফায়খা?
কীচাকতি : সায়ীই-ন' ফায়খা আঙ মা-ন'।
কুডাই কেনদীরাসা : নীঙ আনি লগি লগি তা ফায়দি, লাঙগা খুঙসা
হরীই আনি উদরপ উদরপ খায়ীই ফাইদি, বুই
চীঙন' হিসাকনীয় হিননানী, আঙ সীকাঙ থাংগানী
আনি উল' খায়ীই চালীই ফায়দি।

কুডাই কেনদীরাসা, কীচাকতি থাংখা।

কুডাই কেনদীরাসা ফায়খা।

কুডাই কেনদীরাসা : (থাংতে থাংতে থাংগীই সর্গীইখা, হুক-ন' তাঙগীই
তাঙনাইনি আর', থাংগীই সাংগীইখা) অ হুক
তাঙনাই তাঙনাই।

হুক তাঙনাই : অই।

কুডাই কেনদীরাসা : নীঙ চিবুক হাসিকিরিনি নক দে সায়ীই মানহি-ন',
মান খাই আ-ন' কিসা সায়ীই হরজাদি আঙ ব বাই
জুদু খাইনানি।

হুগ তাঙনাই : ইক' যাংতাই-ন' থাংদি।

কুডাই কেনদীরাসা : নীঙ আ-ন' চিবুক হাসিকিরিনি নক-ন' সায়ীই
হরমানি আঙ নিনি হুক-ন' তাঙচুরুই কীলাংগীরানা
(হিনীই তাঙ চুরুই আকনাই থাংখা)। আনি মুঙ
খাই কুডাই কেনদীরাসা, আঙ বদরমনি কামিঙনি
বরক।

- হুগ তাঙনাই : কুডাই কেনদীরাসা পাইথুন, চিবুক হাসিকিরি চেনথুন।
- কুডাই কেনদীরাসা : (থাংউখা, থাংতে থাংতে মুসুক মীরীকনাই বাই মালাইখা, সাংখা অ মুসুকমীরীকনাই) নীঙ চিবুক হাসিকিরিনি নক দে সায়াই মান হি-ন', সায়াই মানখাই আ-ন' সায়াই রিহরজাদি।
- মুসুক মীরীকনাই : সায়াই মান বেলে, যাংতীই-ন' থানদি।
- কুডাই কেনদীরাসা : নীঙ আ-ন' চিবুক হাসিকিরিনি নকনি লামা-ন' সায়াই রিহরমানি নন' আঙ মুসুক বেঙচুরুই কালাংগীই থানী, আনি মুঙ খাই কুডাই কেনদীরা আঙ বদরমনি কামিঙনি বরক-সে।
- মুসুক মীরীকনাই : কুডাই কেনদীরাসা পাইথুন চিবুক হাসিকিরি চেনথুন।
- কুডাই কেনদীরাসা : (থাংউখা চিবুক হাসিকিরিনি নক ফায়সিং খায়াই, থাংতে থাংতে গাইরিঙ তাঙনাই বাই মালাইয়াইখা) সাংখা অ গাইরিঙ তাঙনাই নীঙ চিবুক হাসিকিরিনি নকনি লামা-ন' সায়াই দে মান? আনি মুঙ খাই কুডাই কেনদীরাসা, আনি নক খাই বদ- রমনি কামিঙগ'। আঙ চিবুক হাসিকিরি বাই জুদু খাইনানি ফায়'।
- গাইরিঙ তাঙনাই : যাং তীই-ন' থানদি, যাঙগ'-ন' বিনি নকনি লামা।
- কুডাই কেনদীরাসা : নীঙ আ-ন' চিবুক হাসিকিরিনি নক-ন' সায়াই রিহরমানি নন' আঙ নিনি গাইরিঙ তাঙচুরুই কালাংগানী (হিনীই বিনি গাইরিঙন' তাঙচুরুই রিয়াই থাংখাই গাইরিঙ তাঙনাই হিনখা কুডাই কেনদীরাসা পাইথুন চিবুক হাসিকিরি চেনথুন হিনীই হামবাই রিখা।
- কুডাই কেনদীরাসা : (আরনি থাংগীই মাই রায়াই তঙনাই বাই থাংগীই মালাইখা), সাংখা অ মাই রানাই নীঙ চিবুক হাসিকিরিনি নকনি লামা-ন' সায়াই দে মান? আনি কামিঙনি মুঙ খাই বদ-র' মনি কামিঙ।

- মাই রানাই
কুউই কেনদীরাসা
- : সায়াই মান বেলে, যাঙ তাঁই-ন' থানদি।
: নীঙ আ-ন' চিবুক হাসিকিরিনি নকনি লামা-ন' সায়াই হরনাই-বা নন' আঙ মাই রাচুরুই কীলাংগানী (হিনাই মাই-ন' রাচুরুই কাবুই ফায়খা। সায়াই কাবুখা আঙ চিবুক হাসিকিরি বাই জুদু নাঙনানি হিনাই)।
- মাই রানাই
কুউই কেনদীরাসা
- : কুউই কেনদীরাসা পাইথুন চিবুক হাসিকিরি চেনথুন।
: (আরনি থাংখা, থাংগীই রিতাগনাই বাই মালাই-য়াইখা) সাংখা নীঙ চিবুক হাসিকিরিনি নকনি লামা দে সায়াই মান? আনি মুঙ খাই কুউই কেনদীরাসা, আনি কামিঙনি মুঙ খাই, বদরমনি। কামিঙ আঙ চিবুক হাসিকিরি বাই জুদু খায়ীই ব-ন' বুথারাই বিনি বাহান-ন' তীলাংগীই থানানি হিনাই ফায়'।
- রিতাগনাই
কুউই কেনদীরাসা
- : যাং তাঁই-ন' থানদি বিনি নকনি লামা।
: আ-ন' চিবুক হাসিকিরিনি নক-ন' সায়াই রিমানি বাই নিনি রি-ন' আঙ তাগচুরুই কীলাঙগানী (হিনাই রিতাগচুরুইয়াই রিয়াই থাংখা চিবুক হাসিকিরিনি নকনি বীখাক)।
কুউই কেনদীরাসা চিবুক হাসিকিরিনি নকনি লামা ফায়সিংগ' থাংতে থাংতে তীক-গলা তাগ-নাইনি ন-গ' থাংগীই সর্গীইখা, সাংখা অ তীক-গলা তাগনাই নীঙ চিবুক হাসিকিরিনি নকনি লামা-ন' সায়াই দে মান? আনি মুঙ খাই কুউই কেনদীরাসা, আনি কামিঙনি মুঙ খাই সাংখা বদরমনি কামিঙ? আঙ অ কামিঙনি বরকসে। আঙ ব বাই জুদু খাইনানি ফায়'।

- তীক-গলা তাগনাই : সায়ীই মা-ন আঙ চিবুক হাসিকিরিনি নকনি লামা-ন'। যাংতাই-ন' থাংদি নীঙ তাই করনানি কীরীই।
- কুউই কেনদীরাসা : নীঙ আন' চিবুক হাসিকিরিনি নকনি লামা ফুনুক রিমানি নন' তীক-গলা তাগচুরুয়ীই কীলাংগানী (হিনীই তীক-গলাতাগ চুরুয়ীই কাবুই ফায়খা)।
- তীক-গলা তাগনাই : কুউই কেনদীরাসা পাইথুন, চিবুক হাসিকিরিনি চেনথুন। (হিনীই সায়ীই রিহরখা)।
- কুউই কেনদীরাসা : (আরনি থাংগীই সর্গীইখা মাইরাঙ-লুতা তাগনাইনি ন-গ' সীংখা) নীঙ চিবুক হাসিকিরিনি ন-গ' থাঙমানি লামা-ন' সায়ীই দে মান? আনি মুঙ খাই কুউই কেনদীরাসা, আনি কামিঙনি মুঙ হিনখাই বদরমনি কামি, আঙ অ চিবুক বাই জুদু নাঙনানি ফায়' আ-ন' বিনি নকনি লামা-ন' সায়ীই রিহরদি।
- মাইরাঙ-লুতা তাগনাই : ইকেলে উ লামাতাই-ন' থানদি।
- কুউই কেনদীরাসা : নীঙ আ-ন' চিবুক হাসিকিরিনি নকনি লামা-ন' সায়ীই বিহরমানি আঙ নিনি মাইরাঙ লুতা-ন' তে-ব' বিসি কাহাম খায়ীই তাগীই কীলাংগানী (হিনই তে-ব' বিসি কাহাম খাই তাগীই কীলাংগীই থাংখা)।
- মাইরাঙ-লুতা তাগনাই : নীঙ হামদি চাদি, চিবুক হাসিকিরি চেনথুন, কুউই কেনদীরাসা পাইথুন (হিনীই সায়ীই রিহরখা)।
- কুউই কেনদীরাসা : (মাইরাঙ-লুতা তাগনাই বাই চিবুক হাসিকিরিনি নকনি লামা-ন' সায়ীই রিহরজাগীই থাংউখা। থাংতে থাংতে থাংগীই সর্গীইখা দা-রুঙা তাগনাইনি ন-গ', ব-ন' সীংখা) নীঙ চিবুক হাসিকিরিনি নক-ন' সায়ীই দে মান? আনি মুঙ খাই কুউই কেনদীরাসা, আনি কামিঙনি মুঙ খাই বদরমনি কামিঙ হিনজা-গ', আঙ চিবুক হাসিকিরি বাই জুদু খাইনানি ফায়'।

- দা-ৰুটা তাগনাই : ইকেলে তাই বিসি খায়ীই চাল-লিয়া ই কেলে
 যাংতাই-ন' থানদি, ইক' ম লামা-ন'।
 [কুউই কেনদীয়াসা বীখা বিসিঙগ' হিনখা ব
 আন' অ চিবুকনি লামা-ন' সায়ীই হরমানি আঙ
 বিনি দা-ৰুটা কুদাল-ন' কাহাম খাই তাগীই
 কীলাংগানী। আঙব' সুৱিৱগ চাকুৱৱগ জুইত
 খায়ীই তাগীই তীলাংগীই থাংগানী হিনীই জুইত
 খায়ীই বিনি দা-ৰুটা কুদাল-ন' তাগীই ৱিখা, ব
 নিজি-ব' জুইত খায়ীই সুৱি চাকুৱৱগ তাগীই তুবুই
 ফায়খা]।
- দা-ৰুটা তাগনাই : (হামজাগীই সাখা) চিবুক হাসিকিৱি চেন-থুন
 কুউই কেনদীয়াসা পাইথুন (হিনসায়ীই ৱিহৰখা)।
 [কুউই কেনদীয়াসা থাংতে থাংতে চিবুক
 হাসিকিৱি তঙমানি হাকৰ কতৱ-মা খৱসা মালায়ীই
 ৱিয়ীইখা নায়া-নুকয়া হাকৰ, কুউই কেনদীয়াসা
 উানসুকখা ম-ন' চিবুক হাসিকিৱিনি হাকৰ
 আংগানী হিনীই ব সাং হৰখা] ম দা চিবুক
 হাসিকিৱিনি নক আংখা।
- চিবুক হাসিকিৱি : (সাহৰখা) আনি নক-ন'।
- কুউই কেনদীয়াসা : ফায়দি বীচায়ীই আঙ নীঙ বাই জুদু খাই-নানি
 ফায়', বীচাই ফায়দি তাবুক-ন'।
- চিবুক হাসিকিৱি : নিনি দাদা-সঙ তাখুকদক-সে আ-ন' পাইয়া, আঙ
 বাই মাসা মাসা খায়ীই মনগীই খিবিজাকবাইখা,
 নুঙ-ব' আঙ বাই মনগীই খিবিজাকনানি বাগীই দা?
 নিনি মুঙ তা-ম?
- কুউই কেনদীয়াসা : আনি মুঙ খাই কুউই কেনদীয়াসা।
- চিবুক হাসিকিৱি : অমা নন' খাইলে আঙ কিসা কিৱিঅ, ত-ব' নীঙ
 আ-ন' পাইয়া, নন-ব' মনকনানি।
 নন' বিয়াংতাই মনকনানি, য়াকুংতাই দা,

বখরক-তাই সাদি। নন' খাই অগসে পুঙনিয়া তা
আঙ। নীঙ আঙ বাই জুদু খীলাই লিয়া দে বা,
আহাই-ন' আপুস খায়াই-ন' আঙ বাই চাজকনানি
দে বা?

কুউই কেনদীরাসা
চিবুক হাসিকিরি

- : আঙ খাইলিয়া জুদু-ন' আহাই-ন' চাফায়দি।
- : দ যাকুং হদি খাই।

[কুউই কেনদীরাসা যাকুংগ' কুবুক কুবুক সুরি,
কুবুক কুবুক চাকুর খায়াই যাকুং সুহরীই রিখা
হিনাদি যাকুংতাই মনকদি হিনাই।

চিবুক কুউই কেনদীরাসানি যাকুং-ন'
মনক-রীরীক বিনি বহক রাইচিকজাক-রীরীক,
মনকরীরীক বিনি বহক রাইচিকজাক-রীরীক,
মনকবাইখা। বিনি বহক-ব' রাইচিকজাকবাইখা,
উ-ল' আহাই-ন' চিবুক হাসিকিরি দপসা কীলায়ীই
থায়খা। উ-ল' কুউই কেনদীরাসা বীচায়ীই চিবুক
হাসিকিরিনি বহক-ন' নায়সিগীই নায়মানি অ বহক
বিসিঙগ' বরকনি বেকেরেঙ সিমি-ন' কুপুলীঙ
খাসুগীই তঙখাফন। আফুরং হিনখাই চিবুক
হাসিকিরিনি বাহান-ন' তীলাংগীই থানানি বাগীই
বাহান সুরি বাই রায়ীই তঙমানি জরাঅ হিনখাই
কীচাকতি সগীইখা হিনতা]।

কীচাকতি ফায়খা।

কীচাকতি

- : দাদা আঙ নিনি ককতীই-ন' লাঙগা তুবুই
সকফায়খা নীঙ বুথারমানি চিবুক বাহান-ন'
তীলাংনানি হিনাই।

কুউই কেনদীরাসা

- : নীঙ আনি ককতীই ফায়নাই বীরীই, নীঙ আনি
খাচুকসা বীরীই-সে বীলা।

কীচাকতি

: আঙ নিনি খাচুকসা আংনানি বাগাঁই-ন' আঙ নাঙ
বুথারমানি চিবুক বাহান-ন' তীলাংনানি ফায়'।

[আবতাই হিনাই চিবুক বাহান-ন' লাঙগাসা
খাই দায়ীই কুডাই কেনদীরাসা বাই খরকনীয়
খায়ীই ন-গ' ফায়লাইখা।]

কুডাই কেনদীরাসা, কীচাকতি থাংখা।

বদরমনি কামিঙনি বরক-রগ ফায়খা।

চকদিরি সাখা কুডাই কেনদীরাসা আসীক চিবুক
হাসিকিরি কতরমা নায়য়া-নুকয়া-ন' বুথারাই
জিতীয়াই ফায়মানি-ন' জুদু খায়ীই, আব-ন' বাজার
বাজার সহর সহর খাম-ন' বুয়ীই রিদি কুডাই
কেনদীরাসা চিবুক হাসিকিরি-ন' জুদু খায়ীই বুথারই
বিনি বাহান তুবুই ফায়খা হিনাই। চউদিরিনি
ককতাই-ন' কুডাই কেনদীরাসা চিবুক হাসিকিরি
কতরমা নায়য়া-নুকয়া-ন' বুথারাই জিতি-য়ীই
ফায়মানি-ন' বাজার বাজার সহর সহর খাম বুয়ীই
রিখা। জত-ন' হামজাকবাইখা, উ-ল' খাই বদরমনি
কামিঙনি চউদিরি-সঙ চাকতি-নি বাসীলা কুডাই
কেনদীরাসা বাই মতিয়ানি বাসীলা কীচাকতিন'
কাইয়ীই রিখা কক সাংগীই।

বদরমনি কামিঙনি বরক-রগ থাংবাইখা।

কুডাই কেনদীরা, কীচাকতি, ফায়খা।

কীচাকতি

: রীচা-ব'।

জানি খাফুরমা যাক সয়ীই তুবুদি সিকীলা দনদি কীরীই

তামলে চানানি তামলে চায়া কীনীয় কক বাগসা আংগীই তঙখা খাই

আব' কেবেঙমুঙ কীরীই।

আঙব' হামজা-গ' নীঙ-ব' হামজা-গ' আব' তামনি দুসি
কীনীয় কীনীয়-ন' হামজাকলাইমানি আ-ব' তেবসে খুসি ।
সিকিলা সিকিলি হামজাক কাইজাক-ব' আবনি দাঙস' কীরীই ।
হামলাই জুগিতি কীনীয় আংখা খাই আব-ন' পাইনাই কীরীই ।
জানি খা ফুরমা যাক সয়ীই ...
বীরীই চীলা-ন' হামজাক তঙমানি মায়-ন' সাগীলাক আ-ব'
চীলা বীরীই-ন' খাফুর তঙমানি বাবু-ন' সাগীলাক ব-ব' ।
কায়সা-ন' কায়সা খাফুরলাইমানি আব-ন' সাই মানয়া বুই-ব'
কাইজাগীই মানয়া থীয়লাই থাংলাংব' তা-ম' খাইনানি চাঙব'
জানি খাফুরমা যাক সয়ীই ...
নায়থকফান' তঙথুন নায়থকয়ীই তঙথুন মকল বনেমা ককসে
বরক কীনীয়নি ককসে ।
কানাফা-ন' আংথুন গুজাফা-ন' আংথুন নায়থক জাকলাইমা কক-সে
আ-ব বরকনি ককসে
মকল বনেমা ককসে
সিকিলা দনদি কীরীই ।
জানি-খাফুরমা যাক সয়ীই তুবুদি সিকিলা দনদি কীরীই
তাম' চানানি তামলে চায়া কীনীয় কক বাগসা আংগীই
তঙখা খাই আ-ব' কেবেঙমুঙ কীরীই ।



TRIBAL RESEARCH AND
CULTURAL INSTITUTE



ISBN 978-93-86707-38-3

Price : Rs. 100/-